

R A T I O N E S

PRO PARTE

PP. SEBASTIANI à S. PAULO,

E T

MARCI à RESURRECTIONE DOMINI,

S. THEOLOGIAE PROFESSORUM,

Quibus ostenditur iustitia appellationis eorundem à

D E C R E T I S

ILLUSTRISSIMI, AC REVERENDISSIMI DOMINI

ARCHIEPISCOPI MECHLINIENSIS,

E T

DOMINI OFFICIALIS EJUSDEM,

SUPER CAUSA PROHIBITIONIS CERTA-

rum Thesium Mechlinæ in Capitulo Provinciali dispu-

tandarum diebus 17. & 18. Maii 1677. in eum

finem distributarum.

Juxtà Exemplar Romæ exhibitum.



COLONIÆ AGRIPPINÆ

Typis PETRI ALSTORFF, Anno M, DC. LXXVIII.

THE UNIVERSITY OF CHICAGO

PHILOSOPHY DEPARTMENT

1967-1968

PHILOSOPHY DEPARTMENT

1967-1968

PHILOSOPHY DEPARTMENT

1967-1968

PHILOSOPHY DEPARTMENT

1967-1968

PHILOSOPHY DEPARTMENT

1967-1968

PHILOSOPHY DEPARTMENT



S. I.

SPECIES FACTI.

CUM die 26. Aprilis anni 1677. Theses nostræ Theologicæ Lovanii in Conventu nostro ad S. Catharinam, more quotannis fieri solito publicè, absque ulla offensione, aut Auditorum scandalo essent propugnatae ac defensae, eadem, ne jota uno aut apice immutato, iisdem Præsidibus, occasione Capituli eorum Provincialis, Mechliniæ celebrandi, die 17. & 18. Maii ejusdem anni, publicè in eorum templo, more in Capitulis solito, defendendæ ibidem per civitatem & Religiosorum Monasteria; circiter octo ante diebus, ut ibi solet, sunt distributæ.

Contra illas, ut postea nobis sincerè & fideliter relatum, & eventus ipse edocuit, nonnulli Theologi, varia occulto & secreto consilio moliti fuerunt, ut earum defensio tam solemnem in Capitulo Provinciali inhiaberetur; imprimis enim in magno Mechliniensi Concilio actum, ut publica impediretur defensio, prætextu nonnullarum Propositionum, quæ eorum prævento iudicio, natæ essent in populo scandala suscitare, & defectus seu carentiæ approba-

tionis à Cenfore Ordinario, Regio, ut prætendebatur, decreto requisitæ; at feliciter illâ difficultate nonnihil sopitâ, cum ipso defensionis die, circâ horam undecimam, finito jam Concilio, adverterent se illâ viâ, ad optatum & præfixum sibi finem non potuisse pertinere, statim ad Illustrissimam ac Reverendissimam Dominationem Vestram se contulerunt, quoquo modo inventuri viam & modum prohibitionis defensionis publicæ; undè (ut Illustrissima Dominatio Vestra in suo Decreto edisserit) varia in illis sanæ doctrinæ contraria, & nata in populo sibi commisso suscitare scandala, continere asseruerunt & persuaferunt, ex quo, ut præsumimus (rectius enim & sincerius de justitia & integritate Illustrissimæ Sux Gratiae sentimus) ad illorum verosimiliter instantiam, nobis neccitatis, nec auditis, evulgatum & insinuatum est decretum sequentis tenoris :

A Lphonfus de Berghes Dei & Apostolicæ Sedis gratiâ Archiepiscopus,, Mechliniensis, Primas Belgii, &c., Omnibus has visuris salutem in Domino. Cum deveniret ad noticiam,,

„nostram, certas Theses Theologicas
 „Lovanii impressas typis Martini Hul-
 „legaerde, in Conventu Ordinis Fra-
 „trum B. Mariæ Virginis de Monte
 „Carmelo, hujus civitatis, diebus ho-
 „dierna & crastina publicè defenden-
 „das, esse distributas in manus multo-
 „rum, ad hoc invitatos, ut isti publicæ
 „defensioni interfint; nobisque con-
 „stet in iisdem Thesis diversæ conti-
 „neri, sanæ doctrinæ contraria, ex qui-
 „bus in populo Nobis commisso nata
 „sunt oriri scandala, quæ debito nostri
 „officii tenemur amoliri: eapropter
 „tenore præsentium prohibemus fieri
 „dictam publicam earundem Thesisum
 „defensionem Presbyteris, Clericis, a-
 „liisq; interdiciamus, ne eidem defen-
 „sioni seu disputationi publicæ præsen-
 „tiam exhibeant. Proindè fiat hujus
 „insinuatio tam in prædicto Conven-
 „tu, quam alibi ubi conveniet. Datum
 „Mechliniæ die 17. Maii 1677. Erat si-
 „gnatum Alphonsus Archiepiscopus
 „Mechliniensis, & munitum sigillo or-
 „dinario Illustrissimi ac Reverendissi-
 „mi Domini præfati &c. Concordantiam
 „testor cum suo originali J. de Mayere
 „dicti Illustrissimi Domini Secretarius
 „&c.

„Insinuatio hujus facta per infra-
 „scriptum Curiz Metropolitanæ Pro-
 „curatorem Officij, ad hoc per prædi-
 „ctum Illustrissimum & Reverendis-
 „simum Dominum Archiepiscopum
 „Mechliniensem commissum die 17.
 „Maii inter horam primam & secun-
 „dam post meridiem. J. de la Bastita
 Procurator Officij.

Decretò hòc insinuato, & non sine
 summa totius Capituli consternatione
 perlecto, Reverendus admodum Pater
 Provincialis, firmiter sibi persuadens,

Decretum illud, nonnisi à mala Illu-
 strissimæ Vestræ Gratiæ informatione,
 ac quorundam Theologorum instiga-
 tione emanasse ad Aulam vestram, pu-
 blicæ nostræ confusioni, & eminenti
 totius Provinciæ nostræ infamiae, re-
 medium, si quod posset, positurus, me-
 liusque Illustrissimam Vestram Gra-
 tiam informaturus, se contulit; sed cum
 ob Illustrissimæ Vestræ Gratiæ, ut di-
 cebatur, indispositionem negaretur ac-
 cessus, nonnullis cum primario dome-
 stico Theologo egit, instans pro insi-
 nuati Decreti renovatione, vel saltè
 illius tantilla, ut disputationes publicæ
 indictæ, & post horam inchoandæ ha-
 beri possent, suspensione, allegansque
 pro fundamento, easdem Theses, circi-
 ter ab una quindena publicè Lovanii
 & ante hac, cum ibi, tum alibi fuisse se-
 pissimè, sine contradictione ulla, aut
 populi scandalo defensas; nihilque in
 iis contineri, quod à variis singularibus
 doctrinæ & dignitatis Authoribus, nor-
 sustineretur ac doceretur impunè, qui-
 bus & similibus inter illos tum habitum
 nihil potuit obtinere.

Interim, licet nobis satis evidenter
 appareret, nulla in Thesis nostris con-
 tineri, ob quæ tam severæ censuræ, ac
 infami inhibitioni subjici mererentur,
 & variæ prima fronte rationes ac fun-
 damenta nobis, nostrisque occurrerent,
 postea insignioris notæ Juris- Consul-
 torum judicio approbata, ex quibus cla-
 rè satis apparebat, non esse insinuato
 Decreto parendum; ob bonum tamen
 pacis, & ad evitandum vulgi scandalum,
 dicto Decreto inhibitorio disputa-
 tionis publicæ, acquievimus, sub pro-
 testatione tamen, de non præjudican-
 do juribus & privilegiis nostris; ani-
 moque firmissimo, adversus prædictos
 Theo-

Theologos, apud S. Sedem, cujus est per se loquendo de doctrinis cognoscere, doctrinam nostram ab allatis censuris vindicandi.

Hinc postero die, per Notarium Apostolicum ursum ac institimus, ut nobis specificarentur in Theſibus contenta, quæ sanæ doctrinæ contraria, quæ nata in populo essent suscitare scandala, simulque appellationem à dicto Decreto interjecimus; ut sequitur:

Primus Notarius Apostolicus & Regius requisitus à Reverendo Admodum P. Michaële à S. Augustino Provinciali electo Fratrum Beatissimæ Virginis Mariæ de Monte Carmelo, Provinciæ Flandro-Belgiæ, protestabitur ejus nomine contra Decretum Illustrissimi ac Reverendissimi Domini Archiepiscopi Mechliniensis 17. currentis, inhibitorium defensionum Theſium Theologicarum in Conventu RR. Patrum Carmelitarum die 17. & 18. ejusdem mensis publicè indictarum: declarando non aliter acquiescere prædictæ inhibitioni, nisi sub protestatione de conservando jussuum, & quod tempus fuerit nimium breve, ut potuerit provideri per Superiorem; quoniam circiter una hora dumtaxat antequam prædictæ Theſes deberent defendi, ipsi fuerit facta prædicta prohibitio: & idem protestatur iterum, quod appellet ex nunc à prædicta prohibitione, vel quod procurabit adhiberi aliud remedium sibi visum conveniens: non solum quia permaturè facta, sed etiam sine ulla cognitione causæ, & inaudita parte cum gravissima ejus injuria, de qua pariter protestatur. Proinde requirit, quod prædictus Notarius faciet hujus

protestationis insinuationem Illustrissimo ac Reverendissimo Domino præfato. Datum in Conventu nostro, Mechliniensi 18. Maji 1677. F. Michaël, à S. Augustino Provincialis qui supra.

Ego infrascriptus Notarius insinuationem feci in domo Illustrissimi ac Reverendissimi Domini Archiepiscopi Mechliniensis, cum diceretur ipse in quiete sua, & ideo feci ipsius Cubiculario Mouſti in præsentia Magistri Judoci Verfluis, & Thomæ Lenaerts testium desuper specialiter rogatorum & requisitorum, tradendo prædicto Cubiculario Mouſti, copiam præsentis protestationis, quam posuit ante fenestram Atrii Archiepiscopalis. Actum Mechliniæ die 18. Maji 1677. ad medium nonæ vel, circiter. V. Castelnovæ Notarius Apostolicus & Regius &c.

Hæc appellatione ad Edes Illustrissimæ Vestræ Gratiæ insinuatæ, ut dictum est, iteratè institimus pro responso de Apostolis reverentialibus.

Sed loco postulati responsi de Apostolis, bina alia Decreta personarum nostrarum, ad Curiam spiritualemente coram Domino Officiali citantia, eo ipso vespere, quando manè pro Apostolis reverentialibus institueramus, nobis insinuata & exhibita in forma, ut sequitur. Primum citans P. Sebastianum,

Alphonſus de Berghes Dei & Apostolicæ Sedis Gratiæ Archiepiscopus Mechliniensis, Primas Belgii, ad exercitus Regios Delegatus Apostolicus, Regiæ Sux Majestati à Consilio Status, &c. Omnibus Tabellionibus, Apparitoribus, Clericis, & Notariis sa-

salutem in Domino. Cum circa meridiem 17. hujus, tempore urgente, inhibuerimus, ne in Conventu Mechliniensis Ordinis Fratrum B. Virginis Mariæ de Monte Carmelo, eodem die & sequenti certæ conclusiones Theologicæ, quarum duplicata in multorum manus erant distributa, publicè defenderentur, & ex Theologorum judicio, essemus informati, inter eadem conclusiones contineri aliquas, ex quibus natum erat in populo nobis commissio scandala suscitari, fingentem circa notitiam Dei adultis ad salutem necessariam, fidem in Deum incarnatum præscriptam adultis ad Dei amicitiam consequendam, ac in vim obligativam humanarum legum, nostrique sit officii ab eodem populo avertere pericula damnationis & scandala, & cognoscere de doctrina, quæ illi proponitur, nec non revocare deprehensos in erroribus S. Scripturæ, Concilio Trid. & Patribus contrariis. Idcirco ad instantiam Procuratoris Officii nostri mandamus omnibus & singulis vestrum, quatenus R. R. P. P. Sebastianum à S. Paulo, & Marcum à Resurrectione, harum The-
sium assertos Præfides seu Auctores, coram Officiali seu Commissario nostro citetis, seu vestrum aliquis citet in octavum diem aut alium juridicum proximè sequentem, in loco consuetæ audientie responsuros personaliter suprà articulis à dicto Procuratore in prædicta materia exhibendis, aliisque ad notitiam nostram pertinentibus, & quod feceritis, & vestrum aliquis fecerit, nobis fideliter rescribatis seu rescribat. Datum Mechliniæ die 20. Maii 1677. Et erat signatum: Alphonsus Archiepiscopus

Mechliniensis: Et sigillatum sigillo prædicti Illustrissimi & Reverendissimi Domini Archiepiscopi.

Ick onderschreven Appariteur van den geestelycken Hove van Mechelen, uyt crachte van den boven schreven Brieven daege V. E. Pater Sebastianus à S. Paulo, Religieus vande Paters Lieve Vroove Broeders ter instantie van den Procurator van Officie van den voorschreven Hove om, personelych te compareren voor den Eervv. Heere Official des Aertbisdoms van Meechelen; op den 28 deser Maent May ten thien Uren voornoen in plats van de audientie in het Paleys van den voorschreven Hoochvveerdighsten Heere Aertsbischop, om t'aenhooren den heysch ende conclusie, die den voorschreven Procurator van officie t'U. E. laste alsdan sal doen ende nemen uyt faecke in de boven geschreven Brieven vermeldt. Actum den xx. May 1677. N.V. Rycomm.

Secundum citans P. Marcum.

Alphonfus de Berghes Dei & Apostolicæ Sedis Gratiâ Archiepiscopus Mechliniensis, Primas Belgii, ad exercitus Regios Delegatus Apostolicus, Regiæ Sux Majestati à Consilio Status &c. Omnibus Tabellionibus, Apparitoribus, Clericis, & Notariis, salutem in Domino. Cum circa meridiem 17. hujus tempore urgente inhibuerimus, ne in Conventu Mechliniensis Ordinis Fratrum Beatæ Virginis Mariæ de Monte Carmelo, eodem die & sequenti certæ conclusiones Theologicæ, quarum duplicata in multorum manus erant distributa, publicè defende-

„defenderentur, & ex Theologorum
 „judicio essent informati inter eas-
 „dem conclusiones contineri aliquas,
 „ex quibus natum erat in populo no-
 „bis commissio scandala suscitari, si-
 „gnanter circa notitiam Dei adultis ad
 „salutem necessariam; fidem in Deum
 „incarnatum præscriptam adultis im-
 „piis ad Dei amicitiam consequen-
 „dam; ac in vim obligativam huma-
 „narum legum; nostrique sit of-
 „ficii ab eodem populo avertere peri-
 „cula damnationis & scandala, & co-
 „gnoscere de doctrina, quæ illi propo-
 „nitur, nec non revocare deprehen-
 „sos in erroribus S. Scripturæ, Concil.
 „Trid. & Patribus contrariis: idcirco
 „ad instantiam Procuratoris nostri
 „Officii mandamus omnibus & sin-
 „gulis vestrum, quatenus R.R. PP. Se-
 „bastianum à S. Paulo, & Marcum à
 „Resurrectione, harum Thesium as-
 „sertos Præfides seu Auctores coram
 „Officiali seu Commissario nostro ci-
 „tetis, seu vestrum aliquis citet in o-
 „statum diem, aut alium juridicum
 „proximè sequentem, in loco consuetæ
 „audientie responsuros personaliter
 „super articulis à dicto Procuratore in
 „prædicta materia exhibendis, aliisque
 „ad notitiam pertinentibus, & quid
 „feceritis, seu aliquis vestrum fecerit,
 „nobis fideliter referbatis, seu rescri-
 „bat. Datum Mechliniæ die 20. Maii
 „1677. Et erat signatum: Alphonsus
 „Archiepiscopus Mechlin. & sigillatum
 „sigillo prædicti Illustrissimi & Reve-
 „rendissimi Domini Archiepiscopi.

„**I**ck onderschreven Appariteur van
 „den Geestlycken Hove van Mechelē,
 „uyt crachte van den boven geschrevē
 „Brieven, daege U. E. Pater Marcus à

Resurrectione, Religieus van de Pa-
 „ters Lieve Vrouwe Broeders ter in-
 „stantien van den Procurator van Of-
 „ficie van den voorschreven Hove om
 „personelyck te compareeren voor den
 „Eervveerdighen Heere Official des
 „Aertsbisdoms van Mechelen op den
 „28. deser Maent May ten thien Uren
 „voor noen in de plaetse van audientie
 „in het Paleys van den voorschreven
 „Hoochvveerdighsten Heere Aertbi-
 „schop, om te aenhooren den heysch
 „ende conclusie, die den vorschreven
 „Procureur van Officie a's dan t'U. E.
 „laste sal doen ende nemen uyt saecke
 „in boven geschreven Brieven vermeldt.
 „Actum xx. Maii 1677. N. V. Rycorn.

A binis his citatorialibus & altero
 decreto prohibitorio appellatum est à
 P. Provinciali die 26. Maii in hac forma.

Anno Domini 1677. die 26. Maii
 „comparsens coram me Notario A-
 „postolico ac Regio. & Testibus infra-
 „scriptis Reverendus admodum P. Mi-
 „chael à S. Augustino, Provincialis ele-
 „ctus Fratrum B. Virginis Mariæ de
 „Monte Carmelo, Provinciæ Flandro-
 „Belgiæ, qui declaravit, insinuatum
 „sibi esse decretum ex parte Illustrissimi
 „& Reverendissimi Domini Archie-
 „piscopi Mechliniensis latum parte nec
 „citata, nec audita, cujus tenor hie-
 „quitur: Alphonsus de Berghes Dei &
 „Apostolicæ Sedis gratia Archiepisco-
 „pus Mechliniensis, Primas Belgii &c.
 „Omnibus has visuris salutem in Do-
 „mino. Cum devenerit ad notitiam
 „nostram, certas Theses Theologicas,
 „Lovanii impressas typis Martini Hul-
 „legaerde, in Conventu Ordinis Fra-
 „trum B. V. Mariæ de Monte Carmelo
 „hujus

huius Civitatis diebus hodiernâ & crastinâ publicè defendendas, esse distributas in manus multorum, & hos invictos, ut isti publicè defensionem inter sint, nobisque constet in eisdem Thesisbus diversâ contrariarum doctrinâ contrariâ, ex quibus in populo nobis commissio nata sunt oriri scandalâ, quæ debito nostri Officii tenetur amoliri: eas propter tenore præsentium prohibemus fieri dictam publicam earundem Thesisum defensionem, & Præbiteris, Clericis, & aliis Interdicimus, ne eidem defensionem seu disputationem publicè præsentiam exhibeant. Proinde fiat huius institutio tam in prædicto Conventu, quam alibi ubi conveniet. Datum Mechliniæ die 17. Maii 1677. Erât signatum Alphonsus Archiepiscopus Mechliniensis, & ad eandem Inscriptionem huius facta per infra scriptum Curæ Metropolitane Protutorum Officii; ad hoc per prædictum Illustrissimum ac Reverendissimum D. Archiepiscopum Mechliniensem commissum die 17. Maii inter horam primam & secundam post meridiem, & subscriptum erat. J. de la Bastia Procurator Officii 1677.

Nec non & alterum Decretum citatorum RR. PP. Sebastiani à S. Paulo, & Marci à Resurrectione Domini, subditorum suorum, in vim prioris inhibitorii datum, tenoris sequentis: Alphonsus de Berghes Dei & Apostolicæ Sedis Gratiæ Archiepiscopus Mechliniensis, Primas Belgii, ad Exercitus Regios Delegatus Apostolicus, Regiæ Sui Majestati Consilio Status, &c. Omnibus Fidei hominibus, Apparitoribus, Clericis, & Negariis

salutem in Domino. Cum circa meridiem 17. huius, tempore urgente, inhibuerimus, ne in Conventu Mechliniensi Ordinis Fratrum Beate Virginis Mariæ de Monte Carmelo, eodem & sequenti, certæ Conclusiones Theologice, quarum duplicata in multorum manus erant distributa, publicè defenderentur, & ex Theologorum iudicio essent informati, inter eadem Conclusiones contineri aliquas, ex quibus natum erat in populo nobis commissio scandala suscitari; siquidem circa noticiam Dei adultis ad salutem necessariam; fidem in Deum incarnatum præscriptam adultis ad Dei amicitiam consequendam; ac in vim obligationum humanarum legum; nostrisque se offici ab eodem populo avertere pericula damnationis & scandala, & cognoscere de doctrina, quæ illi proponitur, nec non revocare deprehensos in erroribus S. Scripturæ, Concilio Trid. & Patribus contrariis: idcirco ad instantiam Procuratoris Officii nostri mandamus omnibus & singulis vestrum, quatenus RR. PP. Sebastianum à S. Paulo, & Marcum à Resurrectione, dictarum Thesisum assertos Præfides seu Auctores eorum Officiali seu Commissario nostro citatis, seu vestrum aliquis citet in octavam diem, aut alium iudicium proxime sequentem in loco consueto audientia, responsuros personæ liter se per articulis à dicto Procuratore in prædicta materia exhibendis, aliisque ad noticiam nostram pertinentibus, & quid feceritis, vel verum aliquis fecerit; nobis fideliter restituis seu referbat. Datum Mechliniæ die 10. Maii 1677. Bertrando signatum Alphonsus Archiepiscopus Mechliniensis.

„Mechliniensis, & sigillatum sigillo
 „prædicti Illustrissimi ac Reverendis-
 „simi Domini Archiepiscopi. Et infe-
 „rius habebatur citatio Apparitoris pro
 „28. Maii horâ 10. antemeridianâ, & si-
 „gnatum erat N. V. Rycom.

„**A**C tertium denique Decretum ci-
 „tatorium ejusdem tenoris cum
 „præinserto, eo solo excepto, quod in
 „hoc signarentur Conclusiones, *circa*
 „*notitiam Dei adultis ad salutem neces-*
 „*sariam; fidem in Deum incarnatum,*
 „*præscriptum adultis, ad Dei amicum*
 „*consequendam; ac in vim obligativam*
 „*humanarum legum.* Et habebatur
 „inferius citatio Apparitoris ejusdem,
 „& reliqua, ut suprâ. Cum verò nullæ
 „ex Propositionibus Thesium præfata-
 „rum in terminis expressæ sint, quæ
 „tamen *dicuntur sana doctrina contra-*
 „*ria, periculis damnationis, & scandalis,*
 „*nec non deprehensis erroribus S. Scrip-*
 „*turæ, Concilio Trid. & Patribus con-*
 „*trariis* obnoxie, neque præfatus com-
 „parens credat ulla in præfatis Thesi-
 „bus contineri propositiones, istis, aut
 „ullâ aliâ censurâ dignas, & quæ à pro-
 „batis in Ecclesia Dei Authoribus non
 „doceantur: eapropter petit, ut Illu-
 „strissimus ac Reverendissimus Domi-
 „nus Archiepiscopus dignetur specifica-
 „re in terminis ipsarum Thesium, illas
 „propositiones, quas putat sanæ do-
 „ctrinæ contrarias, periculis damna-
 „tionis & scandalis, nec non depre-
 „hensis erroribus S. Scripturæ, Con-
 „cilio Trid. & Patribus contrariis, ob-
 „noxias, ut possint Præfides disputa-
 „tionum, seu Thesium Auctores exhi-
 „bere suas in contrarium, eidemque
 „Illustrissimæ ac Reverendissimæ Gra-
 „tix Sux communicare, ad S. Sedem pro

finali judicio transmittendas: ad-
 „quam per interim à præfato Decreto,
 „inhibitorio, & utroque citatorio, in-
 „vim illius lato appellat, petens instan-
 „ter, instantius, instantissimè de Apo-
 „stolis reverentialibus respondere.
 „Quamobrem fiat ejus insinuatio Illu-
 „strissimo ac Reverendissimo Domino
 „Archiepiscopo præfato. Datum in
 „Conventu Carmelitarum Bruxellensi
 „die 26. Maii 1677. coram Judoco Cop-
 „pens & Carolo Pletin Testibus &c.
 „Et signatum erat: Fr. Michaël à San-
 „cto Augustino, Provincialis Electus
 „Carmelitarum. Et infrâ: Jodocus
 „Coppens, Carolus Pletin. Et inferius,
 „quod attestor subsignatum A. Lem-
 „mens Notarius Apostolicus & Regius.
 „Collata concordat cum suo origina-
 „li, quod attestor A. Lemmens Nota-
 „rius Apostolicus & Regius 1677.

Insinuatio facta est per me infra-
 „scriptum, ad hoc commissum, in Aula,
 „Archiepiscopali Bruxellis die 26. Maii,
 „1677. horâ quintâ vespertinâ, coram
 „Testibus infrascriptis Judoco Cop-
 „pens & Anselmo Despré, ubi cum per
 „Portarium & Servum Illustrissimi
 „Domini Archiepiscopi intimatum es-
 „set, me in Aula adesse ad insinuatio-
 „nem pro parte Reverendi admodum
 „Patris Provincialis Carmelitarum fa-
 „ciendam, responsum est, se nolle acci-
 „pere, cum verò postea Dominus de
 „Mayere Secretarius Illustrissimi ac
 „Reverendissimi Domini præfati, me
 „de longè audivisset, & conspexisset,
 „vellemque currere, ut insinuatio-
 „nem illi facerem, occluso ostio abscur-
 „rit dicens, non attraho hoc mihi. Et
 „erat subsignatum. Jodocus Coppens,
 „& Anselmus Despré. Et inferius

quod attestor subsignatum. A. Lemmens Notarius Apostolicus & Regius. Collata concordat cum suo originali, quod attestor A. Lemmens Notarius Apostolicus & Regius 1677.

Cum verò Illustrissima ac Reverendissima Vestra Dominatio, huic appellationi in tantum non deferret, ut vel Apostolos Reverentiales concederet, vel aliud aliquod responsum; & interea terminus in citatorialibus utriusque Præsidis per illas intimati præfixus expiraret, P. Sebastianus personaliter, & P. Marcus, ob indispositionem & absentiam ab urbe Metropolitana, per ipsum scripto comparuit ad locum consuetæ audientię, in quo lenones, scoratores, adulteri, meretrices, & similes furfuris scelerati homines comparere solent, & ad quam (præter antiquam, & hætenus usitatam istius Curię, dum personæ honoratæ ad illam citantur, praxim) citati erant, & Dominum Officialem, necnon Procuratorem Officii, de interjecta appellatione ad S. Sedem certiores reddidit, modo ac forma, ut sequitur:

Die 28. Maii 1677. coram Reverendo admodum Domino Officiali Metropolitico Mechliniensis, & me infra scripto Graphiario comparens Reverendus Pater Sebastianus à S. Paulo, Ordinis Fratrum Beatissimæ Virginis Mariæ de Monte Carmelo, citatus pro parte Procuratoris Officii Curię nostræ, qui præviâ promissione de veritate dicenda, sub expressâ tamen protestatione hujus tenoris: Ego Fr. Sebastianus à S. Paulo, Ordinis Fratrum Beatissimæ Virginis Mariæ de Monte Carmelo, declaro me

non aliter, nec aliâ intentione huc venire, quam salvis omnibus privilegiis meis, & Ordinis juribus, exceptionibus quibuscunque ac defensionibus, & citra quamcunque prorogationem jurisdictionis, aut renuntiationem legitimarum exceptionum. Declaro insuper ac actis inseri peto, quod si quid ad interrogata respondeam, non intendam per meam responsionem ulli ex præallegatis renuntiare ac præjudicare. Concordat præsens copia cum acta originali hodie exhibita, quod attestor hæc 28. Maii 1677. A. Herman Graph. quam pertinet actis jungi, responditque prout sequitur.

Ad primum articulum dicit, se hæc ænus habitasse Lovanii, & quoad ulteriorem contentum hujus articuli, & subsequentium, petit sibi ea omnia communicari, antequam respondeat, eò quod forte inter particularia interrogatoria sint aliqua connexa, super quibus Amplissimus Dominus Officialis non potest cognoscere, saltem in præfenti statu causæ & personarum.

Astor rejiciendo per Fiscalem requisitionem Reverendi Patris citati tanquam tendentem contra ordinariam praxim, & statuta hujus Curię, petit eidem ordinari, ut articulatum respondeat, juxta ordinariam styli observari solitum, ubi poterit dicere ad particularia, vel contra personam, aut quævis alia, si quæ sint, quæ ipse pro sua defensione judicaverit esse utilia.

Pater citatus petit ac minus omnia interrogatoria sibi dari in scriptis, ut cum omni & maturâ consideratione ad singula respondere possit.

Astor

„ Actor persistit apud sua præceden-
 „ tia allegata, & præcipue apud dicta
 „ statuta, articulo decimo de modo
 „ procedendi; sin autem Pater citatus
 „ contra interrogatoria opportune, &
 „ cum otio velit respondere, erit illi in-
 „ tegrum idem facere post responsio-
 „ nem personalem, eandem ampliando.
 „ Pater citatus, cum igitur illa sibi
 „ negentur, respondet, se hic & nunc,
 „ nec teneri, nec posse respondere, ob
 „ rationes loco & tempore exhibendas.
 „ Actor sustinet per Patrem citatum
 „ esse respondendum, sub poena juris
 „ & contumaciæ, quandoquidem ha-
 „ stenus nullam allegaverit rationem
 „ declinatoriam, vel peremptoriam,
 „ propter quam ad requisitam respon-
 „ sionem non teneretur.
 „ Pater citatus dicit se persistere apud
 „ ante allegata, eò quod sit appellatum
 „ immediate ad S. Sedem Apostoli-
 „ cam.
 „ Actor persistit, attento quod nec de
 „ eo doceat.
 „ Patere citatus docebit de interjecta
 „ appellatione.
 „ Actor refert se ad decretum hæc in
 „ causa ferendum.
 „ Et prædictus persistit similiter.
 „ Partes persistunt.
 „ Contra P. Marcum verò eodem die
 „ 28. Maii 1677. citatum, Actor repro-
 „ ducit citatoriales debite executas, &
 „ per Fiscalem exhibet libellum petens
 „ & concludens prout in eodem.
 „ Comparens Reverendus Pater Se-
 „ bastianus à Sancto Paulo pro parte Pa-
 „ tris citati, exhibet scedulam hanc: Te-
 „ nore præsentium Infrascriptus de-
 „ clarò, quod ob indispositionem & ca-
 „ putes nequeam personaliter Mechli-
 „ niani venire, quod rogem Reveren-

dum Patrem Sebastianum à S. Paulo
 Collegam meum, ut meo nomine,
 salvistamen omnibus privilegiis, ex-
 ceptionibus, ac iuribus quibuscunque,
 petat ab Amplissimo Domino Offi-
 ciali, sibi concedi copiam Articulo-
 rum, super quibus requirit respon-
 sionem, ut eà visâ consulere queam,
 an sint tales, qui attentis omnibus cir-
 cumstantiis causæ & materiæ, perso-
 narum, aliisque, subsint hic Lovanii
 27. Maii 1677. F. Marcus à Resurre-
 ctione Domini. Duplicatum huius
 est exhibitum hæc 28. Maii 1677. quod
 attestor A. Herman-Graph. A Patre
 citato signatam, quam petit Actis jun-
 gi, & sibi ejusdem concedi copiam
 authenticam.

Actor visâ dictâ scedula, per Fisca-
 lena dicit, antequam Pater citatus
 responderit personaliter, nullam ei-
 dem esse concedendam copiam, mul-
 tò minus, quia videtur intentionis ef-
 se jurisdictionem Ordinarii ad minus
 tanquam Delegati Apostolici declina-
 re, ac proinde sustinet eidem esse or-
 dinandum, ut personaliter respondeat
 sub poena juris & contumaciæ, &
 quod contra eundem decerneretur ul-
 teriores.

Pater Sebastianus inhæret scedula
 exhibitæ.
 Partes persistunt.

Hisce non obstantibus, quindecim
 circiter diebus posthæc, Procurator
 Officii novum obtinuit Decretum,
 personarum nostrarum de novo cita-
 torium, huius tenoris:

Visis actis, rejicientes requisitionem
 Patris citati, eidem mandamus, ut
 respondeat personaliter ad supradi-

„Cum libellum Procuratoris nostri
 „Officii 19. labentis, sub poena, quod a-
 „liàs decerneretur prima contumacia, &
 „concedentur ultiores : interea eà
 „qualitate, quæ in hac causa de jure
 „communi nobis competit, Concilio
 „Trid. vel Summis Pontificibus esset
 „tributa, atque decisioni hujus causæ
 „est opportunior ; Committimus, in
 „quantum opus, Admodum Reveren-
 „dum Dominum Officialem nostrum,
 „ut coram illo hæc causa usque ad defi-
 „nitivam exclusivè instruat, dantes
 „ei facultatem substituendi, ubi aliis
 „negotiis impediatur. Datum Bruxel-
 „lis die 2. Junii 1677. Erat paraphatum
 „AA. M. vidit. Et paulò inferius erat
 „scriptum de mandato Illustrissimi ac
 „Reverendissimi Domini Archiepisco-
 „pi Mechlin. Jac. Ottaert. Secretarius.

Cum autem P. Sebastianus à S. Paulo
 ad locum audientis se contulisset
 cum duobus Confratribus, tanquam
 Testibus, eò quod nullus nobis in hac
 causa servire vellet, ex timore, quod pu-
 niretur, prout Notarius quidam Apo-
 stolicus de facto ab officio fuerat sus-
 pensus, ob obsequium in hac nostra
 causa nobis præstitum, novam appella-
 tionis actam exhibiturus, verbaliter à
 præfato decreto, nomine suo, & Patris
 Marci, à quo plenariam habebat com-
 missionem, ad S. Sedem appellavit, in-
 stititque 1.2.3. instanter, instantius, in-
 stantissimè pro responso de Apostolis
 saltem reverentialibus, actamque exhu-
 buit subsequenter.

„A Nno Domini 1677. die 1. Junii
 „comparescentes coram me Notario
 „Apostolico & Regio. Testibusque in-
 „frascriptis Reverendus Pater Sebastia-

nus à S. Paulo, & Reverendus Pater,
 Marcus à Resurrectione Domini Or-
 dinis Fratrum B. Virginis Mariæ de,
 Monte Carmelo, & insistentes factis,
 appellationibus ad S. Sedem, tam à
 Decreto Illustrissimi Domini Archie-
 piscopi lato 17. Mensis Maii prohibiti-
 vo publicæ defensionis Thesium,
 quam à citatione suarum persona-
 rum coram Domino Officiali Mech-
 linensi ad diem 28. Maii. Insistentes,
 quoque declarationi, quam fecerunt,
 dictæ die 28. partim verbo, partim scri-
 pto, de non præjudicando suis quibus-
 cunque exceptionibus, ac defensionibus :
 factæ etiam tum mentione in-
 terjectæ appellationis, declarant se,
 non alio fine comparuisse, quam ut
 intelligerent, quænam ulteriora pun-
 cta putaret Illustrissimus ac Reveren-
 dissimus Dominus Archiepiscopus,
 vel Procurator Officii, in ipsorum
 respectivè Thesisbus reprehendenda,
 aut quænam annotassent illi Theolo-
 gi, à quibus informati fuit Illustris-
 simus ac Reverendissimus Dominus,
 ut illis habitis, præfati Patres compa-
 rentes, possent apud S. Sedem (ad
 quam spectat cognitio) se tueri, &
 Theologorum confutare imposturas,
 vel saltem temeraria consilia, & prop-
 terea tam præfatis appellationibus,
 insistent, quam etiam appellant ite-
 ratò, tam ab illatis gravaminibus,
 quam à futuris quibuscunque, quando-
 quidem sit de jure permittum appel-
 lare à futuro gravamine, ubi jam præ-
 cessit aliud, ex quo ulteriora possent
 inferri. Et ut tam Illustrissimus ac
 Reverendissimus Dominus, quàm e-
 jus Dominus Officialis videant spe-
 cimen aliquod temeritatis, ac præci-
 pitantiæ istorum Theologorum, vel

excitata passionis, repræsentant ver-
ba inserta in utriusque citatione, qui-
bus dicitur: *Certe Conclusiones Theolo-*
gicae, quarum duplicata in multorum
manus erant distributa, publicè defen-
derentur, & ex Theologorum judicio
essemus informati inter easdem Conclu-
siones contineri aliquas, ex quibus na-
tum erat in populo nobis commisso scan-
dala suscitari, signanter circa notitiam
Dei adultis ad salutem necessariam; fi-
dem in Deum incarnatum præscriptam
adultis impiis, ad Dei amicitiam conse-
quendam. Attamen nihil penitus in
Theſibus Patris secundo loco compa-
rentis tangitur de notitia Dei adultis ad
salutem necessaria. Pater autem con-
parens primo loco nihil penitus habet
de fide in Deum incarnatum impiis a-
dultis præscripta, sed solum habet in
conclusionem secundam: *Deum existere,*
licet non sit per se notum, nec quoad se,
nec quoad nos, omnino demonstrari po-
teſt, quo non obſtante ſubinde abſque
ulla culpa ab adulto ignorari poteſt,
quidni & ſic ſalvari? Hoc ſi illis do-
ctis Theologis damnabile videatur,
videant, an non. ipſorum iudicio erit
conſequens, quod baptizatus adeoque
juſtificatus, & ante amiſſam juſtitiam
moriens, damnetur ſine culpa mor-
tali: v. g. ſi talis recenter ab accepto
uſu rationis (quo uſu adepto Theolo-
gicè loquendo, adultus dicitur, ſicet
noti ſit adultus juridicè) moriatur,
antequam lapſum ſit tantum tempo-
ris, intra quod tali adultito, præſertim
ſi in iis locis verſaretur, ubi nulla ſit
Dei mentio, vel prædicatio (pone v. g.
quod vel in ſylvis, vel apud Barbaros
fuerit educatus.) fiat ei mortalis de-
fectus notitiæ Dei: atque quod ejus-
modi caſum reſpiceret dicta Theſis ſe-

cunda, poterant dicti Theologi nullo,
negotio cognoscere ex ipſius Theſis,
verbis, quo non obſtante ſubinde &c.,
per quod verbum ſubinde, raritas a-
pertè ſignificatur, & conſequenter re-
gula contraria ſtatuitur, nempe ordi-
nariè nullum adultum ſine notitia
Dei ſalvari. Et ipſe Pater ſecundo lo-
co comparens, in terminis, aſſertione,
decimâ octavâ contradiſtorium ejus,
de quo accuſatur, ſic poſuit: *Impius a-*
dultis fides actualis Dei, ut exiſtentis, ne-
ceſſitate mediæ neceſſaria eſt. Et quod,
addidit idem ſecundo loco compa-
rens non ut incarnati, paſſi &c. fuit in
Hallis Lovanii publicè deſenſum;
tradunt idem Theologi plurimi, ex
quibus aliqui dicunt illam eſſe com-
muniorẽ, alii probabiliorẽ: ex
quibus nihilominus dictorum Theo-
logorum, à quibus fuit informatus,
Illuſtriſſimus ac Reverendiſſimus Do-
minus Archiepiſcopus, ſiniſtris judi-
ciis, cùm proceſſerit idem Illuſtriſſi-
mus ad Decretum adedò præjudicale,
dictis Comparentibus, Provinciali &
Ordini, ſed ita edixerit: *Nobis que con-*
ſtet, in iſdem Theſibus diverſa contineri,
ſana doctrine contraria, ex quibus in
populo nobis commiſſo nata ſunt oriri,
ſcandala, quæ debito noſtro officiis tene-
mur amoliri: ea propter tenore præſen-
tium prohibemus fieri dictam publi-
cam Theſium deſenſionem, & Presby-
teris, Clericis, & aliis interdici-mus, ne il-
li deſenſioni, ſeu diſputationi publicæ
præſentiam exhibeant, proinde fiat hu-
jus inſinuatio, tam in prædicto Conven-
tu, quàm alibi, ubi conveniet. Datum,
&c.

Idè inſiſtentes, ut dictum eſt, appel-
lationi à dicto Decreto, appellationi,
B 3 quoque

quoque factæ à citatorialibus, tanquam datis in consequentiam dati Decreti, & temerarii iudicii istorum Dominorum Theologorum (quos sibi nominari petunt, eorumque iudicium suum exhiberi, ut adversus illud, & eos, se tueantur dicti Comparentes) appellatur ulterius, ut dictum est, ad eandem Sedem ab ultetiori futuro gravamine. Præterea cum ad eorundem notitiam pervenerit, quod illa dies & hora, in quam citati erant, (nempe Veneris horâ 10. matutinâ) sit illa dies & hora ordinaria, in quam citantur personæ infames, & meretrices, scortatores, & similes; honestæ autem personæ, vel in alium diem citentur, vel ad alium locum; non verò in istarum infamiarum personarum tumultu, hinc etiam ab illo gravamine, quod in istorum notitiam recenter pervenit, appellant, & petunt instanter, instantius, instantissimè, sibi ad singula appellationum puncta de Apostolis reverentialibus responderi, & ut dictum est, dictorum Theologorum sibi exhiberi nomina, & iudicium, ut possint adversus illud se tue-ri apud eos, ad quos in sinistram suspensionem sunt vocati, alias in casum negationis, aut quo præfati Theologi non consentirent in exhibitionem sui iudicii, præfati Comparentes dicunt, se declinant, illos habendos esse pro calumniatoribus, impostoribus, & talibus, quibus impostum nulla fides haberi debeat; pro indignis & incapacibus, qui consulantur in Belgio, ubi multi docti & maturioris iudicii, & prudentiæ Viri non desunt.

P^{er}tunt denique istis Theologis hanc Petitionem per Dominum Officialem,

vel Illustrissimum ac Reverendissimum Dominum Archiepiscopum, communicari, ut nullam possint prætereundere ignorantie causam, sed prodeant in publicum cum suo, quod de-derunt, iudicio, & debitâ expurgatione, ne, quod nihil in eo penitus immutaverint. Acta sunt hæc Bruxellis coram Judoco Coppens, & Carolo Pletin Testibus, ad hæc vocatis, & rogatis, & dicti RR. PP. Comparentes & Testes, minutam hanc unâ me Notario sub-signaverunt, quod attestor. Signatum erat. A. Lemmens Notarius Apostolicus & Regius. Collata præfens copia cum originali apud acta exhibito die 3. Junii 1677. concordat; quod attestor. A. Herman Graph.

Recusante Domino Officiali dare Apostolos reverentiales (quos tamen ordinariè per se dare solet) & dicente Illustrissimam ac Reverendissimam Dominationem Vestram desuper prius consulendam, Procurator Officii, qui antea dixerat, se eos non posse negare, aut impedire, petiit responderi de refutatoriis.

Aliquot igitur diebus transactis, P. Sebastianus se iterum contulit ad locum audientiæ, instititque apud Dominum Officialem pro responso de Apostolis, novam in illum finem exhibiturus Actam, sperans desuper intereâ Illustrissimam Dominationem Vestram consulam; sed frustra: respondit enim Dominus Officialis, Apostolos esse petendos ab Illustrissima Dominatione Vestra, Actamque eidem esse exhibendam Bruxellis, non autem sibi Mechliniæ in loco audientiæ: ubi tamen, & à quo eramus citati; asserens aliqui nobis non respondendum, etiam si centum exhiberemus Actas.

Cum autem Pater Sebastianus cogeretur ratione Officii sui P. Provinciali remotissimos Provinciarum Conventus visitanti assistere, P. Marco totum negotium prosequendi legitime commisit, hac commissione in scriptis data, & Illustrissimæ Dominationi Vestræ 31. Junii exhibita.

Infrascriptus cum ob negotia Provinciarum, & Visitationis ejusdem collegar abesse à Bruxellensi, Mechliniensi, Civitatibus, & vicinis locis, & ad remotiora loca properem, tenore præsentium deputo & constituo Reverendum Patrem Marcum à Resurrectione Domini, uti verum & legitimum Procuratorem meum, ad prosecutionem causam, & causas contra Procuratorem Officii Curiarum Mechliniensis, super Thesis, de quibus nunc quaestio, omnibusque eidem causis annexis, connexis, emergentibus, appellationibus, suspensionibus, cæterisque omnibus: plenariam eisdem concedens potestatem, etiamsi essent talia, quæ specialem aut specialissimam requirerent commissionem, promittens singula habere rata & grata. Datum Bruxellæ 14. Junii 1677. Subsignatum erat P. Sebastianus à S. Paulo Ordinis Fratrum B. Virginis de Monte Carmelo. Concordantiam attestor P. J. van Lille Notarius 1677.

Pater Marcus videns Dominum Officialem tergiversari, & nolle ea quæ exhibebantur recipere, sed asserere ea exhibenda fore Illustrissimæ Vestræ Gratiæ, Actam exhibuit 22. Junii Bruxellis Illustrissimæ Vestræ Gratiæ per modum Epistolæ in hanc formam:

Anno Domini 1677. die 22. Junii, comparens coram me Notario Apostolico & Regio, sive publico, & Testibus infrascriptis P. Marcus à Resurrectione Domini, tam suo nomine, quàm P. Sebastiani à S. Paulo, juxta commissionem, quæ infra annexitur, declaravit Illustrissimum ac Reverendissimum Dominum Archiepiscopum, Domino Officiali suo dedisse commissionem citandi & procedendi contra præfatum Comparentem, & suum Collegam, usque ad sententiam definitivam exclusivè, cum autem dictus Comparens & præfatus Collega ex parte sua procederent, & in nullo essent in mora exhibendi defensiones suas, seu exceptiones legitimas, appellationes, suspensionis causas, & petendi prout de jure; præfatus Dominus Officialis coepit tergiversari, eousque, ut diceret, illa quæ exhibebantur, se nolle recipere, sed esse Illustrissimo ac Reverendissimo Domino Archiepiscopo insinuanda: quare præfatus Comparentem tam suo, quàm qui suprà, nomine protestans de debita diligentia, petiit à me infrascripto Notario protestationis prædictæ actam dari, ejusque, nec non præcedentium appellationum ac suspensionis infirmationem fieri præfato Illustrissimo ac Reverendissimo Domino Archiepiscopo, & peti prout in iisdem. Actum die, mense, & anno, quibus suprà, coram Stephano van Vooren & Cornelio Mattens Testibus vocatis & requisiti, qui unà cum Comparente & me Notario subsignarunt minutam hujus actus. Quod attestor P. J. van Lille Notarius 1677.

„Infra scriptus Notarius Apostoli-
 „cus &c. Bruxellis residens, testatur
 „ad instantiam Domini & Presbyteri
 „P. Marci à Resurrectione Domini,
 „Religiosi Ordinis Fratrum B. Virgi-
 „nis Mariæ de Monte Carmelo, hunc
 „præsentem actum procurationis &
 „protestationis, cum aliis duobus acti-
 „bus appellationis & suspectationis
 „annexis insinuassee Illustrissimo ac
 „Reverendissimo Domino Archiepis-
 „copo Mechliniensi per Epistolam,
 „quam propter ipsius absentiam dedi
 „Ostiario domus dicti Archiepiscopi,
 „& acceptavit, qui post Sacrum eam
 „dare promissit dicto Illustrissimo Do-
 „mino Archiepiscopo. In cujus &c.
 „Actum 22. Junii 1677. Signatum erat
 „P. J. van Lille Notarius, parum infra
 „scriptum erat, concordat cum suo o-
 „riginali, quod attestor, signatum P. J.
 „van Lille Notarius. Concordantiam
 „attestor P. J. van Lille Notarius 1677.

Interim currente tempore Mensis, i-
 teratis vicibus institutus per Notarios
 responsum de Apostolis obtinere, at in
 vanum; nam quinta Augusti 1677, re-
 novatum nobis insinuat Decretum
 Illustrissimæ Vestræ Gratiæ respon-
 dens de refutatoriis, in cujus vim Ad-
 vocatus Fiscalis nos denuo citat satisfac-
 tutos Decreto 2. Junii. Erat autem hu-
 jus tenoris:

„Cum Pater citatus minimè sit grava-
 „tus, respondemus de refutatoriis,
 „& eidem ordinamus, ut satisfaciatur De-
 „creto nostro de data 2. Junii novissi-
 „mi infra octo, alias decemimus ex
 „nunc pro tunc primam contumaciam,
 „& concedimus ultteriores. Datum
 „Bruxellis die trigesima Julii 1677. E-

rat rubricatum AA. M. Vidit. Et pau-
 lè inferius scriptum erat de Mandato,
 Illustrissimi & Reverendissimi Domini,
 ni Archiepiscopi Mechlin. Signatum
 J. de Mayre Secret.

Die 5. Augusti 1677.

Advocatus Fiscalis, attento quod,
 per Decretum Illustrissimi Domi-
 ni Archiepiscopi de data 30. Julii no-
 vissimi, quoad interjectam per Pa-
 trem citatum appellationem respon-
 sum sit de refutatoriis, petit eidem Pa-
 tri citato ordinari, ut infra terminum,
 per præfatum Decretum limitatum,
 satisfaciatur Decreto 2. Junii etiam no-
 vissimi sub poena ibidem commina-
 ta, & ne præfatus Pater citatus tam
 novissimi Decretis, quam termini præ-
 tendat allegare aliquam ignorantiam,
 petit eorundem ipsi fieri insinuatio-
 nem, & interim per Reverendum Do-
 minum designari diem, & horam,
 quibus respondeat personaliter & di-
 cto Decreto satisfacere possit.

Designamus diem decimum ter-
 tium currentis Mensis horâ tertiam
 post meridiem. Infra habebatur. Col-
 lata præfens copia cum originalibus,
 Actis concordat, quod attestor, & e-
 rat signatum. A. Herman. Insinuatio
 facta 5. Aug. 1677. N. V. Rycom.

Sed cum nobis iteratò, tum intrà-
 tum extra judiciū petentibus & instan-
 tibus, non esset de Apostolis intra tri-
 ginta dies, juxta Sacros Canones, re-
 sponsum; P. Marcus & suo, & P. Sebastia-
 ni nomine, in Sacros Canones pecca-
 tum fuisse declaravit coram Domino
 Officiali, & de nullitate ac incompe-
 tentia

tentia citationis & jurisdictionis protestatus est, exhibens subsequentem actam.

Reverendus P. Marcus à Resurrectione Domini, nomine Reverendi Patris Sebastiani à S. Paulo, absentis in partibus Geldrix visitationis causa jam à tribus septimanis: viz. responsione de refutatorius, & citatione ulterioris datis trigesima Julii, & quinta Augusti; insinuatis autem quinta Augusti, dicit tam se Comparentem, quam prefatum Patrem Sebastianum, quam etiam Reverendum Admodum Patrem Provincialem, eorundem appellationes substituisse, tam à Decreto Illustrissimi Archiepiscopi, quam aliis subsecutis coram Amplitudine Vestra; dictasque Appellationes reiterasse diebus respectivè die decima octava, vigesima, vigesima sexta Maii, prima, tertia & vigesima secunda Junii provocasse ad S. Sedem, cujus est doctrinæ controversias terminare, petiisse Apostolos, plurimas tam in judicio, quam per Notarium fecisse instantias pro habenda responsione de Apostolis, eamque responsionem dilatare esse usque ad prædictam diem trigesimam Julii, & insinuationem usque ad quintam Augusti.

Atque ita peccatum esse in Canonibus, quibus expressè præcipitur, quod Index debeat Apostolos dare intra triginta dies, capite ab eo de appellationibus in 6. in quibus Canonibus præterea expressum est, quod si Index ulterius in causa procedat, processus ipsius sit nullus & irritus, cap. 4. eodem. Cap. ibidem, & consequen-

ter per non factam debito tempore responsionem, seu, ut explicat Glossa in dictum caput quartum, si intra tempus debitum negligenter, vel malitiosè Index non tradidit, excidit Jurisdictione suâ, & ex tunc, inquit textus, ejus invalidus & irritus sit processus: quare de nullitate & incompetencia citationis & jurisdictionis protestatur, quo supra nomine P. Marcus, & ex abundantia etiam nomine suo, nec non de habito recursum ad S. Sedem, de nullitate quoque præfatæ responsionis, ex quo per actum invalidum, & contra Canones, non deceat sibi parare auctoritatem, à qua excidit Index.

Et ut non nihil Amplissimus Dominus Officialis, & Illustrissimus Dominus Archiepiscopus animum, prætextu scandalosæ & erroneæ doctrinæ exacerbatum, mitigare dignetur, rogat præfatus Comparsens, ut velint advertere Conclusiones, quas isti Theologi, ex quorum judicio processit Illustrissimus Dominus, censuraverunt, seu quarum intentum ad prohibitionem disputationis publicæ processum est, fuisse frequentissimè in auditoriis publicis, etiam ipsius Universitatis Lovaniensis, quod Hallas vocant, sub Eximiiis Viris ac Magistris nostris, Doctoribus secularibus: Promondo, Pontario, Simichio, Mercero, van Wermio, Vianen, Latrem, esse respectivè in Thesibus propositas ac defensas, ita à plurimis Doctoribus & Professoribus aliis, Scriptoribusque traditas.

Simulque exhibitus indicus Auditorum & Sacre Theologiæ Magistrorum

rum ac Professorum, qui nostras propositiones sustinuerant, quem hic o-mittimus, specialiter illum exhibituri infra, in singularum Propositionum justificatione.

Hæc modò in Curia Spiritualis Mechiniensi, causæ nostræ imposito sine, animum non deposuimus, illam apud S. Sedem (cujus est desuper cognoscere) prosequendi, nisi Censores nostri infamem ac injuriosam, adver-

sus Theses nostras latam, retractent ac deleant censuram, quâ retractatâ, Illustrissimæ ac Reverendissimæ Dominationis Vestræ justitiæ & integritati innitentes, Decreta, cæteraque acta consequenter confidimus, quamtoctus retractanda & annullanda. Ad quod, ut Illustrissimæ Vestræ Gratiz animus efficaciter moveatur, supplicamus, ut non gravetur, subsequenter Thesium nostrarum justificationem maturè attendere.

S. I I.

Quanam Propositiones à Theologis in Thesibus taxatz.

Perlecto Illustrissimæ Gratiz Vestræ Decretò priori inhibitorio disputationis publicæ obstructuimus, & diu satis hæsimus, ut deprehenderemus, vel unicuique ex illis diversis contentis (ut asserbatur) in Thesibus, quod sanæ doctrinæ contrarium, & ex quo in populo nata essent oriri scandala, dici, vel haberi posset, donec tandem ex Decretis citatorialibus, judicio quorundam Theologorum, taxari deprehendimus in Thesi 2. P. Sebastiani hanc Propositionem: *Deus subinde absque ulla culpa ab adulto ignorari potest: quidni & sic salvari?* Et in Thesi 18. P. Marci hanc: *Impius adultis fides actualis Dei ut incarnati, passi, &c. non est necessaria necessitate medi.*

Ex his quidem hoc habuimus, ut nobis constaret, in qualibet Thesi unicam Propositionem contineri, quæ istorum Theologorum judicio censura esset notanda, sed quæ diversa in utraque Thesi,

quæ aliquæ Propositiones in singulis continerentur, quæ essent sanæ doctrinæ contrariæ, & natæ in populo suscitare scandala ad nostram noticiam, non nisi post multam & diuturnam inquisitionem pervenire potuit, tandem igitur deprehendimus in singulis Thesibus binas taxari, nempe sequentes:

Primam, ex Thesi 2. Patris Sebastiani, hanc: *Subinde absque ulla culpa ab adulto Deus ignorari potest: quidni & sic salvari?*

Secundam. Ex Thesi 14. ejusdem, hanc: *Lex humana positiva, nisi Divinam aut naturalem interpretetur, ad actus internos obligare non potest, etiam indirectè.*

Tertiam. Ex Thesi 15. Patris Marci, hanc: *Lex civilis, nisi id exprimat, sub culpa non ligat.*

Quartam. Ex Thesi 18. ejusdem, hanc: *Impius adultis fides actualis Dei ut incarnati, passi &c. non est necessitate medi necessaria.*

Hæ igitur Propositiones sunt varia illa sanæ doctrinæ, judicio Theologorum illorum contraria, & nata in populo, Vestræ Illustrissimæ Gratiæ commisso, suscitare scandala, ad quæ averteuda, & disputatio Thesium publica prohibenda, & Præfides tanquam scan-

dalosi coram Domino Officiali in Curia spiritali citandi fuerunt; an rectè & justè, habitâ & pensatâ hæc meliori informatione, poterit Illustrissima Vestra Dominatio judicare: quomobrem sit:

§ III.

Vindicatur 1. pars primæ Propositionis, à Magistrorum ac Professorum Sacræ Theologiæ autoritate.

Prima propositio in Decreto citatorio Illustrissimæ Vestræ Dominationi relata, est hæc P. Sebastiani à S. Paulo: Deus subindè absque ulla culpa ab adulto ignorari potest: quidni & sic salvari?

Hæc quoad primam partem publicè tradita & defensa fuit ab Eximiiis Doctoribus Lovaniensibus.

Primò: Lovanii 1634. 1. Octobris sub Eximio Domino Mercero: *Ignorantia Dei invincibilis adhuc dari potest pro aliquo tempore in utentatione; non tamen pro semper, aut in integra aliqua natione.*

2. Lovanii in Hallis 1643. 14. Augusti sub Eximio Domino Joanne Sinnichio: *Potest dari ignorantia invincibilis omnium mysteriorum fidei.*

3. Lovanii in iisdem Scholis 1660. 17. Junii sub Eximio Domino Pontano, defendente Arnolde Eyben: *Utrum verò etiam inculpabilis esse possit, quæ omnia fidei mysteria, atque adeò Dei existentia, ejusque circa res humanas providentia, ignorantur, controversiuntur? nos affirmativam partem tueri conabimur, si de tempore breviori intelligatur. Adjungi-*

mus alios Sacræ Theologiæ Professores.

4. Lovanii 1660. 15. Martii sub P. Edmundo ab Angelis: *Quid ergò mirum, si inter bestias educatus, aut valde rudis sibi relictus, invincibiliter ignoret Deum?*

5. Lovanii 1666. in Majo sub P. Benedicto à Matre Dei: *Quidni tamen Dei in hominibus rudibus (etiam toto vitæ tempore) negativa dari ignorantia possit sine culpa?*

6. Lovanii 1666. 20. Julii sub Patre Maximiliano le Dent: *Dei existentia non est per se nota: sufficienter demonstrari potest, sed ab adulto rationis compose ignorari.*

7. Lovanii 1667. 27. Julii sub eodem Præfide: *Existentia Dei non est per se nota, unde aliquo saltem tempore ignorari potest ab adulto rationis compose.*

8. Lovanii 1667. 22. Augusti sub P. Francisco à Kennedii: *Ignorari nihilominus potest (nempe Deus) etiam ab adulto rationis compose, sic ut ne quidem semel in vitâ de ipso cogitet.*

9. Lovanii 1668. 23. Julii sub P. Ægydio Eltrix: *Existentia Dei, etsi nobis*

non sit propriè per se nota, demonstrari tamen, sed & ignorari potest invincibiliter ignorantia, etiam totali.

10. Lovanii 1668. 29. Julii sub eodem Præside: Deum esse, non est per se notum quoad nos, sufficienter demonstrari, sed & ignorari potest, saltem aliquamdiu.

11. Lovanii 1668. 24. Julii sub Patre Antonio à Burgundia: Homo aliquis Divinis gratis destitutus, etiam diu potest Deum invincibiliter ignorare.

12. Lovanii 1668. 27. Novembris sub eodem Præside: Hac & similia, cum se solus non assequantur rudes ac hebetes, neque ipsi per se propriè quoad nos nota sit hac, Deus existit, unde probes, neminem tam rudem dari, qui spectatâ solâ naturâ humanâ, non possit diu invincibiliter carere iudicio de existentia Dei.

13. Lovanii 1671. 7. & 8. Julii sub eodem: Potest homo rudis spectatâ solâ naturâ, diu cavere iudicio de existentia Dei: fieri etiam potest, ut seclusis auxiliis, aliquamdiu habeat ignorantiam Dei invincibilem.

14. Lovanii 1672. 27. Julii sub eodem: Spectatâ naturâ simpliciter, quæ nunc est, fieri potest, ut quæ ratione nititur, Deum ignoret aliquamdiu invincibiliter.

15. Lovanii 1672. 28. Novembris sub P. Ignatio de Jonghe: Unde sub ratione Entis simpliciter maximi, Deum ignorare diu invincibiliter quis potest: sub inferiori, non nisi aliquamdiu rationis compos.

16. Lovanii 1673. diebus 18. & 19. Julii sub eodem: Quidni tamen Dei sub ratione hâc entis perfectissimi existentiam, quæ ratio demonstrat, etiam rationis compos, ignorare aliquamdiu invincibiliter potest?

17. Lovanii 1674. 30. Julii sub co-

dem: Verum ignorare potest Dei existentia à rationis compote? Cur invincibiliter, ad breve saltem temporis spatium ignorari non possit, si seclusis auxiliis gratia, natura sibi relinquatur, non videmus.

18. Lovanii 1674. 17. & 18. Julii sub P. Antonio à Burgundia: Non apparet sufficiens fundamentum negandi, posse existentiam Dei, non tantum sub ratione perfectâ, verum etiam sub inferiori quadam, aliquo saltem tempore invincibiliter ignorari.

19. Lovanii 1675. 16. Octobris sub P. Antonio MacCarthy: Non inficiamur nihilominus, adultum rationis compotem, pro brevi saltem tempore, Deum invincibiliter ignorare posse.

20. Mechliniæ 1659. Mensis Maii sub P. Benedicto à Matro Dei, Thesi defensa in Comitibus Provincialibus, & dedicata Amphissimo Præsidi, & dedicata Supremi Belgarum Mechliniensis Parlamenti Senatoribus: Quidni tamen Dei in hominibus rudibus sibi relictis, negativa dari ignorantia possit sine culpa?

21. Gandavi 1663. 16. Aprilis, sub Eximio Patre Thoma Leonardi: Probabilis est (ergo nostra probabilis) non posse dari ignorantiam invincibilem & culpabilem de existentia Dei.

22. Bruxellis 1673. 17. Maji sub P. Ferdinando à S. Carolo Borromæo: Nos autem adultos, in gratia baptismali existentes, sub ignorantia invincibili, scilicet negativa, etiam ipsius Dei, salvari posse putamus.

23. Antverpiæ 1675. 9. Julii: Ac cum hi discursus non sint tam faciles, hominesque invenerint in sylvis enutriti, adeo hebetes & stupidi, ut res minus subtiles, exemplis etiam propofuit non capiant, facile

facile conficiet, posse non paucos diu invincibiliter non assequi notitiam Dei perfectam: imo perfectatam tantum naturam humanam, etiam imperfectam, ut v. g. sub ratione omnium Creatoris, Gubernatoris &c.

24. Romæ 1654. mense Maii sub P. Marco à S. Matthæo in Comitibus Generalibus in Conventu Sanctæ Mariæ

Transpontinæ: Deus naturaliter à posteriori demonstrabilis, ita per se notus est, tam quoad se, quam quoad nos, ut ab adulto quoad vixerit, ignorari queat, etiam negativè. An invincibiliter? ut placuerit: ut tamen affirmativam à ratione probabiliorem, ita negativam ab auctoritate putamus tutiorem.

§. IV.

Vindicatur prima pars primæ propositionis ab auctoritate Auctorum eam in libris suis docentium.

Primam partem primæ propositionis tradunt in suis libris sequentes Auctores.

Primo: Altfiodorensis in 4. Sent. lib. 3. tract. 4. q. 3. fol. mihi 136. *Hæc argumentatio non valet; iste est adultus, & non credit in Deum, & decedat sic: ergo damnabitur.*

2. Eximius P. Joannes Nider Sacræ Theologiæ Professor impressus Parisiis anno 1507. in explicatione præceptorum Decalogi: præcepto primo cap. 2. lit. D. *Nisi quis forte excusaretur de illorum notitia per defectum Doctorum, vel per brevitatem vite post inceptum usum rationis, vel per imbecillitatem usus rationis. Quod secundum lit. E. probat auctoritate Altfiodorensis statim à nobis citatâ.*

3. Illustrissimus P. Herinx Episcopus Iprensis i. p. disp. 1. q. 1. n. 10. ubi docet, dari posse ignorantiam existentie Dei, quam dum regulariter loquendo docet esse culpabilem, supponit subinde posse esse inculpabilem.

4. P. Gabriël à S. Vincentio in i. p. D. Thom. impressus anno 1664. de expref-

sa licentia Magistri Sacri & Apostolici Palatii, disp. 11. dub. 2. n. 38. *Secundum (in quo puto omnes convenire) est, quod dari possit ignorantia negativa invincibilis in aliquo particulari individuo de Dei existentia. Quod probat ex D. Thoma.*

5. Eximius Magister P. Xantes Mariales in Bibliotheca Interpretum, ad universam Summam Theologiæ D. Thomæ q. 2. de essentia Dei contr. 12. cap. 4. à 1. ad hanc questionem: *Utrum contingere possit, aliquem inculpabiliter ignorare Deum?* Sic docet: *Ex adversa Zumel hic disp. 1. conclus. 3. & Molina disp. unica, volumi posse contingere, & resolutè, ego sum cum istis, arbitror id contingere posse, hancque esse expressè sententiam D. Augustini & Thomæ, quod sic explico & probò.*

6. P. Poncius de Deo uno disp. 2. q. 3. n. 17. *Possit aliquis in particulari, etiam adultus, & rationis compos, ita ignorare Deum, ut nec semel cogitet de ipso toto tempore vite; quia possit aliquis nasci in sylvis, ab hominum consortio re-*

C 3. motus,

motus, & in iis usque ad rationis usum vivere, siue baptizatus, siue non baptizatus, per duos Menses, imo per duos annos, aut plures, antequam videret ullum alium hominem, aut Angelum, à quo proponeretur Deus, & & tum mori.

7. P. Puteanus q. 2. dubit. 2. ad objectionem 2. Respondeo, quemlibet nostrum obligari ad cognoscendum aut laudandum Deum, quamprimum provenit ad usum rationis; ceterum non simpliciter & absolute, sed eo tantum modo, quò cognoscimus Deum pro eo instanti temporis: Et post pauca: Colliges ex istis, dari ignorantiam inculpabilem in aliquo de existentia Dei.

8. P. Andreas Lao in 1. partem D. Thom. approbatus ab Inquisitore Generali Genux P. Prospero Bagarotti Ordinis Prædicatorum q. 2. a. 1. dub. 4. n. 308. Potest naturaliter dari inadvertentia invincibilis de existentia Dei, seu ignorantia negativa. Et ibid. n. 309. sic asserit: Collige, posse etiam adultum, toto vite tempore, naturali viâ, Deum non cognoscere, si postquam venit ad usum rationis, in sylvis extra humanum commercium intra brevis temporis spatium moriatur.

9. P. Daniel à S. Josepho 1. p. disp. 1. de Deo uno cap. 4. Adulta ætate homo, etsi non toto, aliquo tamen vite tempore, Deum existere, ita ignorare potest, nulla ut industria, nulloque studio vincere possit eam, quâ laborat, ignorantiam.

10. P. Iræneus à S. Jacobo 1. p. cap. 1. sect. 1. §. 6. in fine. Discussâ varias in partes questione, probabilius mihi videtur, spectatâ præcisè naturæ conditione, posse existentiam Dei invincibiliter ignorari ab aliquibus.

11. P. Præpositus 1. p. q. 2. art. 1. n. 3. Ex hac doctrina huius articuli sequitur, in aliquo dari posse ignorantiam huius

veritatis, Deus est, saltem ad aliquod tempus.

12. P. Franciscus Amicus 1. p. disp. 2. de existentia Dei n. 16. Hic disputari solet, an dari posse invincibilis ignorantia de Deo, saltem ad tempus, & in paucis rudibus? Affirmat Medina p. 2. q. 89. art. 6. Molina 1. q. 2. art. 1. Zumel q. unica conclus. 3. & alii: nec negat Granadus in 1. p. tract. 1. de existentia Dei, disp. 1. sect. ultima in fine, ubi concludit cum Victoria, posse aliquem in sylvis enutritum, qui nihil de Deo unquam audivit, laborare ad tempus invincibili ignorantia Dei, que sententia cum prædictâ limitatione in paucis, & ad tempus, probabilis est.

13. P. Arriaga 1. p. disp. 2. sect. 3. ad hanc questionem: An ita Deum esse demonstretur, ut à nemine invincibiliter ignorari possit? Respondet n. 17. Probabiliorem censeo sententiam Molina (quæ uti in principio n. 16. refert ad quæst. propositam, affirmat simpliciter id posse contingere) quam facile inde probo.

14. Pater Isquierdus, Hispaniarum Qualificator in opere suo Theologico, Romæ cum licentia expressa Magistri Sacri Palatii impresso tract. 1. de Deo uno disp. 1. q. 8. propof. 1. n. 165. In aliquibus hominibus valde rudibus, & sine ulla aliorum doctrina, in sylvis aut etiam in contubernio similibus enutritus, credibile mihi est, dari posse ignorantiam, omnimodis invincibilem Dei. Quod fusè ibi probat, & rationes in contrarium solvit.

15. Joannes Morandus de Deo Uno & Trino q. 2. n. 55. Ideo dico cum Arriaga disp. 2. sect. 3. & alius, possibilem esse de Deo ignorantiam invincibilem in aliquibus rudibus.

16. P. Molina q. 2. de Deo art. 1. fol. 3. litt. F. Ex dictis colligi potest, tam rudis & incultus posse aliquos homines esse,

ne maximâ cum probabilitate affirmare possimus, in eis ignorantiam invincibilem Dei posse reperiri; porro eâ ignorantia excusabuntur à peccato infidelitatis, & quod Deum non colant, non erit eisdem culpe attribuendum.

17. P. Ignatius der Kennis, de Deo Trino & uno disp. 1. n. 3. Ex eo quod propriè & principaliter per se non sit notum, Deum existere, efficaciter hoc ipsum ignorari posse, partim vincibiliter & culpabiliter, partim invincibiliter: nam aut potest non proponi intellectui, aut si proponatur, possunt latere rationes id probantes, aut certe non attendi aut pervadi debite: culpabiliter quidem ut in Atheis, qui eas, præviâ voluntate obfuscant: invincibiliter vero in rudibus Barbaris, qui eas, aut non audiunt aut non capiunt, saltem statim ut proposita sunt.

18. Quiros Regii Supremi Senatus S. Inquisitionis Censor tract. 2. de essentia Dei disp. 14. n. 56. De secunda ignorantia privativa, sic loquuntur pro longo vitæ decursu, secluso pravo Doctore extrinseco, moraliter impossibile apparet, eam esse posse in aliquo rationis compote omnino invincibilem. Et n. 57. Nihilominus physicè loquendo, nullum apparet convincens signum, ex quo evidenter deducatur, non posse homini rustico in sylvis solitarie enutrito, huius rei ignorantiam omninò inculpabilem contingere per breve tempus, & consequenter, si statim iste homo moriatur, iam ignoravit invincibiliter finem, qui in illum creatus est, & mediorum, seu præceptorum naturalium notitiam habuit. Jam verò cur prædictus Sylvicola non poterit continuò manere sub hac incogitantia?

19. P. Ildephonsus Pennafiel tract. 2. de existentia Dei disp. 2. n. 24. Dico 1. considerando hominem in ordine ad

principia merè naturalia, existimo certissimam hanc secundam sententiam (nempe possibilem esse ignorantiam Dei invincibilem in plurimis hominibus.)

20. P. Petrus Ozea de virtutibus Theolog. disp. 2. sect. 1. subsect. 2. Sententia affirmans, posse in homine adolere reperiri carentiam fidei, sive infidelitatem negativam invincibiliter, & sine ulla culpa, quæ in eo, quod est non credere sita sit, iam est in Scholis communior. Eam tenet D. Thom. 2. 2. q. 10. a. 1. cum suis Interpretibus.

21. P. Franciscus Bonæ Spei, Theologiæ speculativæ tom. 1. tract. 1. disp. 1. dub. 3. Resol. 2. Dico 2. in tali homine rudis & hebetis ingenii sibi relicto (an enim Deus speciali inspiratione in quolibet hominisatione utente speciem sui existentis exciet, quod plerique Thomistæ tuerentur, valde incertum est, cum Deus variis, etiam adultis, sine omni Baptismo aque necessario, mori sinat) dari potest ignorantia existentis Dei negativa inculpabilis.

22. Don Josephus Cacharanus in sua Theol. Assertiva tract. 1. §. 5. n. 37. Deum existere sub conceptu aliquo particulari, & proprio expressè cognito, metaphysicè loquendo potest ignorari invincibiliter ignorantia negativa in aliquo individuo. Idque probat ex S. Aug. tract. 106. in Joan. & D. Thom. 2. 2. q. 10. art. 1.

23. P. Comptonus in 1. p. disp. 3. sect. 2. n. 5. Sustineo quod dum quis Deum ignorare invincibiliter non possit; bene tamen ad aliquod breve tempus.

24. P. Stadlmajr disp. 1. n. 11. Existentia Dei nullo casu ab ullo homine, si ratione natus, potest positivè per principia intrinseca ignorari; etsi negativè nullâ occurrente de Deo cognitione, vel per principia extrinseca deducta ab auctoritate male instrumentis, ad breve saltem tempus possit Deus ignorari. S. V.

J V.

Vindicatur 1. pars prima Propositionis ratione.

Quod subindè in adulto aliquo dari possit unius Dei ignorantia, apud omnes putamus esse indubitatum, ut v. g. in puero à lupis rapto, & ab iis annos aliquot in sylvis enutrito, de quo Spondanus ad annum Christi 1344. vel in puero ab urfis sublato, & ad annum ætatis 14. vel 15. inter eos educato, de quo Parival, in sæculo ferreo, vel in Zabobolis Indis, de quibus Pennafiel ex relatione Virorum Apostolicorum, in illis partibus pro salute Infidelium strenuè laborantium, qui post instructionem, & conversionem interrogati, ingenuè falsi sunt, se nunquam de Deo, vel Numine aliquo cogitasse, aut conceptum aliquem etiam obscurem vel confusum formasse: vel denique in tam rudi & hebere, ut post diligentem Parochi instructionem, & magnos labores, fidei Christianæ rudimenta penetrare aut retinere nequit ullo modo, qualem nos cognovimus & vidimus, etiam in nostro Belgio.

Quod verò talis unius Dei ignorantia, in simili adulto, seu incognitia & inadvertentia ad Deum, non magis potest esse culpabilis, saltem pro brevi illo tempore, quàm quæcunque alia cuiuscumque juris, sub simili ignorantia, non observantia, seu prævaricatio, juxta illud Joan. 9. *Sacerdos esset, non habetis peccatum.* Ex Bullis Pii V. & aliorum Pontificum, in quibus dampnantur hæc Propositiones: *Ad rationem & de-*

initionem peccati, non pertinet voluntarium. Item: *Infidelitas purè negativæ in his, quibus Christus non est prædicatus, peccatum est.* Denique: *Homo peccat, etiam damnabiliter, in eo quod necessario facit.* Ex hæc Jansenii: *Aliqua Dei præcepta hominibus iustis volentibus & conantibus, secundum præsentem, quas habent vires, sunt impossibilia, deest quoque illis gratia, qua possibilia fiant.* Augustinum lib. 3. de lib. arbit. cap. 19. *Non tibi deputatur ad culpam quod invitus ignoras, sed quod negligis querere quod ignoras.* Chrysostomum hom. 13. in Epist. ad Rom. *Nemo nunquam ignoranter peccavit &c.* Si enim ignorantes peccaverunt, indigni utique erant, qui pœnas darent. Denique Tridentinum sess. 6. cap. 11. ubi dicitur, *Deum hominibus non præcipere impossibilia; adulto autem sub istis ignorantia tenebris defectu instructionum, tam impossibile est, saltem pro brevi aliquo tempore, ad Deum se convertere, quam observare quæcunque alia jura, quorum simili laboras ignorantia.* Ergo &c.

Quod autem aliqui Patres, & nominatum Damascenus lib. 1. Orthodoxæ fidei cap. 2. & 3. dicat: *Omnibus cognitione existendi Deum naturaliter est insita.* Explicat D. Thom. 1. p. q. 2. art. 1. ad 1. de cognitione Dei in aliquo communiquam omnes naturaliter appetunt, hanc autem ibidem expressè negat esse cognitionem Dei: ceteri autem Patres facile explicari possunt, vel de ignorantia

tia positiva, quâ quis excitatus de Deo existente positivè judicaret, & diceret, *non est Deus*, quod solus insipiens in corde dicit: vel de hominibus perspicioribus, purioris ingenii ac judicii. Sic-

que intelligi & explicari potest illud ad Rom. 1. *Quod notum est Dei, manifestum est in illis, Deus enim illis manifestavit.*

S. VI.

Vindicatur 2. pars primæ propositionis autoritate.

Secunda pars primæ propositionis est hæc: *Quidni & sic salvari?* Hæc publicè defensâ est Lovanii 1660 15. Martij sub P. Edmundo ab Angelis: *Quid ergo mirum, si inter bestias educatus, aut valde rudis sibi relictus, invincibiliter ignorat Deum? sed quo pergeret ille ab infantia baptizatus? ad cælum.*

Et Bruxellis 1672. 17. Maii sub P. Ferdinando à S. Carolo Borromæo: *Nos adultos in gratia baptismali existentes, sub ignorantia invincibili, scilicet negativi, etiam ipsius Dei, salvari posse putamus.*

Sicque omnes & singulos Disputationum Præfides, quos in favorem nostrum pro prima parte citavimus, resoluturos arbitramur, si interrogarentur, quò pergeret similis adultus in infantia baptizatus, casu quo sub dictâ Dei invincibili ignorantia moreretur? Nobiscum insuper id docent sequentes Auctores.

Primò: Altissiodorensis in 4. Sent. tract. 4. q. 3. fol. mihi 136. qui casum nostrum subtiliter examinat, & pro nobis resolvit: circa finem movens hanc questionem: *Quæritur: quo instanti teneatur primò credere, & ponatur, quod parvulus statim post baptismum deferatur apud Paganos, & moretur ibi, donec sit adultus, quæritur de isto, in quo instanti*

primò tenetur credere? Videtur quod in isto instanti, in quo primò potest dici, iste est adultus. Probatio: dicatur illud instans. A. si iste decederet, statim postea damnaretur, quia cum sit adultus, nec credidit in Deum, nunquam dilexit Deum, ergo peccavit mortaliter, nonnisi peccato omissionis; ita ergò omisit, nonnisi in A. & ita omisit credere in A, & ita tenebatur credere in A, & non ante A. quoniam nondum erat adultus: ergò A fuit primum instans in quo tenebatur credere. Ad quod argumentum respondet: Contra Apostolus dicit: invisibilia Dei per ea, quæ facta sunt &c. Ad hoc igitur, quod aliquis credat, oportet quod prius consideret invisibilia, & conferrat illa suo esse; unde dicit Aristoteles, quod credere est persuasum esse, sed ad omnia ista facienda exigitur tempus; ergò impossibile est per se; quod aliquis in primo instanti ætatis suæ adulta credat; ergò impossibile erat per se isti, ut crederet in A; sed nullus tenetur ad impossibile per se: ergo iste non tenebatur credere in A. quod concedimus, dicentes, quod nullus tenetur credere in primo instanti ætatis adultæ; Iudex enim secularis dat inducias deliberationis, multò fortius Iudex æternus, qui in infinitum est benignior, dat inducias ad credendum in se, quantum verò tempus det, ad huiusmodi deliberatio-

berationem, nullus scis: unde patet, quod hac argumentatio non valet: iste est adultus, & non credit in Deum, & decessit sic: ergo damnabitur, quoniam non fuit in mora credendi, & iudicat ideò, ut parvulus, donec tempus deliberationis fuerit elapsum.

2. Andreas Vega, Magister Salmanticensis in Trid. lib. 6. de præparatione adultorum ad justificationem, cap. 17. credit esse probabilissimum. 1. haberi posse fidei Christi ignorantiam invincibilem. 2. Fidem explicitam Christi in præcepto esse omnibus; sed iustificari etiamnum adultos, imò & salvari citrà illam. Idem ipsum concedendum est de illis, si qui fuerint, qui ignorantiam invincibilem fidei unius Dei habuerint, & vel profus eum ignoraverunt, vel tantum per demonstrationem ex lumine naturali, aut opinione quadam, aut fide humana ex relatione aliorum eum noverunt.

3. Ludovicus Mxarius de fide disp. 19. sect. 1. assert. 2. n. 4. Adultis quoque in infantia purgatis ab originali peccato per infusionem gratiæ sanctificantis, non est actus Divina fidei necessarius ad salutem.

4. Bordonus S. Officii Consultor tom. 1. de expressa licentia Magistri Sacri & Apostolici Palatii impresso cap. 8. de fide Eccl. Rom. fol. 262. n. 138. de adulto nullà fidei instructione baptizato, & statim moriente, sic docet: Dico illi adulto sufficere fidem habitualement in Baptismate receptam; equiparatur enim infanti, cui impossibile est elicere actum fidei, sicut adulto carenti usu rationis: neque obstat illud Marci, qui non crediderit, condemnabitur; quia intelligitur de habentibus usum rationis cum cognitione fidei, quam nolunt credere &c.

5. Irenæus à S. Jacobo ad quæstio-

nem: An actus fidei sit necessarius necessitate medi ad salutem? Sic respondet capite 2. sect. 1. §. 9. fol. 726. De adultis itaque restat quæstio, in quibus verum distinguuntur; nam si puer habitu fidei instructus per baptismum, statim moriatur, post usum rationis adeptum, nullà datà occasione credendi aut negandi, imò cogitandi de rebus fidei, salvandus videtur Suari tract. 1. de fide disp. 1. sect. 2. n. 10. & Lugo de fide disp. 12. sect. 1. n. 3. quia ad conservandam iusticiam, sufficit non peccare mortaliter, nec requiritur actus fidei exercitium: is verò tunc salvaretur eodem modo ac medio, quo infantes, & etiamque acciperet in hereditatem, non in præmium, nisi meritorios aliarum virtutum, quam fidei, actus exercuerit, quorum mereretur mercedem.

6. Illustrissimus P. Herinx disp. 7. de fide q. 4. n. 32. Suppono fidem actualem non esse necessariam ad salutem parvulis baptizatis, ante usum rationis morientibus; hi enim fidei actualis incapaces, salvantur per fidem spem, & habitualement habitualement, seu gratiam in Baptismo acceptam, quam non nisi novo mortali (cuius sunt incapaces) possunt amittere; qui etiam suscepto Baptismo, etsi actum credendi non habeant, inter fideles computandi sunt, iuxta Trid. sess. 7. can. 13. de Baptismo. Idem est de adultis in infantia baptizatis, qui antequam committant peccatum mortale, ex hac vita decedunt, etsi nullo actu fidei elicito ratione invincibilis ignorantia aut inadvertentia.

7. P. Suarez disp. 12. de necessitate fidei, quatenus est medium ad salutem, sect. 2. n. 10. Dico 2. actus fidei in adulto ita est medium necessarium, ut in voto solo non sufficiat, loquor in assertione de consecutione iustitiæ; quia si adultus fuerit in infantia baptizatus, posteaque perveniat ad n-

ad usum rationis, ac contingat brevis tempore vivere sine peccato mortali, & sine actu fidei, salvabitur; quia ad conservandam iustitiam, satis est non peccare mortaliter, etiam si fides non exerceatur; tunc autem, licet ille qui salvatur sit adultus, non salvatur (ut ita dicam) tanquam adultus, sed tanquam infans; quia per medium commune infantibus salvatur, & postea in ordine ad salutem, vel contra illam, nihil tamen adultus est operans.

8. P. Platellius de fide c. 5. §. 4. n. 204. Si quis tamen iustificatus per Baptismum, postea perveniens ad etatem adultam, prius moriatur, quam peccaverit mortaliter, & habuerit occasionem audiendi vel cogitandi de rebus fidei, salvabitur absque fide actuali; quia cum, ut

supponitur, non peccaverit mortaliter, adeoque retineat gratiam in Baptismo acceptam, habet ius ad gloriam.

9. M. Berulla de fide q. 4. conclus. 7. In adultio prater fidem habitualement, requiritur fides actualis ad salutem, si ei proponantur mysteria fidei sufficienter &c. Dico, si proponantur, quia si nunquam audiret post baptismum, & non peccaret, posset salvari absque fide actuali.

10. P. Thomas Comptonus de fide disp. 15. sect. 1. in fine: Quod si quis in infantia baptizatus, ubi ad rationis usum pervenerit, aliquanto tempore sine peccato mortali vivat, & hoc modo moriatur, is quamvis nullum actum fidei eliciat, nihilominus consequetur beatitudinem.

§. VII.

Vindicatur 2. pars primæ propositionis ratione.

Quid obsecro, & Divinæ bonitati, & rectæ rationi conformius, quam similem ignorantem, & post breve tempus usus rationis decentem salvari? Certè ni talis salvetur, justus ut talis evidenter damnatur, quod facile sic ostendimus: Perveniat puer ille in infantia baptizatus, ad principium usus fixæ rationis, & moriatur antequam sit obligatus per fidem, aut charitatem, se in Deum convertere actualiter, quod fieri potest; quia primum illud instans, quo, juxta doctrinam D. Thomæ, quilibet obligatur se in Deum convertere, non metaphysicè, sive indivisibiliter, sed moraliter cum aliqua latitudine & extensione, ut q-

stendit Altfiodorensis supra citatus, & communiter admittunt Thomistæ, explicantes in eo puncto mentem D. Thomæ, accipiendum est: supponatur igitur claritatis gratiâ, instans illud moraliter sumptum, comprehendere medium unius horæ quadrantem, & puerum baptizatum in infantia, pervenire ad tertium vel quartum instans istius mediæ quadrantis, sicque in dicta ignorantia mori (quod sive violentâ, sive naturali morte facile fieri potest) morietur adultus Theologicè, cum omnes usus rationis habentes sint tales, & justus; quia cum illis primis instantibus, nondum esset obligatus præcepto se convertendi in Deum, sed tantum ultimis instantibus istius mediæ quadrantis, illud

præceptū non violabit, nec alia violasse supponitur; si ergo moriatur, iustus moritur, & si damnetur, iustus ut talis damnatur, quod est alienum à fide.

Scimus nonnullos docere, 'ad Dei providentiam spectare, ut similis adultus non moriatur, priusquam exercuerit actum fidei Divinæ, saltem circa Deum existentem. Sed illis rectè responder & satisfacit Ludovicus Maratius de fide disp. 19. sect. 1. assert. 2. n. 4. *Ex nullo loco S: Scriptura, aliove argumento colligi posse hanc Dei providentiam erga illos adultos, qui jam ad Deum per habitalem fidem, aut simul etiam per gratiam sanctificantem accesserunt, cum ipsoque conjuncti sunt.*

Aliundè talem adultum salvandum, si aliundè mortaliter non peccet, ex eo deducimus, quod illi nihil desit ad salutem; cum enim necessarium necessitate mediæ putemus definiendum, id sine quo in re, vel voto, etiam inculpabiliter omisso, nullus impius, quibuscumque aliis positis, salvabitur; hic autem adultus impius non sit, salvandus dici potest sine fide actuali unius Dei.

Rationes autem, quæ nos movent, ut definitioni illi addamus illas particulas, nullus impius, sunt hæc:

Prima: quod aliqui infans baptizatus, ad partes infidelium translatus, sub Dei ignorantia inculpabili ad unum v.g. usum rationis annum educatus, & in illa mortuus, omissione fidei actus de Deo moraliter ei impossibilis non liberat; & idè inculpabili, gratiâ & salute privari deberet, quod crudele videtur, & directè contra amorem Dei Patris, Filio suo adoptivo debitum. Quid, obsecro, aliud est fidem de Deo actualem necessitate mediæ necessariam facere adulto justificato, pro eo tempore,

quo Deum invincibiliter, seu inculpabiliter, ignorat, quàm adultum illum jam per Baptismum justificatum & filium Dei adoptivum, ad impossibile pro tempore illo sub æternæ damnationis pœna obligare, contra Trid. sess. 6. cap. 11. quo nihil crudelius, & à paterno in filium adoptivum affectu magis alienum.

Secunda: quia non est tanta ratio dicendi, aquæ baptismum non esse jure per se determinatè necessitate mediæ necessarium, sed disiunctivè, in re vel voto, sive martyrio, aut contritione perfectâ, ne alioqui penè innumeri, defectu baptismi aquæ perire debeant, licet de facto sint Dei ob originale inimici, ut communiter docent Theologi, quàm sit dicendi fidem de uno Deo actualem respectu adulti, non esse in re per se determinatè necessitate mediæ necessariam, sed disiunctivè, in re vel voto, sive gratiâ baptismali; ne valde multi, qui de facto sunt amici Dei, defectu fidei actualis, sibi moraliter impossibilis, in æternum perire debeant, cum sit incomparabiliter plus. unum Dei amicum perire, quàm infinitos Dei inimicos damnari.

Tertia: quæro, cur adulto, jam per Baptismum justificato, fides de Deo actualis potius necessitate mediæ necessaria in re præcisè dicatur, quàm Baptismus aquæ in re præcisè adulto jam per contritionem perfectam justificato? hic enim magis est necessarius, quàm fides illa actualis, per se confert gratiam, quam fides actualis per se non confert; & aliundè idè solum Baptismus in re non est huic necessitate mediæ necessarius, quia hic de facto antecederet in gratia; ille autem in priori casu etiam supponitur esse antecederet in gratia: unde

unde ex hoc capite est inter utrumque paritas.

Nec obstat nostræ propositioni auctoritas S. Scripturæ, Marci ultimo: *Qui verò non crediderit, condemnabitur*; quia rectè, juxta Bordonum, S. Officii Consultorem suprà citatum, intelligitur de habentibus usum rationis cum cognitione fidei, quam nolunt credere. Id enim satis perspicuum est, vel inspicienti verba & tenore Sacri Textus, sic habet: *Euntes in mundum universum predicare Evangelium omni creatura, qui crediderit & baptizatus fuerit, salvus erit, qui verò non crediderit, condemnabitur*. Verbis istis Salvator Apostolos suos mittit per universum mundum, ut omni creaturæ (cujus nomine homines designantur) Evangelium prædicarent, quo audito, suscipientibus promittit salutem, rejicientibus, comminatur damnationem; ubi nihil de illis, quibus Christus per se, vel per suos Apostolos non est locutus; hos enim excusandos ipse enuntiat Joan. 15. *Si non venissem, & locutus fuisssem eis, peccatum non haberent, quia in eis non crediderunt*, ut explicat Augustinus.

Alia autem loca, si ve S. Scripturæ, si ve Conciliorum, si ve Patrum, quæ fidei necessitatem tangunt, explicari facile possunt; non enim generaliter accipi possunt, nisi parvulos baptizatos damnari velint.

Hæc abundè sufficere potuissent pro justa vindicatione secundæ partis hujus Propositionis, nisi aliundè nobis innotuissent aliquæ aliquorum oppositiones, ex quibus suspicabantur hanc secundam propositionis partem non coherere, sed evidenter contradicere auctoritatibus SS. Patrum, nominatim SS. Augustini & Bernardi, quas no-

stram propositionis partem non tangere ostendimus, postquam exposuimus urgens motivum, quo ad defensionem hujus partis propositionis fuimus excitati.

Non parum ad 2. partis hujus propositionis defensionem nos animabat & incitabat, quod videremus, per oppositam, periculum esse, ne varix propositiones à variis Pontificibus contra Bajum & Jansenium damnatæ, resuscitentur, & in rigore sustineri possent; si enim erronea sit: *Adultum in infantia baptizatum, sub ignorantia invincibili unius Dei existentis decedentem, posse salvari*, debet esse vera hæc opposita, *Adultum in infantia baptizatum, sub ignorantia invincibili unius Dei existentis decedentem, non posse salvari*; quæ tamen tanquam vera pro secunda parte, nullò modò posse admitti, videtur, quod in gratiam & pleniorum Examinatorum informationem, ostensum inus. Hoc igitur

Probatur: quia illa propositio nullò modò tanquam vera admitti potest, ex qua tanquam vera admissa, deducuntur propositiones, à variis Pontificibus proscriptæ & damnatæ: atqui ex hac propositione tanquam vera admissa, varix deducuntur Propositiones à variis Pontificibus proscriptæ & damnatæ: Ergo &c. Major est certa, & terminis nota; quia ex propositione admissa tali ut vera, non nisi vera conclusio deduci potest, qualis esse non potest damnata à Pontificibus.

Probatur minor 1. Quia ex illa tanquam vera admissa, deducitur hæc propositio 46. contra Bajum à Pio V. Gregorio XIII. & Urbano VIII. proscripta & damnata: *Ad rationem & definitionem peccati non pertinet voluntarium*.

Ergò &c. Probatur antecedens ; quia si talis adultus non possit salvari, debet damnari, nisi hæreticè post resurrectionem, pro adultis fingatur locus aliquis medius inter cælum & infernum, si autem deceat damnari, sequitur, quod ubi aliquod peccatum mortale debeat damnari, siue illud sit originale, siue actuale personale ; non ob originale, cum hoc supponatur per Baptismum in infantia remissum, & juxta Trid. sess. 5. can. 5. *Nihil sit damnationis is, qui vere confectus sunt cum Christo per baptismum in mortem.* Et ibidem anathemate feriatur : *Si quis per Jesu Christi Domini nostri gratiam, qua in Baptismo confertur, reatum originalis peccati remittit, aut etiam asserit, non tolli totum id, quod veram & propriam peccati rationem habet ;* ergò necessariò ob aliquod mortale actuale personale ; quia nil nisi peccatum separat à Deo, aut à cœlesti regno excludit : illud autem peccatum actuale mortale, ob quod adultus ille excluderetur à Regno cœlesti, & damnaretur ; deberet omninò esse tale, ad cuius rationem & definitionem non pertineret voluntarium : quia cum supponatur brevi illo tempore, usus rationis, non peccasse contra aliquod præceptum naturale, aut Divinum, distinctum à præcepto fidei unius Dei, deberet illius peccatum actuale mortale, esse omisio actus fidei supernaturalis circa existentiam adultò illo invincibiliter ignorante existentiam unius Dei, pro tempore illius ignorantie, non potest illi ullò modò esse volùtaria ; ergò necessariò est in illo peccatum, ad cuius rationem & definitionem non pertinet voluntarium. Probatur hæc minor : quia ut illa omisio aliquò modò illi esset voluntaria, deberet aliquò mo-

dò dependere à voluntate illius : atqui nullo modo dependet à voluntate illius, nec dependere potest : ergò nullò modò potest illi esse voluntaria.

Probatur minor : non imprimis directè, formaliter & expressè ; quia cum Dei existentiam circa quam actus fidei versari deberet, nullò modò cognoscat, imò stante illà invincibili ignorantia, nullò modò cognoscere possit, omisio illa actus fidei circa Dei existentiam non magis potest directè, formaliter ac expressè ab illius voluntate dependere, quam possit dari volitio directà, formalis & expressa rei non cognitæ, quod fieri non posse, evincunt communia axiomata Theologorum, tum Philosophorum. *Ignorantia cupido, Nihil volutum quin præcognitum,*

Neque etiam indirectè aut interpretativè ; quia ad hanc à voluntate dependentiam, requiritur saltem aliqua confusa advertentia ad omissionem actus fidei, quæ in illo adultò, supposità ignorantia invincibili, existentie unius Dei, nullò modò reperiri potest, cum ignorantia invincibilis, habità confusà aliquà advertentiâ, desinat esse invincibilis, & incipiat esse vincibilis. Unde supposità in adultò illo ignorantia invincibili unius Dei, non magis potest esse confusa aliqua advertentia ad omissionem actus fidei in illo adultò, quam in infante, dormiente, aut perpetuo amente.

Quin à voluntate illius adulti invincibiliter Deum ignorantis, non magis illa omisio actus fidei modò dependet, quam ab æterno, & antequam adultus ille natus fuerit, dependerit, cum eodem modo ab æterno, & antequam adultus ille existeret, se habuerit ad voluntatem istius adulti, quæ sese de facto habet, ut
confi-

consideranti patebit; non potuit autem dici illam aliquò modò dependisse, aut dependere potuisse ab aeterno à voluntate illius adulti; ergò nec modò dici potest dependere, aut à voluntate illius ut talis, dependere posse; eodem enim fundamento illa dici posset dependere à voluntate infantis, dormientis, aut perpetuò amentis, quò dicitur dependere à voluntate huius adulti, invincibiliter De existentiam ignorantis. Unde ex illa admisa propositione tanquam vera, deduco damnatà illà Propositione: *Omissio actûs fidei, ob quam adultus ille damnatur, debet esse peccatum, ad cuius rationem, & definitionem pertineat, quod sit omissio voluntarium, seu aliquò modò dependens ab eius voluntate: arqui omissio illa actûs fidei, ob quam adultus ille damnatur, nullò modò potest esse peccatum, ad cuius rationem & definitionem pertineat, quod sit ipsi omissio voluntarium, seu aliquò modò pendens ab eius voluntate* (uti patet ex præmissis) Ergò omissio illa actûs fidei, ob quam adultus ille damnatur, est peccatum, ad cuius rationem & definitionem non pertineat voluntarium, seu nullò modò pendens ab eius voluntate.

Nec dicas omissionem illam actûs fidei unius Dei existentis, dependere à voluntate istius adulti invincibiliter ignorantis Deum, ratione causæ, scilicet peccati originalis, ipsi in Adamo voluntarii: quia si talis dependentia à voluntate istius adulti sufficiat, ut illa omissio actûs fidei, illi sit peccatum mortale, formale personale, etiam sufficiat talis dependentia in infantibus, dormientibus, perpetuò amentibus & cæteris, ut talis omissio, & quidquid agunt contra legem Dei, aut naturæ, etiam sit peccatum formale personale & morta-

le, proportionaliter ad materiam. Quia omnes concupiscentiæ motus, omnem rationis advertentiam prævenientes, essent non consentientibus peccata personalia mortalia, in materia saltem gravi; non enim minus hi concupiscentiæ motus possunt dici dependere à voluntate hominis, ratione causæ, scilicet peccati originalis, illi in Adamo voluntarii; quàm dicta omissio actûs fidei unius Dei existentis, à voluntate istius adulti, Deum invincibiliter ignorantis ratione peccati originalis; illud tamen evidenter repugnat Concil. Trid. sess. 5. can. 5. *Movere autem in baptizatis concupiscentiam vel fomitem peccati, hac S. Synodus faretur & sentit, quæcumq; ad agnitionem relicta sit, nocere non consentientibus, & utiliter per Christi Jesu gratiam repugnantibus, non valet.*

Aliundè responsio illa, est futile fundamentum, in quo Bajani damnatam illam à Pontificibus propositionem fundant, & consequenter ad illud, subsisteret peccatum actuale personale in eo, qui in pœnam originalis peccati, esset privatus omni voluntate, quò nihil absurdius. Ex his.

Sequitur clarè, omissionem actûs fidei unius Dei existentis, illi adulto nullò modò posse esse peccatum, ut potè nullò modò voluntarià, aut à voluntate illius adulti dependentem, magis quàm dependeat à voluntate infantis, dormientis, aut perpetuò amentis; ob quam, si censeas adultum illum damnandum, censeas etiam oportet, infantes, dormientes, & perpetuò amentes, ob similes omissiones damnandos, & consequenter ad rationem ac definitionem peccati non pertinere voluntarium, quod non tantum Pontificibus damnantibus illam Baii propositionem

neni repugnat, sed & Augustino evidenter lib. de ver. relig. cap. 13. *Uſque adeò peccatum voluntarium eſt malum, ut nullò modò ſit peccatum, ſi non ſit voluntarium, & hoc quidem manifeſtum eſt, ut nulla hinc doctorum paucitas, nulla indoctorum turba diſſentiat; quare, aut negandum eſt peccatum committi, aut fatendum eſt voluntate committi.*

Probatur minor 2. quia ex illa propoſitione ut vera admiſſa, deducitur hæc contra Baium ab iſdem Pontificibus proſcripta & damnata propoſitio 67. *Homo peccat, etiam damnabiliter, in eo quod neceſſariò facit.* ergò &c.

Probatur antecedens: quia talis adultus non poteſt damnari, niſi ob peccatum mortale, quod in ipſo aliud eſſe non poteſt, niſi omiſſio actus fidei unius Dei exiſtentis: atqui omiſſio illa, eſt adulto illi invincibiliter Dei unius exiſtentiam ignoranti, omninò neceſſaria, ſive illum actum fidei omninò neceſſariò omittit: ergò adultus ille peccat, etiam damnabiliter, in eo quod neceſſariò facit, ſive quod neceſſariò omittit. Probatur major: quia cum brevi illo tempore uſus rationis, ſupponatur manere in gratia baptiſmali, nec contra ullam aliam legem peccaſſe mortaliter, ſolum reſtat, ut omittendo actum fidei unius Dei exiſtentis, peccatum committat, ob quod damnetur, quod reipſa nihil aliud eſt, quàm ipſum, etiam damnabiliter peccare, omittendo illum actum fidei unius Dei exiſtentis, cujus omiſſio ſub illa ignorantia invincibili, eſt ipſi hic & nunc omninò neceſſaria. Ergò &c. Probatur minor; quia illa omiſſio eſt hic & nunc homini omninò neceſſaria, cujus oppoſitus actus illi omninò hic & nunc eſt impoſſibilis; atqui actus fidei ſupernaturalis unius Dei exi-

ſtentis, eſt illi adulto ſub ignorantia unius Dei exiſtentis invincibili, hic & nunc omninò impoſſibilis: ergò omiſſio talis actus eſt ipſi hic & nunc omninò neceſſaria, ſive neceſſariò actum illum fidei unius exiſtentis omittit. Major eſt omnium Theologorum; quia ad impoſſibile nulla datur potentia. Probatur minor; quia aſſenſus alicui obſecto, eſt omninò impoſſibilis, ubi non eſt, nec eſſe poteſt, aliqua per intellectum, ſaltem conſuſa obſecti propoſitio; atqui in adulto illo, ſub ignorantia invincibili unius Dei exiſtentis, eſt adulto illi invincibiliter Deum ignoranti impoſſibilis: probatur hæc minor; quia ignorantia invincibilis unius Dei exiſtentis, excludit omnem, etiam conſuſam, per intellectum Dei unius exiſtentis, tollit ignorantiam invincibilem unius Dei exiſtentis, illamque facit vincibilem, cum per illam advertentiam ſaltem conſuſam poſſit eam ſuperare, ſi ulterius inquiret, vel ratione naturali, vel aliali inquirendo. Ac proinde in illo adulto Deum unum exiſtente invincibiliter ignorante nulla eſt, aut hic & nunc eſſe poteſt, unius Dei exiſtentis per intellectum, etiam conſuſa propoſitio, & conſequenter actus fidei eſt illi hic & nunc omninò impoſſibilis, & omiſſio illius actus omninò neceſſaria; unde ſecundam illam Propoſitionem à tribus Pontificibus damnatam, ex illa tanquam vera admiſſa, hæc modò: *Adultus ille ob ſolam illam omiſſionem actus fidei unius Dei exiſtentis damnatur, & conſequenter peccat damnabiliter: atqui illa eſt adulto illi omninò neceſſaria, ſive omninò neceſſariò actum fidei unius Dei exiſtentis omittit: ergò homo peccat, etiam damnabiliter in eo quod neceſſariò facit.*

Dices,

, Dices, adultum illum sub ignorantia invincibili unius Dei existentis, non quidem peccare mortaliter, omittendo actum fidei unius Dei existentis, sed equidem illum salvari non posse, defectu alicujus necessariò ad salutem requisiti, scilicet fidei unius Dei existentis, quæ est necessaria necessitate mediæ ad salutem, quæ etsi impossibilis sit, nullus tamen sine illa salutem obtinere potest, ut rectè notat P. Layman: *Ab eo quod necessitate mediæ est necessarium, nulla excusat ignorantia, nulla impotentia.*

Et hoc patet evidenter in infante, in utero matris extra casum martyrii moriente, qui, licet Baptismus illi ut tali sit impossibilis, & ejus omisio necessaria; quia tamen illi extra casum martyrii est necessitate mediæ ad salutem necessarius, nulla ipsum impossibilitas excusat à damnatione: ergò similiter, licet fides unius Dei existentis, illi adulto, invincibiliter Deum existentem ignorantis sit impossibilis, & omisio actus fidei necessaria, quia tamen actus fidei unius Dei existentis, est medium necessitate mediæ necessarium ad salutem, nulla ipsum impossibilitas actus fidei excusat à damnatione.

Respondeo 1. si imprimis ille adultus, sub ignorantia invincibili unius Dei existentis, non peccet mortaliter, omittendo actum fidei unius Dei existentis; ergò concedendum est, ipsum in gratia sanctificante baptismali decedere, utpote sine ullo peccato mortali, sive originali, sive actuali personali; sive personali quidem, quia ab eo in infantia per Baptismum purgatus; & etiam sine actuali personali, quia nullum tale commississe jam conceditur, cum non sit assignabile præceptum, contra quod deliquisset; ac proinde clarè sequitur, amicum & filium Dei adoptivum, à

regno Dei excludi, ad quod per gratiam sanctificantem jus obtinet.

Respondeo 2. inter parvulum istum in utero matris extra casum martyrii sine baptismo morientem, & adultum nostrum in invincibili ignorantia unius Dei existentis, sine fide actuali unius Dei existentis decedentem, esse evidentissimam disparitatem; quia in parvulo isto subsistit sufficiens causa damnationis; in adulto autem nostro non subsistit peccatum originale, utpotè in baptismo remissum, nec ob omissionem actus fidei unius Dei existentis, illi omninò hic & nunc necessariam, damnari potest, magis quàm infans ille ob omissionem Baptismi illi omninò necessariam; ob quas omissiones, si uterque damnari dicatur, clarè sequitur, utrumque peccare, etiam damnabiliter in eo, quod necessariò facit.

Respondeo 3. illà responsiõe dari conclusionem pro ratione; quia, quod est in quæstione, est, an fides actualis unius Dei existentis, sit adulto illi in gratia sanctificante existenti, & invincibiliter unum Deum existentem ignorantem, necessitate mediæ (rigoroso Theologorum sensu, quo illud etiam ad justificatos extendunt) necessaria, id autem asseritur in responsiõe, at à nobis in rigorosa illa necessarij necessitate mediæ acceptiõe cum fundamento negatur, ne amicus Dei, & existens in gratia sanctificante, omissione illi omninò necessaria peccet, & ob illam damnetur, sustinentes ob absurdum illud, & ex eo consequentia, cum P. F. Bonæ Spei in 1. p. disp. 1. dub. 3. resol. 2. necessarium necessitate mediæ definiendum: *Id sine quo, etiam inculpabiliter omisso, nullus impius salvari potest*, quò casu adultus ille, cum non sit impius, sed in gratia sanctificante e-

xistens salvari potest, sine fide actuali unius Dei, etiam si fides illa actualis unius Dei, supponatur necessitate medii necessaria, & nullus, præcisè ob omissionem omninò illi necessariam, damnabiliter peccat, conformiter ad Pontificum declarationes.

Probatur minor 3. quia ex illa propositione, ut vera, admissa, deducitur hæc contra Baium ab iisdem Pontificibus proscripta & damnata propositio 68. *Infidelitas purè negativa, in iis quibus Christus non est prædicatus, peccatum est.* Ergò &c.

Probatur antecedens: quia nullus damnatur, aut damnari potest, nisi ob peccatum propriè dictum: atqui ille adultus ob invincibilem unius Dei existentis, ex illa ignorantia necessariò omninò consequentè ignorantia damnaretur, illa autè ignorantia invincibilis negativa unius Dei existentis, est mera infidelitas negativa, quia sicuti ignorantia illa, est mera & pura inadvertentia, seu incogitantia de Deo uno existente, defectu omnis omninò propositionis unius Dei existentis ex parte intellectus, & ab intrinseco, ita & hæc infidelitas purè negativa, est mera & pura inadvertentia, seu incogitantia de Deo uno existente, defectu prædicationis & propositionis ab extrinseco; ergo infidelitas purè negativa, in iis, quibus Christus non est prædicatus, peccatum est. Major patet ex communi sensu omnium Theologorum: minor etiam patet ex supradictis, cum in eo nullum aliud peccatum mortale personale assignari possit, præter illam ignorantiam invincibilem unius Dei existentis, aut omissionem actus fidei unius Dei existentis ex illa ignorantia omninò necessariò consequentem: consequentia patet; quia cum illa ignorantia invincibilis negativa a-

dulti sit ipsa infidelitas negativa, & illa sit peccatum, utpotè, ob quam adultus ille damnetur, consequens est, ut infidelitas purè negativa peccatum sit: undè hunc formo Syllogismum: *Adultus ille ob illam invincibilem ignorantiam unius Dei, quæ sit ipsa infidelitas purè negativa, damnatur: atqui nullus damnatur nisi ob peccatum mortale propriè dictum: ergò infidelitas purè negativa in iis, quibus Deus aut Christum non est prædicatus, peccatum est, & quidem propriè dictum.* Ex propositionem hanc damnatam ex illa, ut vera, admissa, per legitimam consequentiam, deductam.

Probatur minor 4. quia ex illa propositione ut vera admissa, deducitur hæc, ab Urbano VIII. Innocentio X. & Alexandro VII. contra Jansenium proscripta & damnata, ut *impia, blasphemica, anathematice damnata & hæretica*, Propositio prima,

Aliqua Dei præcepta, hominibus iustis volentibus & conantibus, secundum præsentem quas habent vires, sunt impossibilia, deest quoque gratia quæ possibilia fiant. Ergò &c.

Probatur antecedens: quia vel illi adultus invincibiliter ignorant Dei existentiam, actus fidei unius Dei existentis, est à Deo præceptus, vel non? si non sit præceptus; ergò omitendo illum actum fidei unius Dei existentis, non peccat; quia ubi non est lex, sive præceptum, nec prævaricatio; ubi autem non est prævaricatio, ibi non est peccatum, quod est essentialiter legis prævaricatio, ac proinde in illo adulto non est damnationis meritum, uti suprà sæpè probatum est: si illi adulto actus ille fidei sit præceptus (uti necessariò dicendum est, si velint illum adultum ob illius omissionem præcisè non salvandum,

dum, sed damnandum) deducitur, illud Dei præceptum, homini illi adulto & iusto, volenti & conanti, secundum præsentem quas habet vires, impossibile esse, deesse quoque illi gratiam, quâ possibile fiat; quia cum supponatur adultus ille, in infantia baptizatus, & invincibiliter Deum existentem ignorans, est iustus, & actus fidei unius Dei existentis est ipsi impossibilis; quia cum ipse ignorantia sit invincibilis, quæ morali adhibitâ diligentia ab eo superari non potest, clarè sequitur, quod, sicut stante illâ invincibili ignorantia unius Dei existentis, nullam unius Dei existentis cognitionem habere potest, ita etiam actus fidei unius Dei existentis impossibile sit illi adulto, etiam volenti & conanti, & illi in tali statu gratiam deesse, quâ possibile fiat. Unde propositionem hanc damnatam, ex illa propositione admissa ut vera, hòc modò deduco: *Actus fidei supernaturalis unius Dei existentis, est à Deo homini illi adulto iustificato & invincibiliter Deum ignoranti præceptus: atqui ille actus fidei, est adulto in illo statu volenti & conanti secundum præsentem quas habet vires, impossibilis, deest quoque, ipsi, ut tali, gratia quâ possibilis fiat: ergo aliqua Dei præcepta hominibus iustis volentibus & conantibus, secundum præsentem quas habent vires, sunt impossibilia, deest quoque gratia quâ possibilia fiant.*

Undè rectè & prudenter hanc consequentiam notavit Reverendus Admodum Pater Franciscus Bonæ Spei, in 1. p. D. Thom. disp. 1. dub. 3. resol. 2. n. 52. dum ait: *Quid obsecro aliud est, fidem de Deo actualem necessitate mediis (eo sensu, quo communiter sumitur à Theologis) necessariam facere adulto iustificato, pro eo tempore, quò Deum invincibiliter, seu inculpabiliter ignorat, quam adultum illum, iam per Baptis-*

mus iustificatum & filium Dei adoptivum, ad impossibile, pro tempore illo, sub æternæ damnationis pena obligare, contra Trid. sess. 6. cap. 1. quò nihil crudelius, & à paterno in filium adoptivum affectum magis alienum.

Objicies 1. contra nostram propositionem, Autoritatem S. Scripturæ ad Hæbr. 11. *Sine fide impossibile est placere Deo.* Et ibidem. *Accedentem ad Deum credere oportet, quia est.* Atqui ille adultus non habet fidem: ergò Deo placere, vel ad illum accedere non potest.

Respondeo ad primum locum Apostoli, illum loqui (cùm generaliter loquatur) de fide generaliter sumpta, sive de habituali vel actuali; alioqui cum generali sua locutione non solum concludit adultos, sed etiam parvulos, & actualis in parvulis non possit habere locum, etiam concluderet parvulos baptizatos non posse placere Deo sine fide actuali, quod est hæreticum. Unde sensus istius loci Apostoli hic est: sine omni omnino fide, vel actuali, vel habituali, impossibile est placere Deo, sine actuali, impiis adultis; sine habituali, infantibus, amentibus, & consequenter adultis per Baptismum iustificatis, & in ignorantia invincibili unius Dei existentis constitutis; quia hi per respectum ad fidem actualem unius Dei existentis, comparantur parvulis, cum illi non minus sint actualis fidei incapaces, quam infantes.

Respondeo ad secundum Apostoli locum; illum non militare contra nostram propositionem; quia evidenter loquitur de Infidelibus nondum conversis ad fidem Christi, ac existentibus, saltè in peccato originali, ac sic de impiis accedentibus per justificationis gratiam ad Deum; & ratio est; quia acces-

fus ad Deum tanquam ad terminum ad quem, præsupponit necessariò tanquam terminum a quo, averfionem à Deo; undè cum Apostolus in illis verbis præsupponat averfionem à Deo, tanquam terminum à quo, & converfionem, seu accessum ad Deum, tanquam terminum ad quem; nullus enim ad Deum accedit, nisi ab eo averfus, evidenter loquitur de impio à Deo per peccatum averfo, & per justificationem (ad quam actuale fidem in adultis admittimus necessariam) ad Deum accedente; talis autem non est adultus ille, de quo in nostra propositione, utpote qui jam per Baptismi gratiam, tanquam filius adoptivus ad Deum accessit, & ipsi insertus sit.

Obijcies 2. Authoritatem Augustini, Enchirid. cap. 117. *Regnat carnalis cupiditas, ubi non est Dei charitas.* Conformer etiam loquitur lib. 9. de Trinit. cap. 7. Aut charitate, aut cupiditate. Atqui in illo adueto, non est Dei charitas, ergò regnat carnalis cupiditas.

Respondeo 1. Authoritatem illam S. Augustini non posse intelligi de charitate Dei actuali, quàm Deus super omnia amatur actu, & de actuali carnali cupiditate, quàm mundus amatur, sic ut velit, illum qui Deum actualiter non diligit, necessariò diligit mundum, & ea quæ in mundo sunt; quia alioqui approbaret evidenter & confirmaret propositionem 38. contra Bajum à tribus Pontificibus damnatam. *Omnis amor creatura rationalis, aut vitiosa est cupiditas, quàm mundus diligitur, quæ à Joanne prohibetur, aut laudabilis illa charitas, quæ per Spiritum Sanctum in corde diffusa, Deus amatur.* Quibus coherere plures alie contra eundem ab iisdem Pontificibus damnatæ: ut

16. *Non est vera legis obedientia, quæ sit sine charitate.*

25. *Omnia opera infidelium sunt peccata, & Philosophorum virtutes sunt vitia.*

34. *Omne quod agit peccator, vel servus peccati, peccatum est.*

40. *In omnibus suis actibus peccator servit dominantibus cupiditatibus &c.*

Si autem intelligatur de charitate habituali, nihil contra adultum illum, de quo nostra propositio loquitur, evincit, quia in illo est Dei charitas habitualis, quam infusam accepit per baptismum in infantia susceptum.

Respondeo 2. Augustinum illo loco per charitatem intelligere amorem boni conducentis ad vitam æternam consequendam, qui nobis in S. Scriptura, quæ fideles ad salutem dirigit, præcipitur, ut docet Augustinus lib. 3. de doctrina Christiana cap. 10. *Non præcipitur Scriptura nisi charitatem.* Qualis autem illa sit, declarat lib. 8. de Trinit. cap. 10. *Quid est dilectio vel charitas, quam tantoperè Scriptura laudat ac prædicat, nisi amor boni?* per carnalem autem cupiditatem intelligere ex opposito amorem non conducentis ad salutem, sicque verum est, ubi non est amor boni conducentis ad æternam salutem, est amor non conducentis ad salutem, omnis enim homo necessariò ponit agendo actus ad salutem conducentes, vel non conducentes ad salutem; omnis enim actus necessariò conducit, vel non conducit ad salutem.

Obijcies 3. Authoritatem S. Augustini de grat. & lib. arbitrio cap. 3. *Sed & illa ignorantia, quæ non est eorum, qui scire volunt, sed eorum, qui tanquam simpliciter nesciunt, neminem sic excusat, ut sempiterno igne non ardeat, si propterea*

non credidit, quia non audivit omninò quod crederet, sed fortassis, ut mitius ardeat. Et consequenter ad illud loquitur Epist. 105. ad Sixtum: Ipsa ignorantia in eis qui intelligere noluerunt, sine dubitatione peccatum est, in eis autem qui non potuerunt pena peccati: ergò in utrisque non est iusta excusatio, sed iusta damnatio. Ergò ignorantia in illo adulto, qui tanquam simpliciter nescit, non fit illum excusat, ut sempiterno igne non ardeat, si propterea non credidit, quia non audivit omninò quod crederet, & consequenter non est in eo iusta excusatio, sed iusta damnatio.

Respondeo: Augustinum in illis locis agere de infidelibus ignorantibus, & quidem etiam invincibiliter Deum; sed de nondum à peccato originali iustificatis per Baptismum aut contritionem perfectam cum Baptismi voto, qui licet ratione invincibilis suæ ignorantiae excusentur à peccato suæ infidelitatis; tamen per illam non iustificantur à peccato originali, in quo sunt & moriuntur, & ratione illius, non excusantur, ut sempiterno igne non ardeant, si propterea non crediderunt, quia non audiverunt omninò quod crederent; nec est in iis iusta excusatio ab originali peccato, sed iusta ob illud damnatio: & hæc genuina Augustini explicatio satis colligitur ex principio illius capituli de gratia & lib. arbit. Et ex eo quod ipse Augustinus explicans habet in tract. 89. in Joannem, ubi de illis ignorantibus invincibiliter defectu prædicationis, docet: *Illos ad quos Christus non venit, & quibus non est locutus, excusationem habere, non de omni suo peccato* (quia vel sunt adhuc in suo originali peccato, vel propria voluntate alia commiserunt) *sed de pec-*

cato illo, quo in Christum non crediderunt. Ex qua Augustini explicatione satis clarè patet adultum illum invincibiliter Deum ignorantem, excusationem habere ab eo peccato, quo in Deum actualiter non credidit; & cum aliunde de nullo alio peccato accusari possit, sive de originali, sive de actuali personali, utpotè ab illo in baptismo purgatus, & hoc non commisisse supponatur, necessariò de mente D. Augustini per illam ignorantiam invincibilem, sic excusatur, ut sempiterno igne non ardeat, si propterea non credidit, quia non audivit omninò quod crederet, in illoque sit iusta excusatio, & non iusta damnatio.

Obijciès 4. Autoritatem S. Bernardi serm. 35. in Cantic. circa finem: *Ecce sic maledicetur homo, qui ignorantiam Dei habere inventus fuerit. Dei dicam, an sui? utrumque sine dubio, utraque ignorantia damnabilis est, utraque sufficit ad perditionem. Vis scire quia ita est? sed de Dei minimè dubitas; si tamen constat tibi, non aliam vitam esse æternam, quam ut Patrem cognoscas Deum verum, & quem misit Jesum Christum: atqui ille adultus habet ignorantiam Dei ut supponitur, & hæc damnabilis est, hæc sufficit ad perditionem, & de hoc minimè dubitandum. Ergò &c.*

Respondeo: D. Bernardum illo serm. 35. non agere de ignorantia existentiae unius Dei, sed de ignorantia perfectionum ipsius Dei, præsupposita jam in anima fidei ipsius Dei; quod autem dicat, illam esse damnabilem, & sufficere ad perditionem, nihil nos urget; quia modum quo ignorantia illa fidelem jam animam deducat ad perditionem, satis clarè explicat serm. 38. ubi juxta promissum serm. 35. in fine) de Dei

illa ignoantia damnabili, & ad perditionem sufficiente agit, & se egisse, juxta promissum in fine expresse fatetur his verbis: *Promiseram me de duplici ignorantia utiliter disputaturum, si quo minus impleſſe videor, date veniam volenti;* illam enim ibidem docet parturire desperationem, ob præterita mala nulla & maxima, ob satisfactionis pro omnibus difficultatem, ob depravatam consuetudinem difficulter superabilem, & ex hac sequi impenitentiam, quæ sit delictum maximum, & blasphemia irremissibilis; sicque ob hos effectus ignorantiam illam damnabilem esse, & sufficere ad perditionem; cum autem hi effectus competere non possint ignorantix unius Dei existentis; quis enim desperet de misericordia illius, quem non cognoscit? quis ex desperatione accipiendæ misericordix; decernat in peccato finire vitam, qui peccata, & peccatis offensum ignorat? nullus certe; unde cum effectus ignorantix, quas ibidem enumerat Bernardus, non ignorantix invincibili unius Dei existentis, sed ignorantix perfectionum Dei, quem jam cognoscit existere, competant ac conveniant, de hac, non de illa locus satis colligitur. Mens igitur Bernardi est ostendere, quanta mala anima fidelis & Deum cognoscens existere, patiatur, & in quam gravia peccata, incurrere possit ex imperfecta perfectionum Dei cognitione, & sui, ut vel obiter legenti patebit. Unde magis ad rem

Objicies 5. aliam S. Bernardi auctoritatem ex lib. de dilig. Deo cap. 2. *In-*

excusabilis est omnis, etiam Infidelis, si non diligit Dominum Deum suum toto corde, tota animâ, totâ virtute suâ; clamat nempe intus ei innata, & non ignota rationi iustitia, quia ex toto se illum diligere debeat, cui se totum debere non ignorat: atqui ille adultus non diligit Dominum Deum suum toto corde, totâ animâ, totâ virtute suâ, utpotè illum non cognoscens; ergo juxta mentem S. Bernardi inexcusabilis est.

Respondeo: S. Bernardum illo loco agere de positivè infideli, qui proposuit aliquo modo sibi Dei existentiam, per naturalem cognitionem, illum existentem cognoscere, si velit ulterius inquirere, facile potest, & negligit, id enim satis insinuat per illa verba, *cui se totum debere non ignorat:* de tali autem nos non loquimur, sed de negativè infideli, sive in quo nunquam existentix Divinx aliquæ species fuerunt excitatæ, sed meram habet carentiam advertentix & reflectionis ad Dei unius existentiam, qualis quandoque, etiam in fidelibus pro aliquo tempore reperitur; cujus rationi, cum sit ignota iustitia, & cum illi se totum debere ignoret, quem invincibiliter ignorat, necessariò excusabilis est, nisi supradictæ contra Bajum & Jansenium propositiones, à variis Pontificibus proscriptæ & damnatæ revocantur, & à Pontificio fulmine vindicentur ac sanentur, quod iustidimus.



§. VIII.

Vindicatur Propositio secunda pro prima parte.

Secunda Propositio, quantum expiscari nobis licuit, est hæc P. Sebastiani Thesi 14. *Lex humana positivæ, nisi Divinam aut naturalem interpretetur, ad actus internos obligare non potest, etiam in directè.*

Hæc Propositio quoad illam partem, quod lex humana non possit obligare directè ad actus internos, suppositè defensæ est Lovanii in publica Facultatis Theologicæ schola, quam Hallas vocant, & toties à Doctoribus & Theo-

logis Lovaniensibus, tum in disputationibus publicis, tum in editis libris asserta, ut folium integrum, imò libellum facile impleturi essemus, si singulas Theses in Hallis defensas, & librorum auctoritates colligere ac describere vellemus; & nesciamus an pauci probati Authores in contrarium allegari possent; unde nobis persuadere non potuimus, censuras illas tam graves, ex judicio illorum Theologorum in primam partem hujus Propositionis cadere; unde parcentes chartæ & calamo ad secundam partem transimus.

§. IX.

Vindicatur 2. pars 2. Propositionis Magistrorum ac Sacre Theologiæ Professorum auctoritate.

PRO 2. hac parte, faciunt sequentes Theses, quæ generaliter loquuntur, in publicis Scholis Lovaniensibus defensæ & proposiæ.

Primò: Lovanii 1647. 2. Junii sub Eximio Domino van Werm. *Lex humanatam civilis, quam Ecclesiastica, . . . actus merè internos non præcipi, sed nec precipere potest.*

2. Lovanii 1647. 30. Januarii sub Eximio Domino [A] credimus ab Angelis: *Hæc præcepta Decalogi Auctoritate Divina ponuntur actibus internis. Controvertitur, an eo etiam se extendere*

possit potestas Ecclesiæ legislativa; parti negativæ adharemus.

3. Lovanii 1661. 12. Decembris sub Eximio Domino van Werm. *Ad actus verò purè internos, Ecclesiæ potestas non extenditur.*

4. Lovanii 1665. 27. Augusti sub Eximio Domino Sinnichio: *Potest lex humana precipere actus externos; non verò etiam actus merè internos.*

Hæ autem propositiones, cum generaliter loquantur, nec distinguant inter precipere directè, & indirectè, nec inter legem ut directricem politæ Ecclesiasticæ, aut civilis, & ut interpretatri-

cem legis Divinæ aut naturalis, multo magis restringunt potestatem legislativam Ecclesiasticam & civilem, quàm nostræ propositionis pars secunda, quæ casum interpretationis Legis Divinæ aut naturalis excipit.

His meritiò addendæ Theses sequentes: quæ ad actum internum legem humanam non obligare supponunt.

Anno 1659. 14. Januarii approbavit, publicèque præfedit Eximius Dominus Sinnichius huic Thesi: *Non est necessarium, ut quis præcisè satisfaciat præcepto Ecclesiæ, ut habeat internam aliquam devotionem; cum Ecclesiæ actum merè internum præcipere nequeat; imò neque actum internum, quatenus hic necessarius est, ut actus externus quem præcipit, habeat rationem vere virtutis, sed solum quatenus est absolute necessarius, ut actus externus in actu physico, liberè, & humano modo ponatur; undè qui toto tempore Sacri, voluntarie est distractus, modo sufficienter sibi præsens sit, ut Sacro cum externa reverentia debite assistat, huic præcepto satisfaciat.*

Anno Domini 1664. 17. Januarii, Eximius Dominus Pontanus publicè patrocinator est huic Thesi: *Omnes Christi fideles, qui ad annos discretionis pervenerunt, obligantur Ecclesiastico præcepto; iuxta caput omnis utriusque sexus, ad minus semel in anno hoc Sacramentum sumere, idque in Paschate: cui præcepto etiam satisfaciunt, qui indignè cum sacrilegio mortali communicant.*

Anno 1634. 18. Maii hæc defensio est: *Impletur probabiliter hoc præceptum per communionem indignam.*

Anno 1640. 1. Februarii Eximius Dominus Jacobus Pontanus defensioni hujus Theosæ præfuit & patrocinator est: *Præter hæc duo sola Eucharistia iure*

Divino præcepta est ratione sui: Eucharistia & poenitentia in super Ecclesiastico, cuius sit per communionem sacrilegam, similemque confessionem; si talis valida detur. Qui prævidet se à communione Paschali aut confessione in fine anni impediendum, eum non teneri putamus, vel à communione Paschali liberamus.

Item & aliæ Theses, tum Lovanii, tum alibi à Sacræ Theologiæ Professoribus defensæ.

Primo Lovanii 1656. 23. Aprilis sub P. Francisco Bonæ Spei: *Lex civilis neque ad actus purè internos, aut æquivalenter internos, ut politia externa reëtrix extenditur.*

2. Lovanii 1659. mense Maii sub P. Benedicto à Matre Dei: *Lex civilis ad actus purè internos, nequidem indirectè obligat, quia politia externa reëtrix.*

3. Lovanii 1664. 2. Octobris: *Neque Lex civilis ad actus purè internos, ut politia externa civilis reëtrix extenditur.*

4. Lovanii 1668. 11. Aprilis Thesi 19. eadem penè verba.

5. Lovanii 1670. 14. Aprilis sub P. Jacobo à S. Antonio: *Lex civilis, ut reëtrix, dictos actus (nempe merè internos) etiam indirectè præcipere non potest.*

6. Lovanii 1662. 6. Novembris sub P. Edmundo ab Angelis: *Probabiliter lex civilis non extenditur ad actus internos, etiam indirectè.*

7. Antverpiæ 1658. 14. Maii sub P. Ildephonso à S. Philippo: *Lex Ecclesiastica & civilis, ut reëtrix politia sibi propria, nec una, nec altera, ad actus merè internos obligare potest.*

8. Brugis 1676. 23. Martii sub P. Patritio à S. Georgio: *Ecclesiastica ut reëtrix, non magis quàm civilis sic sumpta obligare potest ad ponendos vel omittendos actus internos, etiam indirectè.*

9. Alo-

9. Alosti 1671. 8. Aprilis sub P. Alexandro à S. Terelia: *materia legis humanae sunt humanae actiones, quae cum sunt per se interna & occulta, nec per effectum externum manifestata, nequidem*

indirectè legi civili aut Ecclesiastica sunt subiecta. Si illa consideretur ut politia civilis, & hac, ut exterius communis Ecclesiastica gubernativa.

§. X.

Vindicatur 2. pars authoritate Scriptorum.

A Bundant etiam pro hac parte nostrae Propositionis Eximii & doctissimi Scriptores Theologi, hos proferamus. Primò: Eximius Dominus Wiggers S. Theologiae Doctor Lovanientis de Legibus quæst. 96. à. 3. n. 7. De lege civili, hoc imprimis pro indubitato ab omnibus teneretur, quod non possit illa sese ad actus internos extendere; quia immediatus & proprius eius finis in tranquillum & pace externa consistit, quæ ab exterioribus pendet, non ab internis. De lege autem Ecclesiastica n. 9. sic resoluit: *Negativa sententia* (quod scilicet non possit obligare ad actus internos), *est communis. Ita tenet D. Thom. supra q. 91. art. 4. ubi, expressè docet, non posse homines ferre legem de interioribus moribus, qui latent, sed tantum de exterioribus qui apparent. Ita docent Sylvest. verbo excommunicatio, Angelus verbo Hæreticus, Driedo lib. 3. de libertate Christiana cap. 5. Navarrus in cap. cogitationis de penitentia disp. 1. Malderus hic ad art. 3. dub. 2. cum multis aliis quos citat. Conclusio autem probationis ipsius est hæc: Ergo per consequens, non poteris humana potestas qualicumque de talibus (nempe actibus merè internis) ferre leges.*

2. Illustrissimus D. Malderus Episcopus Antverpiensis ac Doctor Lovanientis de legibus q. 46. art. 3. dub. 2. *Est hac communis sententia probabilior; verisimile est enim Deum & Christum, qui solus novit cogitationes cordium, solum etiam iudicare & præcipere posse actus merè internos, adeo ut illi ex genere suo sint exempti a tribunali humano, etiam Ecclesiastico. Hanc sententiam non solum tenent Thomistæ sed omnino videtur communior Doctorum, Paludani in 4. dist. 17. q. 2. Alphonfi à Castro lib. 2. de iusta hæreticorum punitione cap. 18. & aliorum, quos videre licet apud Suarez tom. 5. in 3. partem disp. 4. sect. 2. qui etiam idem tenet.*

3. Caspensis tract. de legibus disp. 3. sect. 7. n. 74. *Certum est primò legem tam Canonicam, quam civilem non posse versari circa actus merè internos.*

4. P. Joannes Baptista de Lezana, Romæ de licentia Magistri S. Palatii impressus, tract. 61. de legibus disp. 7. q. 6. *Dico 9, Actus isti humani, quos præcipere vel prohibere potest lex humana, non sunt merè interni, sed solum externi, dea Aversa, Pasqualigus, Salas, &c.*

5. D. Thom. 1. 2. q. 91. art. 4. *De his potest homo legem facere, de quibus potest iudicare; iudicium autem hominis est*
F se non

se non potest de interioribus motibus, qui latent, sed solum de exterioribus actibus, qui apparent.

6. P. Stephanus à S. Paulo de legibus tract. 2. disp. 3. dub. 5. Dico 2. *Lex humana, siue civilis siue Ecclesiastica, nequidem indirectè præcipere potest ullum actum merè internum.*

7. P. Diana p. 9. tract. 8. in coordinato autem tom. 6. tract. 3. resol. 2. Licet ego prorsus sustineam contra *Meren-*dam cum *Arasio*, legem Ecclesiasticam non posse per se præcipere, vel prohibere actus merè internos. Ubi citat 28. Auctores hanc sententiam defendentes.

8. Castro-Palao de legibus tract. 3. disp. 1. puncto 6. n. 2. Dicendum est; non posse civilem aut canonicam legem circa actus merè internos versari.

9. P. Franciscus Bonæ Spei tract. de leg. disp. 6. dub. 1. resol. 2. n. 39. Petes, an lex Ecclesiastica ab Ecclesia ut rectrice externa politia Ecclesiastica emanans, indirectè saltem possit actus internos præcipere, aut prohibere? Respondeo, negativè: quia id nihil iuvat ad quietem & pacificam politia Ecclesiastica (qua in externis consistit) administrationem. Conformeriter resolverat disp. 5. dub. 1. resol. 2. n. 18. de lege civili.

Quia autem, ubi communiter, imò universaliter Auctores docent, legem humanam posse indirectè præcipere actus internos, facile ostendere possumus, legem humanam tunc procedere, ut interpretatricem Legis Divinæ aut naturalis, & non ut rectricem politia externæ Ecclesiasticæ aut civilis, non immeritò in nostrum favorem citare possumus eos, qui docent legem humanam non posse directè præcipere actus merè internos; tales autem sunt, præ-

ter statim citatos, qui generaliter loquuntur, plurimi.

1. P. Iræncus à S. Jacobo de leg. tract. 2. disp. 3. 6. 9. *Nulla lex humana potest per se directè & immediatè præcipere actus purè internos.*

2. Stephanus à S. Paulo de leg. tract. 2. disp. 3. dub. 5. Dico cum communi ferè omnium, *lex humana, siue Ecclesiastica, siue civilis, non potest directè præcipere actus merè internos.*

3. P. Augustinus à V. Maria de leg. disp. 4. q. 6. resol. 1. Dico 1. *nulla lex humana, vel præceptum humanum, potest directè præcipere vel prohibere actum purè internum.*

4. Joannes Martinez de Prado cap. 3. de leg. q. 4. §. 1. Dico 1. *nulla lex humana, etiam Pontificis Summi, potest directè præcipere vel prohibere actus omninò internos.*

5. P. Gabriël à S. Vincentio in 1. 2. disp. 24. de leg. dub. 2. *Nulla lex humana, neque civilis, neque Ecclesiastica, potest directè, primo, & per se præcipere actus internos.*

6. Illustissimus P. Herinx de leg. disp. 3. q. 8. Dico, *Ecclesia non potest præcipere, vel prohibere directè actus merè internos.* Ubi pro sua sententia citat Tridentinum sess. 24. cap. 1. de reformationi iubi, qua (Ecclesia) de occultis non iudicat.

7. Mastrius disp. 2. de legibus q. 4. art. 2. n. 94. *Secundo dicendum est, de facto legem, tam Canonicam, quam Civilem circa actus merè internos versari non posse.*

8. P. Platel. de leg. cap. 3. n. 88. *Lex humana non potest directè præcipere vel prohibere actus merè internos.*

9. Alloza in Alphabeto morali verbo *Lex*

bolex n. 23. *Lex civilis non potest directè prohibere actum interiorem, nec ullum punire.*

10. Manigrat. in praxi pastorali p. 2. cap. 9. de leg. ad hanc quæstionem tertiam: *Possuntne leges Ecclesiastica præcipere aut prohibere actus internos? Respondu non directè, sed indirectè.*

11. P. Berulie de lege humana: *sed*

quaritur, an interni absque ordine ad externos possint præcipi? Resp. negativè; quia leges humana non sunt, nisi potestate fori externi, & quæ respicit bonum commune modo humano comparabile.

Tædet nos ulterius in re tam recepta & communi Auctores inspicere & coercere; nullum enim hætenus aperuimus, qui non faveret, unde transimus.

J. XI.

Vindicatur 2. propositio ratione.

HUjus Propositionis nostræ fundamentales rationes suppetunt quamplurimæ, quas Censores nostri dignabuntur legere passim apud Auctores, etiam Eximios Doctores Lovanienses; addemus unicam, quæ cunctas dispellat Censorum nostrorum tenebras, & præjudicium, quod Ecclesiasticæ & civili legislativæ potestati inferri prætenditur per nostram propositionem, penitus auferat.

Lex, sive Ecclesiastica, sive civilis, ut externæ politicæ rector, cum per se ordinetur ad pacificam & tranquillam externorum consensum & unionem, ad quam impertinentes sunt, & nullo modo spectare possunt actus interni, omninò potestas legislativa ad similes actus obligandi, videtur inutilis & superflua, maximè si illam ut interpretatricem legis Divinæ aut naturalis agentem, & præcipientem ad similes actus internos obligare posse defendatur, non solum indirectè, sed etiam directè, uti nos defendimus: sic enim plus admittimus & concedimus potestati le-

gislativæ humanæ, quàm illi, qui generaliter docent, illam non extendi, nec posse extendi ad actus merè internos, quos suprà magno numero citavimus; vel illi, qui docent illam quidem posse indirectè illos præcipere, at nullo modo directè, qui penè sunt sine numero: contra primos enim illam extendimus ad actus merè internos; & contra secundos, etiam potestatem directam ad actus illos extendimus; unde absurda, quæ sibi Censores nostri ex nostra Propositione in præjudicium legislativæ potestatis Ecclesiasticæ sequi, falsò imaginantur, omninò evitantur per nostram sententiam, circa lectionem Horarum, confessionem annuam, Communionem, auditionem Missæ &c. contendimus enim similibus præceptis Ecclesiasticis minimè satisfieri actibus merè externis, quod tamen plures Doctores Lovanienses (ut suprà ostendimus) defenderunt non ita pridem; cum in illis procedat ut interpretatrix legis Divinæ aut naturalis, interpretatur enim & determinat præceptum cultus Divini naturale, circa tempus &

matariam indeterminatam, interpre-
tando & determinando illi satisfacien-
dum per recitationem Officii Canonici
singulis diebus, per confessionem,

& Communionem annuam, per audi-
tionem Missæ Dominicis & festivis
diebus &c. Nos interim pergamus ad
tertiam.

§. XII.

Vindicatur 3. Propositio autoritate Sacre Theologiæ Professorum.

EA continetur Assertionē 15.
Theos P. Marci, & est hæc:
*Lex civilis, nisi id exprimat sub
culpa, non ligat.*

Illam autem præteritis tempo-
ribus sine ulla offensione publicis The-
sibus proposita & defensa fuit tempo-
ribus & locis sequentibus.

Primò: Lovanii 1656. 29. Aprilis
sub P. Francisco Bonæ Spei: *Lex civilis,
neque ad culpam, nisi exprimat, ut potest,
vincit, tamen si capitis pœnam taxet.*

2. Lovanii 1659. Mense Maii sub P. Be-
nedicto à Matre Dei: *Ad culpam nisi
exprimat, ut potest, non obligat lex ci-
vili.*

3. Lovanii 1653. 30. Junii sub Patre
Francisco Bonæ Spei: *Lex civilis ta-
men si pœnam capitis taxet, ut reſtrix, &c.
ad culpam, nisi exprimat, non vincit.*

4. Lovanii 1654. 2. Octobris: *Lex
civilis, neque sub culpa, licet possit, nisi ex-
primat, ut potest, vincit, tamen si pœnam
capitis taxet. Idem*

5. Lovanii 1670. 14. Aprilis sub P.
Jacobò à S. Antonio: *Lex civilis ut re-
ſtrix politiæ civilis, sub culpa quidem po-
test, sed nisi id exprimat, tamen si capitis
pœnam taxet, & sit participatio legis Di-
vinæ, sub culpa non vincit.*

6. Mechliniæ 1659. 10. Maii dedi-
cata Illustrissimo ac Reverendissimo

Domino Archiepiscopo Mechlinienſi,
sub Patre Francisco Bonæ Spei in Co-
mitibus Provincialibus: *Lex civilis, ne-
que ad culpam, nisi exprimat, ut potest,
vincit, tamen si capitis pœnam taxet.*

7. Antverpiæ 1658. 14. Maii sub
P. Ildephonſo à S. Philippo: *Lex ci-
vili, ut reſtrix politiæ sibi propriæ ad a-
ctus externos potest obligare, in sola con-
ſcientia, sub peccato mortali, vel veniali,
etiam ubi materia gravis, prout Legis-
lator expreſſerit.*

8. Brugis 1676. 23. Martii sub P.
Patritio à S. Georgio: *Hæc ipſo quod
materia vel pœna sit gravis, etiam capitis,
non obligat sub mortali, nisi aliunde conſtet
clarius.*

Possumus & in favorem nostrum
citare omnes, qui legum civilium obli-
gationem sic dependentem ac determi-
nandam ab intentione Legislatoris
consent, ut non obstante quod sit mate-
ria gravis, possit transgressio per in-
tentionem & voluntatem illius esse le-
vis: Si enim intentio Legislatoris, non
obstante gravitate materiæ, possit effi-
cere, ut transgressio tantum sit levis,
quidni illa efficere posset, ut esset obli-
gatio in conscientia tantum, aut obli-
gatio ad pœnam tantum, aut ad culpam
civilem? probati autem Authores ex-
stant, qui obligationem in conscientia
disting-

distinguunt ab obligatione sub culpa; hoc autem suppositò cum sine expresse intentionis Legislatoris, maneat dubium & obscurum, quam obligationem intendat Legislator subditis imponere; in dubiis autem & obscuris, quod minimum est, sequamur, contempnimus leges civiles non obligare sub culpa, sed in conscientia tantum, nisi aliter exprimat; sicuti juxta illos in dubio intentionis Legislatoris obligant sub veniali tantum, etsi materia sit gravis: ii autem, qui obligationem ita dependentem faciunt ab intentione legislatoris, sunt plurimi, etiam Doctores Lovanenses, qui id publice in Hallis propugnârunt.

Primò: Eximius Dominus Sippinius 1665. 27. Augusti: *In materia gra-*

vi violatio legis humana, ex intentione legislatoris, quandoque mortalis est, quandoque venialis.

2. Eximius D. Fromundus 1647. 7. Maii: *Qui legislator in materia gravi potest obligare sub culpa levi,*

3. Eximius P. Thomas Leonardi 1666.

23. Martii: *Ilac uem est duplex Ecclesiastica & civilis, obligatque in conscientia. . . & quidem, si materia sit gravis sub culpa gravi vel levi, prout voluerit legislator.*

4. Eximius Dominus van Werm

1665. 5. Martii: *Pro materia varietate & voluntate legislatoris, quandoque sub mortali (si materia gravis sit) quandoque tantum sub veniali, si levis sit, vel si gravis quidem sit materia legis, legislator tantum intendat leviter obligare.*

§. XIII.

Vindicatur 3. Propositio Scriptorum autoritate.

Dedimus S. Theol. Eximios & Doctissimos Professores, qui propositionem nostram in terminis publicè proposuerunt ac defenderunt, & qui fauerunt, demus & probatos Auctores, qui editis libris illam evulgarunt in terminis, qui illi evidenter fauent, quique plura docuerunt.

Primò: Pater Augustinus à Virgine Maria de legib. disp. 4. q. 1. resol. 4. *Dico 4. nisi exprimat in lege humana, intentio in conscientia obligandi censi non debet obligare in conscientia, ad actum de quo primum disponit.*

2. P. Iræneus à S. Jacobo de leg. sect.

3. §. 13. *Potest legislator temperare suam intentionem, atque in materia gravi, nullatenus onerare conscientiam, aut solum sub veniali precipere.*

Ibidem. *Requiritur 2. intentio obligandi in conscientia, certa ac proportionata materia gravitas, & expressio intentionis in conscientia obligandi, ut lex obliget in conscientia. Unde infra etiam docet, non sufficere ad obligationem in conscientia, intentionem & materia gravitatem sine expressione intentionis.*

3. P. Thomas Huitado tom. 2. resol. moral. tract. 8. cap. 1. resol. 9183. *His adijunge, va de probabile esse, & tutum in praxi, quod lex pœnalis pura aut mixta,*

non obligat, nisi expresse id declarat legislator. Sic tenent Villalobos, Navarrus, Gomez, Joannes, Andreas &c.

4. P. Franciscus Bonæ Spei de leg. disp. 5. dub. 3. resol. 2. Si lex civilis non exprimatur intentionem legislatoris, circa obligationem sub peccato, & poenam (etsi gravem, v.g. capitis) pro transgressoribus taxet, siue materia sit gravis, siue levis, ut relictæ politiæ civilis, ad solam poenam obligat.

5. P. Arriaga de leg. disp. 16. sect. 3. n. 26. Non est necesse, ut omnis lex aut præceptum inducat obligationem, quæ ad mortale aut veniale sufficiat, id quod ex ipsius legislatoris voluntate provenit.

Nobis etiam evidentiter favent omnes, qui docent quantitatem obligationis legis civilis, dependere ab intentione & voluntate legislatoris; cuius oppositum non ita pridem docere cœperunt quidam Lovanienses; illi autem plures sunt.

Primò: Eminentiſſimus Toletus summa casuum lib. 8. cap. 19. n. 3. Quando Superior intendit obligare ad mortale, tunc obligat, quando autem intendit non obligare, non obligat.

2. Pater Stephanus à Sancto Paulo de leg. disp. 3. dub. 3. n. 18. Dicitur 1. licet in lege civili, poena, etiam gravis taxetur, & ipsa etiam materia sit gravis, non ideo statim iudicandum est legem obligare sub mortali.

3. Valentia disp. 7. q. 5. de lege humana p. 6. fol. 960. Et quidem quod ad legislatores seculares attinet, minus videtur de probabilitate huius sententiæ dubitandum; cum illi, ut Navarrus etiam notat, raro intendunt obligare in conscientia, itaque cum aliud non explicant, videntur agere solum de poena temporali.

4. P. Caspensis de leg. disp. 3. sect. 4. n. 43. Ubi non constat de mente legislatoris, debemus in meliorem partem legis interpretari, ut solum obligent ad poenam: ergo interim dum non intendit expresse obligare, non obligat, nisi ad poenam.

Et infra: Legislator, qui ad poenam temporalem potest obligare, & etiam ad æternam, si tantum meminit solius temporalis, non videtur intendisse obligare ad æternam. Et subdit n. 46. Unde ut docuit Maldernus 2. 2. tract. 5. cap. 65. dub. 15. Fraudantes vestigalia, non sunt urgendi à Confessariis ad restitutionem, & possunt licite absolvi, quia sequuntur opinionem probabilem; citi tamen in hoc puncto nos minime assentimur.

5. Donatus Laynensis in praxi Regul. tract. 1. de legib. n. 1. fol. 29. Si intentio Superioris fuerit, se velle obligare subditos ad culpam, vel ad poenam tantum, & ita expresse, & planè declaraverit, omnino standum est a huius voluntati, & secus dicere, est mentiri; quia actus agentium non excedunt intentionem earundem, & obligatio, ut dictum est, intrinsecè pendet à voluntate & intentione legem ferentis.

6. Navarrus in Manuali cap. 23. Probabilius nobis videtur, leges humanas, etiam precipientes (præsertim seculares, quæ poenam temporariam constituunt) in dubio, ad æternam non obligare, quatenus sunt leges eius, qui eam poenam statuit, quia in dubio iudicare debemus, legem esse minus poenalem cap. in poenis de regulis juris lib. 6. & lege si præses, & lege de interpretatione ff. de poenis, cum quia, qui de duobus propositis, alterum affirmat, alterum negare videtur. . . . tum quia consuetudo antiqua ita videtur interpretata. Hanc sententiam lib. 1. consil. 3. consil. de constitutione affirmat certò.

7. P. Ja-

7. P. Jacobus Platelius p. 2. cap. 3. n. 32. *Quare non solum est in potestate legislatoris, legem ponere, vel non ponere, sed etiam ei quantitatem obligationis determinare intra capacitatem materia, cum enim lex vim obligandi proximè accipiat à voluntate legislatoris, ab eadem proximè accipere debet determinationem ad obligationem gravem vel levem.*

8. Marcus Vidal. de voluntatis actibus inquisitione i. n. 8. *Lex non obligat nisi legislator voluerit obligare, cum leges vim habeant ex ipsius legislatoris voluntate, volentis aut nolentis obligare.*

Non lubet nominatim & particulariter auctoritates omnium, qui in hac parte à nobis stant, recensere; sed ut mensura sit plena & coagitata, turmatim adjicimus, quos suprà citat Caspensis. Reginaldum in praxi tom. 1. lib. 15. cap. 6. sect. 5. n. 50. Mirandum in Manuali tom. 2. q. 25. art. 18. Fillucium tom. 2. tract. 21. cap. 11. n. 420. Azorium 1. p. cap. 6. q. 4. Villalobos in summa tom. 1. tract. 2. dub. 22. Gomez in cap. 2. n. 7. de consuet. in 6. & Joannem Andream in caput relatum de Ecclesiis non residentibus.

Nobis etiam non parum suffragantur, qui leges pœnales & mixtas, docent non obligare sub culpa, sed sub pœna tantum, eò quod de voluntate legislatoris obligandi sub culpa non constet, & ad legis subsistentiam sufficiat obligatio sub pœna vel etiam in sola conscientia. Tales sunt.

Primò: Illustrissimus ac Reverendissimus M. Tapia Archiepiscopus Hispalensis in catena morali lib. 4. de legib. q. 10. art. 4. n. 1. & 2. *Itaque omnes hi (nempe Navarrus, Jasson, Gomez, Valentia & Azor) indicant probabile esse in praxi, non solum leges purè pœnales,*

verum etiam pœnales mixtas ex præcepto & pœna, qua iubent hoc vel illud fieri, imponentes pœnam transgressoribus, non obligare ad culpam, sed ad solam pœnam, nisi certo constet, velle legislatorem obligare ad culpam. Tum illorum rationibus subjunctis, sic concludit: *Propter tantorum Doctorum auctoritatem, & tot rationum robur, hanc sententiam censet valde probabilem in praxi Villalobos, & ego etiam non possum non fateri, esse probabilem & in praxi securam.*

2. Matthæus de Moya in selectis quaestionibus tract. 6. disp. 4. q. 3. n. 33. de illa Navarri sententia dicit: *Contentendo tamen hanc esse probabilem.* Et n. 26. citat Dianam docentem: *Dicendum est igitur, esse opinionem probabilem illam, qua asserti, omnem legem pœnalem, sive puram, sive mixtam, non obligare in conscientia.*

3. Machado tom. 1. lib. 3. p. 4. tract. 3. documento 7. citans Covaruviam, Menchacam, Reginaldum & alios, sic dicit: *Navarro y otros muchos. Theologos, y Juristas defenden absolutamente, que las leyes penales, como quiera que sean, en ninguna manera obligan en conciencia à peccado, si no solamente à la pena, que en ellas dispone el legislador, sino expressa contrario.*

4. Joannes Ferus, agens de Ecclesiæ præceptis, sic ait: *Christianus homo, etiam ab omni lege positiva humana, liber est, non quod eas pedibus conculcare possit, sed quod non ligant conscientiam.*

Multò amplius quàm nos docuere alii, qui omnem potestatem legislatori civili obligandi in conscientia denegaverunt, quorum tamen nonnulli, etiam in Hispania, ubi viget & floret Sacra Inquisitio, scribentes, censuram evaserunt.

Primò:

Primò: Machado tom. 1. lib. 3. documento 6. fol. 544. sic scribit: *Gerson, Cayetano y otros defienden, que las leyes civiles non obligan por sí à pecado, ni tienen fuerza en el fuero interior, si no es quando declaran alguna ley Divina: por que las leyes civiles, y humanas no pueden obligar à pecado, ni culpa en el fuero interior: ni parece possible, que el legislador humano tenga potestad para poner por pena de su ley à los transgressores della, la eterna del infierno.*

2. Philippus de la Cruz in practica de decimis §. 2. n. 5. fol. 41. *y aunque es verdad, que ay hombres doctos, que si euan. la opinion contraria, queriendo dar potencia al seglar para que assi obligue; yo no assiento à ello. Et infra: Las leyes de los Principes non obligan à culpa, y essa potestad hasta agora, no se la ha dado la Iglesia, ni se ha visto, que quando hazendo las tales leyes, digan, mandamos esto pena de obediencia, o de pecado mortal &c.*

3. Gerson lib. de vita spirituali animæ lect. 4. corrol. 5. laro probat legem civilem non posse obligare sub culpa.

4. Tapia in jure Regni Neapolitani lib. 1. tit. de legibus §. *observentur* n. 8. quibus Moya suprà citatus addit Almainum de potestate Ecclesiastica q. 1. cap. 10. & refert illis favere Machado, dum referens eorum opinionem, eam non refutat.

5. Joannes Ferus ubi suprà: *Christianus adeò liber est, ut solius Dei servus sit, Et nullus homo eius conscientiam ligare possit, aut potestatem habeat supra conscientiam; nam super externum hominem potestatem habent Superiores.*

Etiã de lege Ecclesiastica, quosdam antiquiores citat Caramuel in suo Apologemate ep. 4. n. 273. ut Bernardum lib. de præcepto ad Carnotenses, Martinum Cromerum, quibus addendos dicit Richardum, Angelum, Gordonium, &c.

Attamen nec his, nec illis adstipulamur, non tantum potestatem illam legislatoribus humanis concedentes, sed etiam majorem, quam plerique Auctores illis concedunt, ut clariùs patebit ex sequenti §.

§. XIV.

Vindicatur 3. Propositio ratione.

PRemissis omnibus. illis magni nominis & doctrinæ Theologorum & Juristarum auctoritatibus, quas non videntur considerare, vel potius non curasse Censores nostri, lubet doctrinam nostram, quam de legislativa potestate civili hæcenus proposuimus & defendimus, toti mundo elucidè exponere.

Primò: potestatem legislativam in Superiores, non tantum Ecclesiasticos, sed & civiles, à legislativa potestate Divina, derivatam propugnantis.

2. Illam posse Subditos obligare in conscientia, sub pœna, & sub culpa tam mortali, quam veniali.

3. Circa obligationem ad actus merè internos, ubi exteri Theologi communiter

niter

niter adhibent hanc distinctionem, quod possit indirectè similes actus præcipere vel prohibere, non autem directè; cum ex una parte obscurum sit, quid sit indirectè præcipere, nec ab Authoribus conformiter explicetur; & ex altera parte actus illi per se non ordinantur ad politiam civilem externam, nihilque juvet illam, ut rectricem posse illos indirectè præcipere; nos aliâ distinctione utimur, quâ clarè plus tribuimus potestati legislativæ civili, quàm cæteri, consideramus enim legislativam potestatem civilem, semel ut rectricem politix civilis, quæ in consensu & unione externorum consistit, & quatenus hanc dirigit & leges fert ad illius conservationem ordinatas, non posse actus merè internos præcipere sustinemus, in quo non magis censurandos nos existimamus, quàm eos, qui docent, quod directè non possit illos præcipere: & semel ut interpretatricem legis Divinæ aut naturalis, ex se quoad materiam vel modum, vel tempus indeterminatam, determinando ad talem materiam, modum, vel tempus, & quatenus sic procedit, non tantum concedimus, posse actus internos præcipere vel prohibere indirectè, sed etiam directè, quo illi concedimus, quod communiter negatur ab Authoribus.

4. Circa obligationem lege civili Subditis impositam, inhærentes datæ distinctioni, docemus, illam ut interpretatricem legis Divinæ aut naturalis, obligare proportionaliter ad obligationem legis, quam interpretatur, sic ut si hæc sub culpa gravi vel levi stringat conscientias, ita & illa, ut verò directricem politix civilis externæ, non obligare sub culpa (quod tamen potest,) nisi exprimat, fundamentum nostrum est.

Primum: quia eum legislatori ut rectori politix civilis externæ per se non competat, judicare de obligatione interna sub peccato mortali vel veniali, sed tantum de externa, sub pœna temporali vel pecuniaria, præsumendum non est, illum velle sub culpa (quamvis possit) subditos obligare, quamdiu illud per legem non exprimit; cum enim sine hac expressione, maneat dubia & obscura intentio & voluntas Legislatoris, & juxta regulam juris, in dubiis vel obscuris quod minimum est, sequamur, ubi non exprimit obligationem sub culpa, obligationem tantum in conscientia admittimus, hoc enim *signum est* (inquit Miranda in Manuali Prælatorum tom. 2. q. 25. de legib. art. 14. conclus. 2.) *consuetudine ipsa ipsas leges interpretante, quod per eas homines non obligentur ad culpam.*

Secundum: quia lex civilis, etiam in materia gravi, ubi accedit intentio legislatoris sub veniali obligandi, leviter & sub veniali tantum obligat, ut est communis sententia, sæpe etiam à Doctoribus Lovaniensibus propugnata & stabilita, ut patet ex dictis suprâ §. 12. ergo etiam lex civilis, quamvis in materia gravi, ubi accedit intentio legislatoris sub conscientia, vel sub pœna tantum obligat; de hac autem intentione prudenter præsumitur, quoties legislator suam intentionem obligandi sub culpa, potest exprimere, & non exprimit; signa enim, ex quibus nonnulli volunt haurire certitudinem obligationis sub culpa, à multis incerta & dubia habentur: sit enim imprimis materia lege præcepta vel prohibita gravis; cum hæc materia possit præcipi vel prohiberi leviter, vel sub pœna, vel in conscientia tantum, nullam ex ea certitudinem

habere possumus obligationis sub culpa prout ex ea certitudinem habere non possumus obligationis sub mortali culpa.

Scimus quidem, non ita pridem Lovanii nonnullos docuisse in Theſibus publicis, & disputationibus, legiſlatorem in materia gravi, neceſſariò graviter obligare, nec poſſe leviter; aſt ſci- mus etiam, eos, authoritate Pontificum, Regulas & Conſtitutiones PP. Dominicanorum, Societatis, & Carmelitarum approbantium ad tales anguſtias publicè redactos, ut illis, ſine fundamento ullo, negandum fuerit, Regulas & Conſtitutiones illas, eſſe veras leges, vel aſſirmandum Pontifices, ut tales illas approbando, erraſſe.

Quin & moribus ipſis Lovaniensibus & cæteri apertè contradicunt: Lex eſt, vel ſtatutum Univerſitatis Lovaniensis, quâ, vel quo, præcipitur, ut compareant in lectione Statutorum ſingulis annis legendorum. Item in Sacro quater in anno pro electione vel continuatione Magnifici Domini Reſtoris celebrando, quæ materia ſaltem eſt gravis, ut patet ex materia præcepti Eccleſiæ diebus Dominicis & Feſtis præcipientis auditionem Sacri; adſunt aliqui, communiter abſunt plurimi, & qui eſt Doctorem, quis Theologorum, quis cæterorum, qui de abſentia illa in Confefſione ſe accuſat. Poſſemus inſuper Uni- verſitatis Lovaniensis, in qua diu habita- vimus, plura proferre Statuta, & exem- pla prævaricationis eorundem; de quibus nunquam nobis facta eſt mentio in confefſionibus à ſtudioſis, vel aliis, licet ſæpius confefſiones eorum audiverimus.

Si Canonix eſſemus & Canones, aut etiam ſimiles leges percurreremus,

quàm multa, quoad veſtes, venatio- nem, luſum alearum, chartarum, taxil- lorum, aliæque plurima inveniremus, quorum omiſſio, vel tranſgreſſio non reputatur peccatum, ubi ſæpè, etiam grave ſubſeſſe deberet, ſi ſola materiæ gravitas eſſet attendenda.

Sit deindè pœna tranſgreſſoribus ſtatuta gravis, inidè graviffima tempo- ralis v. g. amiſſionis omnium bono- rum, vitæ &c. hecque ex hac habebimus certitudinem; cum plures, quos ſuprà citavimus, doceant, leges pœnales, etiam mixtas, non obligare ſub culpa, refert etiam Eximius Pater Marcus Serra in 1. 2. D. Thom. tom. 3. q. 96. art. 4. dub 2. ex Navarro; *Si quis tantâ cautio- ne legem mortis pœnam ſtatuentem vio- laret, ut in pœna huiusmodi probabile pe- riculum non incurreret, nec etiam pecca- ret.*

Sint 3. verba præceptiva, inhibitiva, &c. nec ex his habebimus obligationis ſub culpa certitudinem. Quia imprimis, ut notat Navarrus in Manuali cap. 23. n. 50. *Nullum verbum latinum ſuo ſignificato ordinario, ſufficienter expri- mit legiſlatoris intentionem ad mortale obligantem;* addimus eodem funda- mento, *ſub culpa obligantem.*

Deindè, verba illa ſunt indifferencia ad ſignificandam obligationem, vel in ſola conſcientia, vel ſub pœna, vel ſub- veniali, vel ſub mortali, unde per aliquid ab illis diſtinctum determinari debent; illud autem diſtinctum debet eſſe tale, ut exterius de eo conſtet ſubditis, aliàs in mente ſubditorum ob- ligatio maneret indeterminata & ob- ſcura, quo caſu, quod minimum eſt, ſequimur; ſi autem accedat intentionis expreſſio, jam de obligatione determi- nata conſtat.

Deni-

Denique, similia verba promiscuè reperiuntur in Constitutionibus nostræ Reformationis, à diversis Pontificibus approbatis, & tamen declarant p. 4. cap. 18. n. 5. se ad culpam nequaquam obligare.

Quæ autem auctoritates ex S. Scriptura in contrarium allegari possunt, ut est illa præcipua & capitalis ad Rom. 13. *Omnis anima potestatibus sublimioribus subdita sit. . . . Itaque qui resistit, Dei ordinationi resistit, qui autem resistunt, ipsi sibi damnationem acquirunt.* Et infra: *Ideo necessitate subditi estote, non solum propter iram, sed etiam propter conscientiam.*

Satis commodè explicantur, de potestatibus sublimioribus, ut interpretantibus legem Divinam aut naturalem; cum enim pleræque Romanorum leges, ad quos scribit, & adhortatur Apostolus, essent legis Divinæ, aut naturalis interpretationes; cavebant enim contra crimina, agebant de contractibus, & omnibus ejus speciebus, detestamentis, judiciis & similibus, rectè eos adhortatur ad subjectionem & obedientiam; certum enim nobis est, potestates sublimiores ut tales, sub culpa obligare, & refractarios ac inobedientes sibi damnationem acquirere.

Accedit, quod sicut, juxta sententiam communissimam, admittentem leges purè pœnales, vel etiam mixtas non obligare in conscientia sub culpa, illæ auctoritates Apostoli non exten-

dantur ad illas leges, ita etiam sine temeritate dici posset, illas non extendi ad leges civiles ut politiæ civilis externæ directrices.

Nec dicant, potestatem legislativam civilem, etiam ut restrictam, esse potestatis legislativæ Divinæ participationem, ac proinde, sicut transgressio, seu inobedientia hujus est culpa, ita & illius. Quia etsi potestas legislativa civilis ut restrictrix sit potestatis legislativæ Divinæ participatio, sicut illa participata potestas talis est, ut legislator illa non necessariò utatur, sed in libertate ipsius sit, illa uti vel non uti, uti in tali materia, vel tali, ita in libertate ipsius est uti ea, obligando subditos sub culpa, vel sub pœna, vel in sola conscientia; non enim obligationis quantitas à voluntate legislatoris minus dependet, ut sit tanta, vel tanta, quàm usus potestatis legislativæ ut sit, vel non sit in tali, vel tali materia.

Aliundè argumentum nimium probat; probat enim non posse dari leges purè pœnales, contra communem Theologorum, probat etiam, legem civilem in materia gravi non posse constringere leviter, quod tamen, post plurimos Doctores Lovanienses supplicati, sustinuerunt.



S XV.

*Vindicatur 4. Propositio autoritate Sacrae Theologiae
Professorum.*

Illa est hæc contenta assertione 18. P. Marci: *Impius adultis fides actualis Dei ut incarnati, passus &c. non est necessaria necessitate mediæ.*

Hic notandum monemus, nos per fidem actualem intelligere formalem & expressam objecti ut in se est attingentiam, quæ est explicita objecti sui representatione, sic ut propositio illa intelligenda sit de fide actuali formali & explicita Dei incarnati, passus &c. Hæc autem tradita est & defensa à Doctorebus Lovanienfibus in publicis Scholis. §

Primò: Lovanii 1647. 1. Martii sub [L] id est, ut putamus Eximio Domino Laurentio: *Credere enim oportet accedentem ad Deum, quia est, & inquirentibus se remunerator sit: ex his deducunt aliqui, etiam graves Theologi, non esse necesse necessitate mediæ, credere explicitè mysterium S. S. Trinitatis, aut Filii Dei incarnationem, quod etiam nos conatimur defendere, estque ex mente D. Thomæ.*

2. Lovanii 1666. 20. Januarii sub Eximio Domino Viane: *Sed quæ fides est necessaria necessitate mediæ? fides explicita Dei ut iustificatoris, & remuneratoris. An etiam fides explicita Christi Mediatoris, saltem post Evangelium promulgatum? non putamus hoc certum. An nostri Censores ab illo tempore fortè Divinam acceperunt revelationem?*

Tradiderunt & illam alii plures in Thesibus publicè defensus, tum Lovanii, tum alibi.

Primò: Lovanii 1655. 14. Aprilis sub P. Francisco Bonz Spei: *Fides autem Dei explicita, adultis nondum gratia donatis, necessitate mediæ necessaria est: non verò aliis: aut Dei, ut remuneratoris, Christi incarnati, passus, &c. sive post, sive ante promulgatum Evangelium, sed præcepti.*

2. Lovanii 1657. 3. Julii sub P. Jacobo van Calloen: *Omni tempore ad iustificationem adultis, non tantum moraliter, sed absolute & physicè, necessaria necessitate mediæ, fides strictè dicta explicita Dei ut existentis, uti & alicujus saltem mediatoris; nullius autem alterius mysterii.*

3. Lovanii 1665. 21. Julii sub P. Maximiliano Ledent: *Adulto ad iustificationem necessaria est necessitate mediæ fides in Deum, non tamen explicitè ut remuneratorem extrinsecum, aut mediatorem.*

4. Lovanii 1666. 21. Julii sub eodem: *Fides de Deo ut remuneratore extrinsecò, aut de Christo mediatore, non videtur necessitate mediæ necessaria.*

5. Lovanii 1666. 21. Junii sub Patre Egidio Estrix: *Non videtur fides de Deo ut remuneratore extrinsecò, nedum de Christo ut mediatore necessaria necessitate mediæ.*

6. Lovanii 1666. 27. Augusti sub P. Jacobo à S. Antonio: *Adulto impio necessitate mediæ necessaria est fides actualis, eaque explicita Dei existentis: secus iustificato: uti nec Dei, ut remuneratoris explicita*

placita fides in re, & absolute SS. Trinitatis, Incarnationis, Passionis &c. Christi, siue ante, siue post promulgatum Evangelium: secus implicata, & necessitate precepti.

7. Lovanii 1667. 26. Julii sub Patre Eltrix: Non putamus necessariam necessitate mediis, fidem explicitam de Deo remuneratore; sic nec absolute necessaria est fides de Christo obiectivè; hac tamen, uti & aliorum, necessaria est ex precepto.

8. Lovanii eodem anno 23. Novembris sub eodem: Notitia Dei necessaria est necessitate mediis, homini adulto, ut ex peccatore fiat iustus: si censeas perinde necessariam esse notitiam Dei remuneratoris? etiam hoc censebis, non quovis Dei amore perfectò peccatorem fieri iustum: facile assentiar plerosque peccatores ordinariis gratia auxiliis adjuutos, non posse moraliter eo assurgere sine illa notitia: fortasse & quosdam simpliciter non posse: at neminem omnino posse, haud facile probabis: summam necessitatem fidei de mediatore plura suadent: fortasse haud suadent satis: si id putes voluisse Augustinum, neque hinc posse negari, dic etiam summè necessariam esse, & fuisse quovis tempore, fidem mediatoris Christi, fidem sanguinis eius, fidem Crucis eius, fidem mortis eius, & resurrectionis eius. Non sunt haec dictu facilia.

9. Lovanii 1668. sub eodem: Ad justificationem adulti necessaria est necessitate mediis notitia Dei: sed non explicitè, ut remuneratoris aut mediatoris.

10. Lovanii 1668. 24. Julii sub P. Antonio à Burgundia: Notitia Dei, necessitate mediis necessaria est, ut peccator adultus ratione utens, acquirat iustitiam: non perinde videtur necessaria notitia remuneratoris, vindicis aut mediatoris.

11. Lovanii 1663. 29. Julii sub Patre

Eltrix: Homini adulto & rationis compoti ad justificationem est absolute necessaria Dei notitia: putamus non esse perinde necessariam sciri hac omnia, Incarnationem, crucem &c.

12. Lovanii 1669. 5. Junii sub P. Petro de Vriese: Est insuper adultis, nondum justificatis, necessitate mediis necessaria fides actualis supernaturalis explicita, & strictè dicta, in Divina revelatione fundata. Sed cuius obiecti? certè mirum, quod in re tanta sit tam incerta doctrina. Nos arbitramur aliam non esse necessariam fidem ad salutem quam ad justificationem. Posset itaque salvari, qui fide Divinà solum nosceret Deum ut summum bonum, ut summè diligendum.

13. Lovanii 1669. 10. Septembris sub P. Guilelmo van Sichem: Necessaria necessitate precepti est fides mediatoris implicita saltem in veteri Testamento; explicita vero in novo: quantum ad necessitatem mediis, apparet posse interdum sufficere fidem de obiecto contritionis.

14. Lovanii 1670. 15. Julii sub P. A. à Burgundia: Notitia Dei necessaria est necessitate mediis, ut adultus de peccatore fiat iustus: non perinde ab omnibus necessaria iudicatur, notitia explicita Dei remuneratoris aut mediatoris.

15. Lovanii 1674. 23. Febr. sub P. Bonaventura Keon: Omni puro homini pro quolibet statu semper de potentia ordinaria necessaria sunt necessitate mediis fides habitualis infusa; cuilibet autem peccatori adulto & rationis compoti, fides actualis in Deum sub aliquo conceptu ipsi proprio; imò regulariter seu ordinariè fides Dei remuneratoris: à primo parentis lapsu fides explicita mediatoris Dei & hominum; non tamen sub conceptu explicito Dei & hominis, qui suà morte, & passione genus

humanum esset redempturus, aut fides SS. Trinitatis sub actuali conceptu trium personarum in una essentia, nisi post promulgatum Evangelium, nec tum ita absolute, quin sine ea in aliquo casu, possit quis ad actuale fidem obligatus salutem consequi.

16. Lovanii 1675. 26. Novembris sub P. Joanne Pollenter: Porro quibus de rebus est, & fuit semper fides explicita necessitate mediū necessaria? opinamur de Deo ut remuneratore.

17. Lovanii 1666. 28. Aprilis sub Eximio P. Faruacquez: Siue necessaria necessitate mediū, explicita fides Incarnationis & SS. Trinitatis, à Theologis controversatur.

18. Lovanii 1676. 15. Julii sub P. Reynero Payez: Complectitur arcannum SS. Trinitatis Sacramentum, eandem in tribus personis naturam subsistentem, cujus explicita fides, quamvis tempore legis natura & scripta nequaquam exigeretur; tum tamen non defuisse pie credimus; at Evangelio sufficienter promulgato per orbem, necessaria est omnibus ad salutem necessitate praecepti. An & mediū? & quidem in omni casu: non negativam probabilem reputamus.

19. Antverpiæ 1649. 13. sub Amplissimo Domino Macario Simeomo: Multorum est sententia, fidem explicitam SS. Trinitatis & Incarnationis esse necessariam necessitate mediū: nullo tamen fundamento videtur efficaciter suaderi, quin imò pro opposita parte graves rationes suppetunt.

20. Antverpiæ 1658. 14. Maii sub P. Ikdephonso à S. Philippo: Fides actualis supernaturalis ex preecepto Dei, ut existens; non vero ut remuneratoris, adultum in gratia non existentibus, est necessaria

ad salutem necessitate mediū: in fine: hinc sola implicita SS. Trinitatis, Incarnationis, Passionis & c. sufficit ad salutem.

21. Antverpiæ sine data anni 9. Aprilis sub P. Richardo Arfdekin: Fides explicita providentie Divinae circa actiones humanas in adultis necessaria est ad justificationem necessitate mediū; idem dic de remuneratore, & c. Id tamen negamus de fide explicita Mediatoris, tam quoad statum legis antiquae, quam legis novae.

22. Straubingæ 1669. in Julio sub P. Damasceno à S. Elizabetha: Necessitate mediū absolute necessaria non est ad salutem adultorum gratia carentium fides explicita ut remuneratoris, vel ut incarnati.

23. Coloniae 1671. 18. Augusti sub P. Ambrosio à S. Godefrido: Necessarius est semperque fuit necessitate mediū ad salutem actus ejusmodi fidei explicitus omni adulto circa Deum ut existentem & remuneratorem; ac non nisi implicitus circa Verbi incarnationem, ante Evangelii sufficientem promulgationem: utrum autem post ejusmodi suffecerit, esto problema.

24. Duaci 1672. 9. Julii sub P. Georgio à S. Martino: Fides tamen explicita Incarnationis, uti & SS. Trinitatis, neque ante, neque post Evangelii promulgationem ad salutem necessaria fuit necessitate mediū.

25. Bruxellis 1672. 17. Maii sub Patre Ferdinando à Sancto Carolo Borromeo: Respectu adultorum in gratia nondum existentium, absolute necessariam credimus, fidem actualem supernaturalem, saltem existentia unius Dei.

Sufficienti hi patriæ nostræ ex maxima parte, pro justificatione hujus nostræ Propositionis, Sacrae Theologiae Profef-

Professores; si Colonienſes, ſi Duacenſes, ſi aliarum Univerſitatum omnes adglobare non tæderet, facile dare poſ-

ſemus librum integrum, nil niſi Cathalogum continentem, at labori noſtro, & moleſtiæ Lectoris parcentes, pergitur.

S. XVI.

Demus & Cathalogum Auctorum, qui hanc Propoſitionem noſtram ſine ulla ſcandali ſuſpicionem docuerunt.

Primò P. Angelus de Claviſio verbo *Filius* n. 7. Imò ab ignorantia talium (nempe Nativitatis, Paſſionis &c.) nullus excuſatur utens ratione; quia non poſteſt eſſe ſine negligentia & contemptu: niſi ſecundum R. ubi 8. illi, quibus Chriſtus, nec per ſe, nec per alium, nec per inſpirationem interiorem locutus eſt, quia tales non tenentur credere explicite, niſi id quod credebatur in lege natura. Tenet etiam Alexander de Ales ſecunda ſecunda, titulo de perplexitate conſcientiæ, quod puer in carcere Saracenorum incluſus ab infanzia, ſecundum Auguſtinum, de quaſtionibus novi & veteris Teſtamenti, ſi non fuerit à quo didicerit, nec ad eum rumor doctrinæ fidei pervenerit, immunis erit.

2. Dominicus Soto in 4. diſt. 5. q. unica art. 2. fol. 142. At quoniam ejuſmodi ignorantiam (ſcilicet invincibilem Mediatoris) negare, eſſet præter omnium opinionem, concluſimus, ſalvâ cenſurâ doctius iudicantium, quod qui ignorantia invincibili Evangelii laborant, ſine fide explicita, per ſolam implicitam, quemadmodum gratiam, uâ & gloriam obtinere poſſint.

3. P. Suarez de fide diſp. 12. ſect. 4. n. 11. Dico ergo 1. non eſſe tam neceſſariam hoc tempore, fidem explicitam Chriſti, ut ſine illa in re ipſa obtenta, nullus poſſet iuſtificari.

4. Jacobus Marchantius Candel. myſt. tract. 5. cap. 2. q. 7. ubi quaerit: An non ſint repetenda confeſſiones priores ab illis ignorantibus myſteria Trinitatis & Incarnationis? Et reſpondet: *Videri hoc ſequi.* Subdit tamen in favorem noſtræ ſententiæ. Quia tamen non improbabilis eſt ſententia, dicens ſufficere implicitam fidem, ideo non ſunt ad hoc condemnandi, cum crediderunt, Deum eſſe noſtræ ſalutis Auctorem, ac nos redemiſſe, quæ fides implicitè continet myſteria credenda noſtræ ſalutis.

5. Joannes Ægidius Trullench. tom. 1. lib. 1. cap. 1. dub. 2. n. 10. Nilominus tamen piûm & probabile exiſtimo, cum Bartholomæo Medina in ſuo inſtrudtorio in explicatione primi præcepti fol. 61. poſſe in duobus caſibus ſalvari in fide implicita. Primus eſt, ſi quis in ſylvis educatus, moraliter bene viveret: ſecundus ſi fidelis inter infideles commorans, ſuâ negligentia ſymbolum ignorat, & iam moritur, & non ſuppetit tempus illum docendi, poterit abſolvi à Confefſario, & ſalvabitur in fide implicita.

6. Ferdinandus de Caſtro-Palao p. 1. de virtutibus & vitiis tract. 4. de fide diſp. 1. p. 9. n. 7. Quapropter probabilius cenſeo, etiam factâ promulgatione Evangelii, non eſſe neceſſariam notitiam explicitam Trinitatis aut myſterii Incarnationis.

nis, necessitate mediū, sed solum præcepti, atque adeo contingere alicui posset salus, quin explicitè cognosceret Filium Dei incarnatum fuisse, & pro nobis passum esse. Hanc Conclusionem inducat satis D. Thomas 2.2. q. 2. art. 7. ad 3.

7. Andreas Vega Magister Salmanticensis in Trid. lib. 6. de præparatione adultorum ad justificationem cap. 17. credit esse probabilissimum. 1. haberi posse fidei Christi ignorantiam invincibilem. 2. Fidem explicitam Christi in præcepto esse omnibus, sed justificari etiamnum adultos, imò & salvari citra illam.

8. P. Leander de SS. Sacramento p. 1. tract. de fide disp. 2. q. 13. Fides expressa seu explicita Christi, seu ejus incarnationis, non est omnino & simpliciter necessaria necessitate mediū, adhuc post Evangelium promulgatum, ad obtinendam gratiam & gloriam.

9. P. Diana in Summa p. 1. verbo fides n. 4. S. Trinitatis & Incarnationis fidem, Sanchez in summatom. 1. lib. 2. cap. 2. conclus. 6. & Doctores communiter tenent, debere esse explicitam in adultis: sed contrariam sententiam Soti in 4. dist. 5. q. unic. tract. 2. puto etiam probabilem cum Marchantio Candel. myst. qq. pastoral. tract. 5. cap. 2. q. 7. Rationem dat: Nam Deus non plus requirit ab hominibus, quam ipsi possint; sunt autem inter Christianos adeo rudes, ut hujusmodi mysteria non apprehendant, quod plerumque evenit in surdis & mutis.

10. P. Petrus Marchantius tom. 1. tribun. Sacram. tract. 5. tit. 2. q. 6. ad dubium incidentale. An modo, Evangelio per universum Orbem sufficienter promulgato, possit dari ignorantia invincibilis mediū omnibus ad salutem necessariorum? Respondet: Etiam promulgato Evangelio, ut modo, per universum

Orbem, posse dari in aliquibus locis, & singularibus personis, ignorantia invincibilem seu inculpabilem necessariorum mediū ex lege positiva ad salutem: Ex hac autem responsione, duas sequentes ponit Propositiones: 3. soli illi quibus Christus sufficienter & explicitè annunciatus est, promulgatum est Evangelium, obligantur ad explicitam fidem in Christum & Evangelium. 4. Sola fides implicita Christi, & scientia generalis necessariorum ad salutem sufficit in illis ad quos explicita manifestatio fidei, & Evangelii prædicatio non pervenit.

11. P. Joannes Bapt. de Lezana tom. 3. Th. de fide tract. 1. disp. 3. q. 6. concl. 5. de expressa licentia Magistri Sacri & Apostolici Palatii Romæ impresso: Dico 5. habentibus tamen ignorantiam invincibilem Incarnationis Christi, etiam hoc tempore, post promulgationem Evangelii, non est necessaria necessitate mediū fides explicita Christi, sed sufficit implicita.

Adde, quæ ibidem habet in relatione sententiæ tertię: Tertia sententia dicit, tam ad justificationem, quam ad vitam æternam, sufficere fidem implicitam Christi, etiam hoc tempore. Ita Michael de Medina, Vega, Zumel, Suarez, Turrianus, Hurtado, Domin. Lugo, Serra, & tennit Ludovicus Montesinus Magister meus, & credo probabiliorem, intellectam tamen cum aliqua limitatione scilicet respectu eorum, qui hoc tempore habent ignorantiam invincibilem Christi, quæ tamen limitatio videtur superflua, cum etiam inculpabiliter omiſsa non possit obtineri salus, si sit necessitate mediū necessaria.

12. Etiam Eximius Dominus Sylvius, si apertè à nobis non flet, plurimum nobis favet 2.2. q. 2. art. 8. concl. 8. dum

dum docet: Si quis adeò sit hebes, ut huiusmodi mysteria retinere non possit, excusabitur a precepto, et si credat, quomodo potest, ea que diximus necessaria necessitate medi saluus esse poterit. Ergò si ne fide eorum explicita potest obtineri salus.

13. Illustrissimus P. Herinx tom. 3. de fide disp. 7. q. 5. n. 49. de fide explicita Incarnationis & Trinitatis sic scribit: An verò sint ita scitu necessaria necessitate medi, ut si quis invincibiliter ea, aut eorum aliqua ignoret, instructus tamen fide sufficiens, ad inquirendum Deum pro venia peccatorum, non possit iustitiam consequi, est dubium. Fieri enim posset, ut quamvis constet notitiam prædictam non esse necessariam ex natura rei ad contritionem & dilectionem perfectam, Deus tamen nolit alias dare gratiam penitendi aut diligendi, sed quia hoc durum videtur, & sine urgente fundamento (quod difficulter assignatur) non debet restringi gratia Dei, aut ampliari necessitas, tam peremptoria præsertim, sciendi scilicet tot puncta, non sine verisimilitudine, docent noster Medina, Suarez, Turrianus, Lugo disp. 12. sect. 4. n. 91. & plures alii, posse per accidens, in casu raro iustificari, inculpabiliter ignarum prædictorum mysteriorum; maxime cum contingere queat, ob penuriam temporis, non posse instructionem de omnibus adhiberi periculanti v.g. de vita; cui tamen proposita æternitate instante, Deoque optimo per penitentiam sibi reconciliando, non sit credendum denegari gratiam penitendi. Accedit, quod nonnulli adeò rudes sint, ut videantur incapaces percipiendi mysterium Incarnationis, & maxime Trinitatis, de quibus saltem non dubito, quin possint, ut non cognitis iustificari per fidem eorum implicitam; cum tales eam sint

redigendi ad ordinem carentium usu rationis.

14. P. Paulus Layman. de fide tract. 1. cap. 8. n. 4. relatâ sententiâ nostræ oppositâ, de nostra sic subdit: Contraria tamen sententia, quod explicita fides de SS. Trinitate, & Incarnatione Christi, neque post factam Evangelii promulgationem necessaria sit necessitate medi, seu ad veram iustitiam, seu ad gloriam æternam consequendam, non minus probabilis est, & facile defendi posse videtur.

15. P. Franciscus Bonæ Spei tom. 3. disp. 7. de fide dub. 1. resol. 3. Dico 3. fides explicita Incarnationis, Passionis &c. Christi, neque ante, neque post Evangelium promulgatum, fuit respectu adultorum &c. ad salutem necessitate medi necessaria.

16. P. Stephanus à S. Paulo tract. 3. de fide disp. 1. dub. 3. §. 1. n. 18. Dico 4. non est omnino improbabilis opinio, negans ullum mysterium, esse necessario necessitate medi credendum ab adultis præter existentiam Dei. Ita enim sustinent Azorius, Tannerus, Sylvius, Palavicinus, quos citat & sequitur Burghaber Centuria 1. casu 61. nec non & alii plures probati Auctores, huic maxime nixi fundamento, quod perfecta Dei charitas, & peccatorum contritio haberi possint, absque ulla alia fide explicita superaddita; charitas verò perfecta & peccatorum contritio sunt proxima dispositiones ad iustificationem, quibus positis infallibiliter sequitur iustificatio.

17. P. Raphaël Averfa de fide sect. 6. Non apparet hanc explicitam notitiam, nempe Incarnationis, esse medium, aut necessarium ad iustificationem, ut qui nihil de his Christi mysteriis audierint, qui absq. sua culpa ea affectus non sint, nequeant prorsus iustificari, & nec notitia Dei reme-

muneratoris, atque implicita fides Christi, ei sufficit; non enim ostenditur satis talis actus tanta necessitas.

18. P. Augustinus à Virgine Maria de fide disp. 16. resol. 6. Dico 6. prater iam prefatam (fidem nempe in re & explicita Dei ut entis supernaturalis) nulla fides alia in re & explicita, est medium ad salutem necessarium ex natura rei. Ubi citat Gamacheum.

19. P. Marcus Serra q. 2. de fide art. 7. Dicendum est 2. etiam nunc post Christi adventum & sufficientem publicationem Evangelii, posse aliquos salvari, & tam primam, quam secundam salutem consequi absque fide Christi explicita.

20. P. Christophorus Haunoldus lib. 3. tract. 1. cap. 8. contr. 4. Dico 2. non est in re necessaria fides explicita Trinitatis necessitate medi. Dico 4. fides explicita Christi, nec ante, nec post adventum, est in re necessaria.

21. P. Comptonus in 2. 2. disp. 15. sect.

4. Quamvis salvari quis modo possit sine fide explicita Christi in re obienta, semper tamen &c. Assertionem quoad primam partem probat his verbis: Jam enim potest quis habere supernaturalem & explicitam fidem Dei, absque eo, quod habeat fidem explicitam Christi, sicut habuerunt in lege natura & scripta; alioqui peiori loco nunc essent homines, quam ante Christi adventum, cum tamen secundum omnes, via ad salutem, modo longè facilior sit, quam vel in lege natura fuit, vel etiam sub veteri Testamento; jam verò ex hac fide supernaturali explicita Dei, potest homo ille se ad Deum convertere, eumque actu amoris supernaturalis diligere, quod si praestet, certissime iustificabitur, cum actum charitatis, seu amoris Dei super omnia supernaturalem, semper sequatur iustificatio.

22. P. Jacobus Platel p. 1. cap. 5. §. 4. n. 228. Quamvis sit probabile, quod doceat Valentia, &c. fidem explicitam Incarnationis & Trinitatis necessariam esse necessitate medi post Evangelium sufficienter promulgatum, &c. probabilius est tamen fidem explicitam istorum mysteriorum, non esse medium necessarium in re, sed solum in re, vel in voto, contentam in fide Dei remuneratoris supernaturalis.

23. P. Antonius à S. Spiritu in directorio Confessoriorum de fide tract. 1. sect. 3. Aliquando fides explicita Incarnationis, Trinitatis, &c. non est adultis necessarium medium ad salutem; sed sufficit adultis ex necessitate medi, cum Baptismo credere quod credit Ecclesia. Subdit autem: non enim audeo maiorem obligationem ponere hominibus, ne dicam infinitam Christianorum multitudinem condemnari, qui de mysterio Trinitatis & Incarnationis vix quidquam certe norunt, imò perverse sentiunt, si interrogetur.

24. P. Joannes de Alloza in Alphabetho morali, verbo fides: Post sufficientem Evangelii promulgationem, regulariter loquendo, est necessaria necessitate medi fides explicita Incarnationis & Trinitatis. In aliquo casu potest quis sine fide explicita iustificari, v. g. si habens ignorantiam invincibilem rerum fidei, doleat de peccatis super omnia cum spe veniae, & firmo ierum non peccandi proposito.

25. Antonius Contonius contr. 6. cap. 1. n. 10. Nostram resolutionem probat hòc modò: Quia ex una parte omnia testimonia S. Scripturae, & praecipua Patrum effata commodè explicantur, vel de fide implicita, vel de necessitate praecipui post sufficientem Evangelii promulgationem: Ex alia verò, non solum

rnsic

ruffici inter Catholicos videntur carere hac fide explicita, sed etiam liberalius de Divina bonitate videmus sentire, si dicamus etiam in illis sectis, quia ita per veram traditionem cognoscunt verum Deum, ut tamen Incarnationem & Trinitatem ignorent, pueros & idiotas excusari per ignorantiam invincibilem à fide talium articulorum, adeoque per fidem veri Dei iustificari & salvari, ut contingebat in lege natura & Moſaica.

26. P. Joannes de Soria in Epilogo Summarum 2. p. tract. 1. sect. 5. disp. 3. de fide: *Post sufficientem promulgationem Evangelii, necessaria est fides explicita, saltem Incarnationis Divini Verbi, & mysterii Trinitatis: Dabilis est casus, scilicet si daretur homo nutritus in sylvis, ubi posset salvari tantum cum fide implicita.*

27. P. Nicolaus Baldellus de fide lib. 1. disp. 5. n. 15. *Non videtur posse negari, quod si quis post Evangelium promulgatum ignoret invincibiliter Trinitatem, & Christum, & supernaturaliter credat, Deum esse datorem salutis, & à peccatis liberatorem, non possit in illum perfecte converti, concipiendo de peccatis dolorem & poenitentiam, & spem remissionis, Deumque perfecte amando, & super omnia, & per consequens quod non possit iustificari sine fide explicita Trinitatis & Christi, si aliqui habeat votum & voluntatem credendi omnia, quae sunt necessaria, & eo modo, quo sunt necessaria, & de facto sit crediturus explicitam etiam Christum & Trinitatem, quando habebit illorum explicatorem & Doctorem.*

28. P. Honoratus Fabri Summulae Theologiae tract. 5. de fide cap. 2. n. 13. *Hinc nec ante, nec post Christi adventum necessaria fuit necessitate, mediis fides explicita de Christo, nec etiam de Trinitate.*

29. P. M. Joannes Martinez de Prado S. Inquisitionis ex munere Qualificator in Theol. morali cap. 7. de fide q. 4. §. 3. n. 14. *Dico 1. Dantur plures casus, in quibus aliqui iustificantur, adhuc post Evangelii promulgationem sine fide Christi explicita. Probat hac ratione: Quia non minus ex Sacra Scriptura & Concilio habetur necessitas Baptismi, ac habeatur necessitas fidei, ut patet ex illo Joan. 3. nisi quis renatus fuerit ex aqua & Spiritu Sancto, non potest intrare in regnum Dei: sed etiam hoc tempore aliqui salutem consequuntur sine actuali susceptione Baptismi. solo voto illius: ergo per fidem Christi implicitam, etiam nunc in aliquibus casibus, possunt aliqui iustificari.*

30. P. Vincentius Baronius 2. p. Theologiae moralis de fide disp. 3. sect. 1. art. 3. §. 2. ubi docet fidem explicitam Incarnationis posse suppleri fide explicita Dei ut existentis & remuneratoris, tanquam voto illius, hancque sufficere ad salutem, verba ejus sunt: *Sed si fides explicita articulorum, quos designat Apostolus, cum ait: Accedentem ad Deum oportet credere, quia est (scu existit ut Author natura & gratiae) atque ut remunerator est, cum altera de Deo Trino & Verbo Incarnato conferatur, hoc differunt, aut potius conveniunt; quod sicuti hac posterior priore, quasi voto; ita etiam illa possit posteriori contingi, & quaelibet sufficiat ad salutem, ut est votum alterius.*

31. Dominicus Bannez 2. 2. q. 2. art. 8. §. *Quatuor denique conclus. 4. Non est haeresis, nec semetarium aut scandalosum asserere, quod possit aliquis modo assequi vitam aeternam sine fide explicita Christi &c.*

32. M. Bartholomaeus de Medina Instruct. Confessar. lib. 1. cap. 14. §. 2.

Algunos dicen, que para que uno se justifique, y se salve, es necesaria se explicita de los mysterios de nuestra redencion, y que si nola tiene, ne se salvara; mas este es un rigor muy grande, porque el, que ha estado en parte donde non ha podido tenerla, non se podra salvar. La verdadera opinion es, que sea de precepto Divino &c. mas en algunos casos se podra el hombre con la se implicita sola.

33. M. Joannes de la Cruz in directorio i. p. precepto 1. art. 1. n. 4. *Quarto sequitur, quod licet deus ignorantia invincibilis articulum fidei in his, que nec docentur in Ecclesia à Parochis, nec domi à parentibus, et si isti morentur, tunc sal-*

varentur cum fide mysteriorum primæ conclusionis. Primâ autem conclusione sic habet: Prima conclusio, qua sint adultis in omni statu credenda explicitè & distinctè, declarantur statim dum subditur: accedentem ad Deum oportet credere, quia est, & quod inquirentibus se remunerator sit.

34. M. Bartholomæus de Ledesma in Summario de Sacramento poenitentia difficult. 2. de confessione: *Cum ad primam justificationem fides explicita Christi non requiratur, ut supponitur tanquam magis probabile, & commune ut Scholis, consequitur ut nec votum explicitum confessionis requiratur.*

S. XVII.

Vindicatur 4. Propositio ratione.

Rationem fundamentale hujus nostræ Propositionis sic exhibemus juxta Eximium D. Wiggers de fide q. 2. art. 5. *Necessarium necessitate medii est illud, sine quo salus obtineri simpliciter non potest, quatenus, ex causa illud abesse contingat, sive, ut communiter Theologi, sine quo, etiam inculpabiliter omisso, non potest obtineri salus. Atqui sine fide actuali explicita Incarnationis, passionis, &c. Potest homo adultus impius consequi justificatione & consequenter salutem; ergo impiis adultis fides actualis explicita Incarnationis &c. non est necessaria necessitate medii: Probatur minor, in qua sola potest esse difficultas. Ponamus Atheum, aut etiam Fidelem ignorantem inculpabiliter, vel infecto vulnere, vel morbo urgente & crescente,*

ad extrema vitæ instantia devolutum, in angustia illa temporis & morbi, à Catholico instructore Dei ut summè & infinitè boni existentiam edoceri, nec ulterioris instructionis tempus superesse, erumpat interea ille Atheus, vel Fidelis ignorans inculpabiliter, conceptâ fide supernaturali ex instructione data, in illius Dei propter se intensissimum amorem cum peccatorum detestatione; quod fieri posse evidens est, cum nihil ex parte objecti, sive materialis, sive formalis istius amoris deficit: jam querimus an talis, illo intensissimo charitatis Dei propter se actu, justificandus & salvandus sit? si sic? ergo evidens est impiis adultis fidem explicitam Incarnationis &c. non esse necessitate medii necessariam, cum ab illo salus obtineatur, & si ex aliqua causa abesse contin-

contingat. Si non? imprimis refuscitatur doctrina Baii à Pontificibus damnata, quod charitas perfecta & sincera, quæ est ex corde puro & conscientia bona, & fide non ficta, possit esse sine remissione peccatorum. Deinde, impingitur in Tridentinum sess. 14. cap. 4. *Esse contritionem hanc aliquando charitate perfectam esse contingat, hominemque Deo reconciliare, priusquam hoc Sacramentum actu suscipiatur.* Denique evertitur doctrina Adversariorum, qui amorem Dei propter se castum, saltem intensissimum sine Sacramento justificantem admittunt. Ergo &c.

Nec dici potest, hominem illum, ex Divina ordinatione, non posse pertinere ad ultimas illas dispositiones supernaturales, sine fide explicita Incarnationis &c. Quia primò juxta P. Lezanam tract. 1. de fide disp. 3. q. 6. prorsus voluntarium est dicere, talem esse Dei ordinationem, ut non possit quis illos actus proximè disponentes ad justificationem habere, sine fide actuali explicita Christi, maximè loquendo in causa ignorantie invincibilis, imò oppositum esse magis conforme Divinæ bonitati, quàm vult omnes salvos fieri.

2. Quia illa Divina ordinatio efficere deberet, ut etiam in lege gratiæ homini inculpabiliter deesset gratia, quæ in antiqua lege omnibus erat generaliter concessa, quàm possent talè actum elicere sine explicita illa fide Incarnationis; quod cum fundamento non dicitur, cum modò sit lex gratiæ, in qua plus abundat; imò ut loquitur Illustrissimus P. Herincx disp. 7. de fide q. 5. n.

49. *Hoc durum videtur, & sine valde urgenti fundamento (quod difficulter assignatur) non debet restringi gratia Dei, aut ampliari necessitas tam peremptoria præsertim sciendi explicuè tot puncta.*

3. Quia nullum est fundamentum, quo illa Dei ordinatio extendatur ab Adversariis ad mysteria Incarnationis, Passionis &c. & non generaliter ad omnia, quæ Symbolo Apostolico, Niceo, & Athanasii continentur; imò & omnia, quæ in Ecclesia solemnizantur; cum enim se in autoritatibus SS. PP. Augustini & Thomæ (uti perpetuò prætexunt) fundent, quorum prius necessitatem fidei extendit ad omne tempus, ad fidem mediatoris Christi, sanguinis Christi, Crucis, mortis, & Resurrectionis ejus; secundus vero, etiam ad omnia mysteria, quæ in Ecclesia solemnizantur, sequeretur quod nullus unquam sine explicita omnium illorum fide potuisset justificari, aut salvari, quod esset contra omnium Theologorum doctrinam, & quoslibet, etiam ignorantes & rudes, sub æternæ damnationis anathemate, obligare ad fidem explicitam Nativitatis Christi, adorationis Regum, Circumcisionis, Baptismi, jejunii, captivitatis, totius passionis, crucis, mortis, sepulture, resurrectionis, ascensionis, missionis Spiritus Sancti, Transfigurationis, Institutionis SS. Sacramenti &c. quæ dictu faciliora sunt, quàm probatu.



S. XVIII.

Solvuntur Objectiones.

Imprimis S. Scripturæ autoritates contra nostram propositionem opponendas, sic generaliter explicat, & solvit P. Iræneus à S. Jacobo de fide cap. 2. sect. 1. §. 11. primò: quod non loquantur de necessitate mediæ. 2. Quod agant de fide Christi, non ut objecti, sed ut causæ meritorix, id est, de fide per Christum, seu Christi meritis habenda, etiam si explicitè non feratur in ipsum Christum, ut explicitè creditum. 3. Quod aliquæ earum commendent dumtaxat efficaciam fidei explicitè in Christum, de absoluta autem ejus necessitate nihil pronuncient.

Ubi etiam de autoritate D. Thom. 2. 2. q. 2. art. 7. dicit, illum quidem ibi docere tale mysterium esse credendum de necessitate salutis, sed non declarare an intelligat necessitatem mediæ, aut præcepti: cui consentit Meratius dicens: *De quo (nempe D. Thoma) certum non est, utrum de necessitate mediæ loquatur, an præcepti solius.* Et P. Koninck disp. 14. de fide dub. 9. n. 138. *Loquitur de necessitate præcepti, nam in responsione ad 3. expressè docet, in iis qui habent eorum invincibilem ignorantiam, sufficere fidem implicitam.*

Similem ferè explicationem auctoritatem Sacræ Scripturæ adhibet Illustrissimus P. Herincx suprà citatus, nempe partim significare, credentes explicitè in Christum, salvari per istam fidem; non negare autem, quin etiam inculpabiliter carentes ea noticia, sal-

vari queant; partim excludere non credentes à salute, id est, qui increduli sunt mysteriis Christianis propositis, adeoque loqui de iis, quibus fides Christiana satis innotescere potuit: partim loqui de fide Christi, non tanquàm objecti, sed tanquàm causæ meritorix, quatenus omnes salvantur per fidem, quæ datur ex meritis Passionis & Sanguinis Christi: partim posse intelligi de necessitate præcepti, seu mediæ late dicta.

Quod si autoritates aliquæ S. Augustini, nonnullis videantur plus urgere, poterunt, si voluerint prædictum Illustrissimum Patrem Herincx disp. 7. de fide q. 5. desuper consulere; nos autem brevitati studentes, & ubi, & quando requisiti fuerimus, parati dare ulteriorem rationem, calamus ac metam ponimus.

Hæc sunt Illustrissime ac Reverendissime Domine, quæ pro meliori Sux Illustrissimæ Gratix informatione in medium proferenda censuimus, quibus maturè perpensis confidimus fore, ut meliùs ac benignius discernat nostram causam, & propriis oculis clarè perspiciat, quam, non solum tota doctrina, nostris Theſibus comprehensa, procul distet à censuris, quibus eam non dubitârunt notare isti prætensi Theologi, verùm etiam, quàm præſis vestigiis inhæreat communibus Doctorum, etiam Lovaniensium sententiis. Ex quo pariter confidimus futurum, ut quos Illustrissima

strisſima Gratia ſua, ex illorum mala informatione, ſibi reos conſtituit, eoſdem ex hac meliori, declaratura ſit (ut par eſt) omnimodò innocentes, omniſque malæ doctriinæ notæ ſuſpicionē abſolvendos. Quod faciendo &c.

Premiſſa hac informatione Illuſtriſſimi ac Reverendiſſimi Domini Archiepiſcopi, ex rationibus pro parte PP. SEBASTIANI à S. PAULO, & MARCI à RESURRECTIONE DOMINI S. T. Profeſſorum, quibus oſtenditur juſtitia appellationis eorundem à Decretis ejuſdem Illuſtriſſimi ac Reverendiſſimi Domini Archiepiſcopi Mechlinienſis, ex quorundam Theologorum judicio, contra Patres præſatos latius & intimatis, nec non Domini Officialis ejuſdem ſuper cauſa prohibitionis certarum Theſium Theologicarum Mechlinia in Capitulo Provinciali Fratrum B. V. Mariæ de Monte Carmelo, Provinciæ Flandro-Belgiæ, diſputandarum diebus 17. & 18. reſpectivè anno 1677. in eum finem tempeſtivè diſtributarum.

Queritur

Primò : An non fuerit juſta ratio appellandi à præſato Illuſtriſſimi Domini Archiepiſcopi Decreto ad S. Sedem.

Secundo : An ſtante dictâ appellatione potuerit decerni per Officialem citationis adverſus Patres Theſium Præſides.

Tertiò : An non rectè fuerit per eoſdem Patres exceptum, & ſimiliter ab ejus Decretis appellatum.

Reſolutio ad primum.

Viſâ, & materiæ perpensâ informatione præmiſſâ.

Reſponderetur ad primum : quod videatur omninò ſubſuiſſe juſta ratio, ex qua P. Provincialis à præſato Illuſtriſſimi Domini Archiepiſcopi Decreto appellavit ad Sanctam Sedem.

Quia juſta ab iſtis & ſimilibus appellandi ratio, eſt gravamen irreparabile, illatum vel inferendum, cap. *Ad noſtram* §. porrò de appellat. idque ante litis conteſtationem, ante & poſt ſententiam. Cap. ſuper eo. 12. eod. & l. 1. §. *quaſitum* ff. de appellat. & omnes cum Menoch. de arbit. caſu 490. n. 3. Surd. decif. 36. n. 13. Decian. Reſp. 62. n. 21. vol. 5. Miranda q. 29. n. 51. Gratian. Cap. 20 2. n. 5. Scaccia q. 17. limit. 47. n. 85. Barb. ad Cap. Cum ceſſante 60. eod. Amplia, eſto gravamen poſſit reparari pro parte, vel magna cum diſſicultate. Scaccia cit. n. 86. Surd. decif. 39. n. 14. & 15. Riccius in prax. Reſol. 405. n. 2. Compend. Rodriq. Reſol. 10. n. 36. Gratian. Cap. 74 n. 12. & 13. & cap. 77. n. 9. ex Barboſ. cit.

Decretum autem Illuſtriſſimi Domini Archiepiſcopi præſatum, intuliſſe varia gravamina, eaque irreparabilia, tum ipſi P. Provinciali, tum Patribus Theſium, per illud publicè deſendi prohibitarum, Præſidibus intimatis, cum ſumma horum infamia, & maximâ confuſione totius Provinciæ, in PP. Gremialiſbus Comitiorum Provincialium (quorum P. SEBASTIANUS, primus intimatus, erat actualis Præſes, & Commiſſarius Reverendiſſimi Patris Generalis) in quibus publicæ defendendæ erant, repræſentatæ, patet ex tenoribus utriuſque Inſtrumenti appellationis per P. Provinciale præſatum interpoſitæ : primi quidem, de 18. Maii 1677. & alterius de 26. ejuſdem Menſis &c. anni. Tum etiam aliundè.

Primò :

Primò: Quia Decretum illud latum fuit ab Illustrissimo Domino Archiepiscopo, tanquam à iudice, hic & nunc incompetente, & nullam jurisdictionem habente, neque in Patrem Provinciale, cujus notoriè exemptam jurisdictionem graviter offendit & læsit, & neque in Patres Thesium Præfides intimatos, hujus Subditos; cum tam ipse P. Provincialis, quàm Patres præfati, sint notoriè exempti à foro & jurisdictione Illustrissimi D. Archiepiscopi, non secus ac Ordo Carmelitarum, cujus sunt membra, inter alios Mendicantiū Ordines, ad eò notoriè exemptus, & S. Sedi immediatè subiectus, ut de eo dubitare nefas foret. Navarr. in Comm. 2. de Regular. n. 63. Vers. addo 2. & plures alii, quos citat & sequitur Donat. Laynens. tom. 1. part. 2. tract. 13. q. 1. n. 1.

Et Ordinarii justam illius ignorantiam allegare nequeant. Francisc. Zypæus Consult. Canon. lib. 2. tit. de appellat. conf. 3. n. 9. neque probari debeat in iudicio. Donat. Laynens. ibid. sup. q. 11. n. 2. Imò nequidem allegari. l. 1. ff. de fer. Secundum Innocent. in Cap. Ex parte il primo v. 3. Vers. exempti autem. de verb. signif. Paulus de Castro Conf. 431. videtur dicendum n. 2. vers. Interdum nullo modo lib. 1. apud Illustrissimum Dominum Prosp. Fagnanum in 2. part. V. lib. Decretal. tit. de privileg. in Cap. Tuarum. n. 47. quos ibid. sequitur.

Adeoquæ ex hoc capite Decretum illud intulit gravamen irreparabile, tum ipsi Patri Provinciali præfato, tum PP. Thesium Præfidibus intimatis: & consequenter justa subfuit ratio ab eo appellandi ad S. Sedem.

Ad hæc, cum Episcopi non habeant jurisdictionem in universaliter exemp-

tos, nisi eis in aliquo casu, vel aliquibus casibus, specialiter tribuatur, ut constat, & habetur Clem. unica de excessib. Prælat. Bariola in aphorism. verb. Episcopus. de Murga tom. 2. disquis. 10. n. 24.

Nihil possunt in exemptos, nisi in casibus, in quibus hæc facultas specialiter eis attribuitur. Illustrissimus Dominus Prosp. Fagnan. in 2. part. Decretal. tit. de offic. Episcop. Ind. Deleg. in Cap. Sanè il. 2. n. 24. Zachar. Pasqualig. in addit. ad Lauret. de Franch. part. 1. tit. de cultu erga non Canonizatos, q. 12. in fine. & Question. moral. Canon. Centur. 2. q. 134. n. 4. Zypæus iur. Pont. nov. lib. 5. tit. de privileg. & excessib. privileg. Et iterum Consult. Canon. lib. 5. tit. de privileg. Conf. 3. n. 3. Et ita etiam Lezana Sum. 99. Regul. verb. Causa judicialis Regular. n. 13. Ubi post Henric. & Sanch. rectè addit: Quod si Ordinarii tentent procedere contra Regulares exemptos in aliis casibus, in iudicio, vel extra, processus, & cetera inde secuta, sint ipso iure irrita & nulla, cum nullam habeant jurisdictionem. Et defectus jurisdictionis sit omnium maximus, quoad annullationem omnium actuum inde secutorum, ut tradunt Maranta de ordine iudic. tit. de testib. produc. n. 6. Mascard. de probat. in præfat. lib. 1. q. 5. n. 23. & 89. quos citat & sequitur Pasqual. loco statim citato.

Quod verò casus Thesium, per Decretum Illustrissimi Domini Archiepiscopi præfatum, publicè defendi prohibitarum, sit unus ex exceptis, adeòque talis, in quo Episcopis facultas procedendi contra Regulares notoriè exemptos, specialiter attribuitur, neque probavit Illustrissimus Dominus Archiepiscopus (uti alioqui debuisset, uti per se manifestum est, & luculenter patebit ex in-

ex infra dicendis) neque ipse, neque illi Theologi, quorum iudicio suffultus, istud Decretum suum edidit, salvò meliori iudicio, probabunt unquam.

Undè sic arguitur: Illustrissimus Dominus Archiepiscopus ferendo suum Decretum præfatum, egit hoc, vel jurisdictione suâ ordinariâ, vel subdelegatâ Apostolicâ, vel utraque simul?

Non *primum*: quia cum illi, contra quos latum fuit istud Decretum, sint notoriè exempti ab ejus jurisdictione ordinariâ, & immediatè subjecti Sanctæ Sedi, sequitur evidentè, quod ex hac ordinaria jurisdictione nihil adversus ipsos statui potuerit, adeoque nec decretum præfatum. Clarissimus Dominus Joannes Wamefius *tóm. 1. de jur. Pont. Consilio* (prout malè jacet in libro) 65. n. 1. sub pœna alioqui irritationis ipso jure & nullitatis, ut vidimus supra ex nostro Lezana, & Pasqualigo post alios.

Non etiam *secundum*: quia cum Illustrissimus Dominus Archiepiscopus in Decreto suo præfato, nullam talis jurisdictionis delegatæ fecerit expressiõnem, sequitur etiam, quod illud non fecerit ex hac jurisdictione; cum ex discrimine & differentia qualitatis modus jurisdictionis dependeat. Idem Wamefius *loc. cit. n. 5.* quæ obindè de necessitate exprimenda erat, uti clariùs patet ibi statim subiicientis.

Neque etiam *tertium*: quia uti naturalis seu communis & ordinaria causa, in quocunque dubio, & in plures partes propendente actu, potius quam accidentaria seu extraordinaria præsumitur, l. *Qui habet de tutel.* præsertim ubi naturalis & accidentariæ concursus non permittitur. *gloss. in d. l. Qui habet. in verb. Cum magis.* Ita quoque in exer-

citio jurisdictionis, concurrente in eundem Judicem ordinariâ & delegatâ potestate, præsumitur potius ordinariæ exercitium, quàm delegatæ, tanquàm accidentariæ jurisdictionis: & Judicem, utrâque hâc qualitate præditum, potius ut Ordinarium, quàm ut delegatum, actum jurisdictionalem facere per respectum ad naturalem seu ordinariam potestatem. Andr. Barbatia *Conf. 88. mihi videtur. n. 15. vol. 3.*

Unde est, quod Fredericus de Senis *Conf. 130. factum est tale, quidam Dominus n. 3.* apertè scribat, processum Episcopi seu Vicarii ejus habentis ordinariam & Apostolicam auctoritatem, non tantum ex speciali Pontificis delegatione, sed etiam ex generali Canonis, esse omninò nullum, si cum illum ordinariâ potestate facere non potest, eundem faciat nullâ qualitate expressâ: ob id, quod nullâ expressiõne factâ, censetur actum facere suâ ordinariâ, non alienâ delegatâ potestate. Alioqui subesset aperta pugna inter voluntatem & potestatem, quod enim vellet ex ordinaria potestate, non posset, & quod posset, se velle non declararet. Cap. *Cum super. de offic. & potest. Jud. delegat. l. multum interest. C. si quis alteri vel sibi &c.*

Cum igitur Illustrissimus Dominus Archiepiscopus in suo Decreto qualitatem Delegati Apostolici non expresse- rit; sed usus fuerit stylo ordinario, uti constat ex tenore ipsius Decreti, præsumendum est Decretum illud edidisse jurisdictione ordinariâ; quod cum non potuerit adversus notoriè exemptos, sequitur, quod planè incompetenter & absque ulla jurisdictione illud tulerit.

Ex quibus magis elucefcit, & liquet, quod Decretum præfatum factum fue-

rit ab Illustrissimo Domino Archiepiscopo, tanquam à Judice incompetente, & hic & nunc nullam habente jurisdictionem in illos, contra quos latum fuit; ac idèd non sine eorum incomparabili & irreparabili gravamine, ex quo omninò conficitur, iustam subfuisse rationem ab eo ad S. Sedem appellandi.

Et verò, ut Illustrissimus Dominus Archiepiscopus in suo Decreto præfato, contra PP. Thesium Præfides intimatos, ab ipsius jurisdictione notoriè exemptos, securè & prudenter potuisset procedere in vim Sacrosancti Concilii Tridentini tanquam Delegatus Apostolicus, debuisset ipsi ante omnia constare, casum Thesium suo Decreto publicè defendi prohibitarum, esse unum ex exceptis contrà notoriè exemptos in Concilio Tridentino.

Nam (præterquam quod autoritas delegata non tollat exemptionem Abb. in Cap. Grave. n. 1. & 5. de offic. ordin.) quando aliqua qualitas requiritur ad actum, de illa primò constare debet, & probanda est qualitas jurisdictionis à principio, si negetur. Felin. in Cap. si Clericus n. 2. vers. limia secundo. de fer. compet. Alex. conf. 1. n. 8. lib. 5. Tiraq. 2. tract. de retrat. lignag. §. 8. gloss. 5. n. 19. Vant. de nullitat. tit. ex defect. jurisd. n. 53. Vers. etsi à principio. Ant. Gomez var. 3. tom. cap. 1. n. 44. & cap. 9. n. 1. Guttier. pract. lib. 3. q. 1. n. 4. Riccius praxi aurea. resol. 38 n. 1.

Quia qualitas tribuens jurisdictionem, non præsumptivè, & per indicia; sed concludenter probari debet. l. 2. §. sed si dubitetur. ff. de judic. Paris de Put. de Syndic. in verb. Judex cap. 2. n. 13. ver. judic. semper debet constare. Benintend. decis. 18 n. 3. Andr. Gail. de pace publ. cap.

13. n. 13. & seq. lib. 1. Et ita etiam Donatus Laynenlis tom. 1. part. 2. tract. 13. q. 48. n. 13.

Ubi n. 4. optimè ad rem notat, quod Regulares exempti nequeant suam exemptionem amittere, nisi ob qualitatem delicti, sicut refugiat in Ecclesia non possunt privari immunitate, nisi ob qualitatem commissi criminis; quæ debet perfectè probari, ut actualiter illa priventur: & hoc idèd; quia refugiat in Ecclesia, quoad immunitatem loci, habent præsumptionem juris, & regulariter sunt exempti, ac nequeunt molestari, nisi in casibus exceptis; qui ut censeantur tales, sunt omninò legitimè probandi. Quia contra certam juris Regulam non datur locus præsumptis, nisi concludenter probatis. Peyrin. tom. 1. privileg. in 2. Constit. Sixti IV. n. 62. in fine & tom. 3. seu in additam. ad d. Constit. Sixti IV. cap. 2. n. 30. Lezana post omnes de communi in Sum. verb. delinquens n. 2. Bordon. Resol. 7. q. 9. Vers. tertia conditio in fine.

Videtur quidem, vel ipse Illustrissimus D. Archiepiscopus, vel potius Theologi illi, ex quorum judicio & consilio in hac causa processit, ad hæc aliquo usque reflexisse, dum in utroque suo Decreto de die 20. Maii 1677. personarum utriusque Thesium Præfidis coram D. Officiali citatoriali, invariato non nihil stylo prioris Decreti de die 17. ejusdem Mensis & anni, addiderit sequentia: Nos trane sit officii ab eodem populo avertere pericula damnationis, & scandala, & cognoscere de doctrina, qua illi proponitur, nec non revocare deprehensos in erroribus Sacre Scriptura, Concilio Tridentino, & SS. Patribus contrariis; in quibus omninò videtur voluisse fundare suam jurisdictionem in Patres Thesium

sium Praefides intimatos, notoriè aliqui ab ea exemptos.

Sed cum hanc qualitatem nudè allegaverit, & nullatenus probaverit, non potuit illa hic & nunc sufficere ad fundandam ejus jurisdictionem contrà notoriè ab ea exemptos, uti statim efficaçiter (ni fallor) probatum est.

Imò cum per hæc verba, *nec non revocare deprehensos in erroribus S. Scripturae, Concilio Tridentino, & SS. Patribus contrariis*, hic de novo superaddita, expressa sit nova qualitas, & novus gradus censuræ, nedum assertiones Thesium; verum etiam ipsas utriusque eorundem assertoris personas afficiens, tanquam *deprehensas in erroribus Sacra Scripturae, Concilio Tridentino, & SS. Patribus contrariis*, per utrumque istud Decretum, utrique Patri intimato, irrogata fuit nova & incomparabilis injuria & gravamen.

Nam imprimis *ly nec non revocare deprehensos in erroribus Sacra Scripturae, Concilio Tridentino, & SS. Patribus contrariis*, non potest cadere in Thesium Assertiones, seu in propositiones, uti per se patet; & cum nihil aliud restet, quod afficere possit, præter ipsas Thesium & Assertionum earundem Praesidium personas; consequens est ut hæc affecerit, uti etiam per se patet.

Deinde nisi illa verba affecerint, & appellarent ipsas Thesium Praesidium personas, ominò malè & frustra Illustrissimus Dominus Archiepiscopus prætendisset suam in illis fundare jurisdictionem in personas dictorum Praesidium, notoriè ab ea exemptas. Quia si eorum personæ per illa non afficiantur & appellentur, tanquam *deprehensa in erroribus Sacra Scripturae, Concilio Tridentino & SS. Patribus contrariis*, ab iis-

que *revocanda*, per hoc quod Illustrissimus Dominus Archiepiscopus ex officio debeat *revocare deprehensos in erroribus Sacra Scripturae, Concilio Trid. & SS. Patribus contrariis*, non potuisset procedere contra ipsos, utpotè *minimè deprehensos in erroribus Sacra Scripturae, Concilio Trid. & SS. Patribus contrariis*, obindèque *minimè ab illis revocandos*, & sic suam jurisdictionem contra ipsos, malè & frustra prætendisset in illis fundare.

Ac proindè, cum ista utriusque illius Decreti citatorialis verba, affecerint & appellaverint ipsas Thesium Praesidium personas, & de novo fuerint addita, per utrumque istud Decretum nova & incomparabilis injuria utrique ex hac parte illata fuit.

Quia verba qualificativa, de novo adjecta, non possunt non novam inducere injuriam, quando sunt diversæ speciei à prioribus; tunc enim tanquam novæ circumstantiæ, in genere moris, speciem mutantes, novam speciem injuriæ secum trahunt, juxta §. *Præterea*. Insti. *de innut. stipulat.* & l. *si vir. ff. de legat. 3.* & Cap. Cum Martha §. *Quæsiisti. de celeb. Miss.* & juxta ea, quæ notant Alexand. in l. 1. §. *si quis ff. de verb. oblig.* Jason. in l. *ins autem civile. ff. de just. & jure. Surd. Conf. 366. n. 23.* Menoch. *de recup. possess. remed. 6. n. 8.* quos citat & sequitur Zachar. Pasqualig. *Quæst. moral. juridic. q. 233. n. 8.*

Quod autem verba illa, *deprehensos in erroribus S. Scripturae, Concilio Trid. & SS. Patribus contrariis*, in genere moris, sint specie diversa ab his, in *isdem Thesibus diversa contineri sana doctrina contraria, ex quibus in populo nobis commisso nata sunt oriri scandala*, quæ continebantur in primo Illustrissimi Domini Ar-

ni Archiepiscopi Decreto de die 17. Maii sup. cit. itemque ab his, & ex Theologorum iudicio essemus informati inter eisdem Conclusiones contineri aliquas, ex quibus natum erat in populo nobis commissio scandala suscitari, quæ continebantur in utroque secundo ejusdem Illustrissimi Domini Archiepiscopi Decreto de die 20. ejusdem mensis & anni, est ex ipsis terminis clariùs, quàm ut ullâ probatione indigeat, aut ullâ tergiversatione negari queat: cum qualitas eorum verborum, deprehensos in erroribus Sacre Scripture, Concilio Tridentino, & SS. Patribus contrarius, per se loquendo, importet gradum Hæresis; non verò qualitas aliorum.

Tantum verò abest, ut Illustrissimus Dominus Archiepiscopus dictas qualitates concludenter probaverit, aut etiam casum Thesium per suum Decretum publicè defendi prohibitarum, esse unum ex exceptis per Concilium Tridentinum contra notoriè exemptos (uti aliqui debuisset ex præmissis) ut neque ipse, neque isti Theologi, quorum iudicio fretus processit ad istud Decretum, aut qualitates illas concludenter probare, aut assignare possent unum locum in toto Concilio Tridentino præfato, ubi casus ille contra dictos exemptos excipiat.

Etenim, si posset assignari ullus locus, vel ullum Concilii Tridentini Caput, in quo casus prohibitionis Thesium præfatarum contra notoriè exemptos foret exceptus, maximè primò sess. 4. de lect. & usu Sacror. libr. ubi Regulares, etiam exempti, qui libros, de rebus sacris tractantes, imprimunt, vel imprimi faciunt, sine nomine Authoris, aut illos vendunt, vel etiam apud se retinent absque Episcopi, & suorum Super-

riorum examine & approbatione, subijciuntur correctioni Episcoporum. Illustrissimus Prosp. Fagnan. in 2. part. 1. Decretal. tit. de offic. ord. in Cap. Grave. n. 40.

Secundò: Cap. 2. Verf. Si verò sess. 5. de Reform. ubi Regularis, qui errores & scandala disseminaverit in populum, subijcitur similiter correctioni Episcopi. Idem Fagnan. ibid. n. 43.

Tertiò: Cap. 14. sess. 25. de Regular. ubi Regulares, qui etsi degant intra Clausura, tamen extrà notoriè & cum scandalo delinquant, sub certis conditionibus, ibi expressis, pariter subijciuntur correctioni Episcoporum. Idem Fagnan. ibid. n. 69.

Atqui nullus ex istis tribus casibus, ibi per Tridentinum contra Regulares exemptos exceptis, intervenit in præfenti casu prohibitionis Thesium; ergò non potuit Illustrissimus Dominus Archiepiscopus in casu controverso procedere contra Patres Thesium Præfides intimatos, notoriè exemptos, tanquam Delegatus Apostolicus. Consequentia est omninò legitima ex suprà probatis. Probatur antecedens pro 1. parte.

Non enim primus sess. 4. Quia ille Concilii locus solùm procedit de Regularibus imprimentibus &c. libros tractantes de rebus sacris. Zachar. Pasqualig. in addit. ad Lauret. de Franch. tit. de lect. lib. prohib. n. 1567. & 1568. Bordon. tom. 3. var. resolut. resol. 58. n. 24. & alii communiter.

Est autem luce meridianâ clariùs, quod Thefes PP. Præsidium intimatorum, non sint libri, cum singulæ non contineant nisi unicum folium chartæ in 4. complicatum, & etiam præferant nomina suorum Authorum, & cætera de jure ad illas requisita.

Ac signanter, quid quoad similes Theses imprimendas sufficiat nobis Carmelitæ, ut satisfiat isti S. Concilii Decreto, satis clarè insinuat Lezana. *Sum. verb. libr. in. 6.* ubi post allatum Decretum Constitutionis Capituli Generalis Cremonensis *cap. 10. n. 3.* in hæc verba: *Non audebit quisquam imposte- rum librum, seu opusculum aliquod prælo tradere sine licentia Prioris Generalis, sub pœna privationis loci, vocis, & gradu. Ab unaquaque autem Provincia, deputentur quatuor Examinatores, & revisores operum, & librorum imprimendorum, qui Priori Generali de opere reviso sententiam suam significabunt. Conclusiones verò de licentia Reverendorum Magistrorum Provincialis, & Regentium Collegii imprimi poterunt pro dispensationibus ineundis, subdit: Quâ constitutione Decreto Concilii sufficienter satisfiat.*

Hæc autè, juxta usum Provinciæ nostræ fuerunt observata circa Theses, quarum publica defensio per Decretum Illustrissimi D. Archiepiscopi præfatum, fuit prohibita; adeoque circa illas huic Decreto Concilii Tridentini sufficienter satisfactum: & consequenter jurisdictio Illustrissimi Domini Archiepiscopi, tanquam Delegati Apostolici, non potuit contra istarum Thesium Præfides, notoriè exemptos, fundari in illo Concilii Tridentini loco.

Nec dicas 1. jurisditionem delegatam Apostolicam Illustrissimi Domini Archiepiscopi in præfenti fuisse fundatam in Decreto Concilii Lateranensis sub Leone X. *sess. 10.* à Concilio Tridentino *hoc loco* innovato; quod per ista verba, *nullus librum aliquem, seu aliam quamcumque Scripturam, totum, quod disponit de libris imprimendis, extendit*

ad quaslibet Scripturas, ut sunt *Consultationes, Informationes, sententia, Decisiones, Conclusiones, & aliæ hujusmodi, ut notantur Azor part. 1. lib. 8. cap. 17. q. 2. Alter. de cens. lib. 5. disp. 2. c. 8. q. 1. Filiuc. tract. 145. 6. q. 6. n. 83. Bonac. disp. 2. de censuris in part. qu. 2. punct. 16. n. 11.*

Respondeo enim Decretum Concilii Lateranensis fuisse quidem innovatum in hoc præfenti Concilii Trident. Decreto, quoad pœnas, non verò quoad totum tenorem. Zypeus in *notitia juris Belg. lib. 1. tit. de Sum. Trin. & fid. Cathol. n. 17.* Lezana. *loc. sup. cit. n. 5.* Ac proinde in isto Decreto Concilii Lateranensis, quatenus in hoc Concilii Tridentini Decreto innovato, non magis potest fundari præfata Illustrissimi Domini Archiepiscopi jurisdictio, quàm in ipso Concil. Tridentini Decreto secundum se; in quo tamen in casu controverfo nullatenus fundari, jam vidimus.

Deindè gratis supposito, & non concesso, quod in præfenti Conc. Trident. Decreto, quoad totum tenorem suum innovatum fuisset Decretum Conc. Lateranensis præfatum; adeoque illud, non secus ac hoc, extenderetur ad quaslibet Scripturas, ut statim explicuimus, adhuc jurisdictio Illustrissimi Domini Archiepiscopi controversa in illo fundari non potuit, magis, quàm in ipso Decreto Concilii Lateranensis, in quo nullatenus fundari potuisse, statim efficeret (ni fallor) probabitur.

Nec dicas 2. jurisditionem illam Illustrissimi Domini Archiepiscopi fuisse fundatam, in Decreto Concilii Lateranensis præfato, quatenus in totum innovato & confirmato in Regula Indicis 10. quæ sic habet: *In librorum, aliarumve scripturarum impressione, serventur*

tur. quod in Concilio Lateran. sub Leone X. sess. 10. statutum est &c. apud Lezana verb. libri sup. cit. n. 4. Quò Decreto, etiam comprehendi Theses, seu Conclusiones Theologicas, apparet satis verosimile in ipso textu, ex verbo, seu aliam quamcunque scripturam.

Respondeo enim ex eodem Lezana *ibid. n. 10.* Consuetudini legitimæ quoad hoc standum, & cum Zachar. Pasqualig. *cit. de lectione libror. prohibitis. sup. cit. n. 1570.* in hoc attendendam esse praxim: siquidem, alicubi usus obtinuit, quod aliquæ minores scripturæ, quæ minimè suspectæ esse solent, ut sunt *informationes, consultationes, & alix hujusmodi, imprimantur absque alia licentia, scientibus, & permittentibus Ordinariis, & Inquisitoribus.*

Est autem notorium & manifestum, quod hic in Belgio, à tempore immemoriali, fuerit, & etiamnum hodie vigeat consuetudo & praxis, absque ulla licentia, vel Ordinarii, sive Apostolici, sive Diocesani, sive Regii Censoris approbatione, imprimendi *ordinarias Theses seu Conclusiones Theologicas, motiva juris, & nonnulla hujusmodi, scientibus, & permittentibus, neque reclamantibus locorum Ordinariis, Illustrissimis Belgii Internuntiis, Conciliis, aut Ministris Regiis.* Pro qua consuetudine & praxi in hoc Belgio nostro, quamvis probatione non indigeat, utpote notoriâ, PP. Thesium Præfides intimati, ex superabundanti, varia suo tempore adducunt testimonia, quibus, & aliis innumeris serè, quæ facile adduci possent (si opus foret) sufficienter probabitur, etiam si aliundè non foret notoriè manifesta. Imò de ea consuetudine & praxi constat satis ex Thesis, quarum in tota sua *informatione*

adducunt auctoritates, quarum nulla est, aut fuit ab aliquo Censore approbata.

Ex quibus videtur omninò certum, quod in controverso Illustrissimi Domini Archiepiscopi Decreto, nequaquam intervenierit casus *sess. 4. seu primus* ex tribus supra allatis per Conc. Tridentinum contra Regulares exemptos, exceptis; adeoque quod in isto Tridentini loco, non potuerit Illustrissimus Dominus Archiepiscopus fundare suam jurisdictionem Delegati Apostolici, contra Patres Thesium Præfides intimatos, notoriè exemptos.

Neque etiam intervenit *secundus casus*, per Trident. *Cap. 2. vers. si verò. sess. 25. De Reform.* contra Regulares exemptos exceptus: Quia (dissimulatò eò) quod ibi solum agatur de prædicatoribus publicis è suggestu conciones habentibus, & in iis errores, aut scandala disseminantibus, & horum nomine, in pœnalibus & odiosis, qualia hæc sunt, non debeant venire S. Theologiæ Professores, publicas disputationes, quæ à publicis concionibus, toto cœlo, ut ita dicam, differunt, habentes) vi hujus Tridentini Capituli, valent quidem Episcopi, tanquam Sedis Apostolicæ Delegati, contra Regulares, etiam quomodolibet exemptos, secundum juris dispositionem, & loci consuetudinem, procedere, ut rectè Barbosa *ibid. n. 24.*

At valdè prudenter & circumspectè idem Barbosa *ibidem* post multos insignioris notæ Doctores, quos citat, subdit hæc verba, digna quæ stylo ferreo indelebili characteresculpantur in cordibus omnium Episcoporum: *Curando tamen ne falsis informationibus, vel aliis calumniis aliquis eorum vexetur ex præmissis.*

Collige, nullas in Thesis contro-

versis,

versis contineri Propositiones, fidei Orthodoxæ, sanæ doctrinæ, bonis moribus contrarias, aut etiam populo scandalosas, & multò minùs errores *S. Scripturæ, Conc. Trident. & Patribus contrarios*, ideoque Illustrissimum Dominum Archiepiscopum suam jurisdictionem in Patres intimatos, non potuisse fundare in qualitate Inquisitoris, quâ ipse, uti alii Ordinarii gaudent, maximè in Belgio, ubi Sacra Inquisitio non viget, & hæreses grassantur impunè: quia qualitas hæc non habet locum, nisi in tali materia, uti per se manifestum est, & videri potest apud Lezanam *Sum. verb. Episcopus quoad Regulares n. 26. & alibi*. Et alioqui hic revera talem materiam in istis Theſibus intervenisse, ab Illustrissimo Domino Archiepiscopo probandum fuisset, antequam ex hoc capite potuisset procedere contra Patres præfatos; uti probabitur infrà.

Ex quibus iterùm liquet, quod in casu hic controverso prohibitionis Theſium præfatarum, non intervenit *secundum casus*, ex tribus per Conc. Trident. suprâ contra exemptos Regulares exceptis: adedque Illustrissimus Dominus Archiepiscopus non potuerit suam jurisdictionem præsentem Delegati Apostolici in eo fundare.

Næque etiam intervenit tertius casus *Cap. 14. sess. 25. de Regular.* Quia id ex ipso textu manifestius est, quàm ut aut negari queat, aut ulteriori probatione indigeat. Siquidem ibi expressè dicitur: *Regularis non subditus Episcopo, qui intra Claustra Monasterii degit, & extra ea, ita notoriè deliquerit, ut populo scandalo sit*; Episcopo instante, à suo Superiore intra tempus, ab Episcopo præfigendum, severè puniatur, ac de punitione Episcopum certiore facias: sin minus à

suo Superiore officio privetur, & delinquens ab Episcopo puniri possit.

Solùm nota 1. Quod omnes conditiones, in illo textu præfixæ, debeant copulativè concurrere, ut Episcopus possit in illius vim procedere contra Regulares exemptos. Quia ibi Conciliū præscribit formam servandam, quæ cum consistat in indivisibili, deficiente aliquo de ipsa (maximè in materia pœnali & odiosa, qualis hæc est) tota corruiat, atque aded etiam fundamentum jurisdictionis Episcopo concessæ. Zachar. Pasqual. *in addit. ad Lauret. de Franch. part. 1. tit. In quibus Regular subdantur Episc. n. 5. Bordon. Var. resolut. part. 1. resp. 7. n. 12.* Illustrissimus Dominus Prosp. Fagnanus *in 2. part. V. lib. Decretal. tit. de Privileg. in C. Tuarum. n. 42.*

Nota 2. Quod qualitas notorietatis & scandalii, ibi requisita, omninò probanda sit, nec sufficiat illam ab Episcopo allegari: quia agitur de jurisdictione, quæ solùm conceditur Ordinario à Concilio ex talis delicti qualitate, Zachar. Pasqual. *in addit. ad Lauret. de Franch. tit. de potest. Episc. in Regular. delinqu. q. 5. n. 122. 123.* Quando autem qualitas fundat jurisdictionem, debet prius de ipsa constare, ut tradunt supra quinquaginta Doctores, quos allegat, & sequitur Menoch. *Conf. 1045. n. 3.* Quando enim jurisdictione convenit ex qualitate, remanet dubia, nisi constet de qualitate; ac proindè debet Judex cognoscere, an sua sit jurisdictione, *l. 2. §. sed si dubitetur. & l. si quis ex aliena ff. de judic.* Et qui vult uti aliquâ jurisdictione, debet scire, se illam habere. *hac autem §. 1. ff. ex quib. caus. in posses. cas.* Quod in præsentem non potest contingere, nisi constet de qualitate, ex qua convenit.

Præterea jurisdictio, quæ convenit ex qualitate, convenit sub conditione talis qualitatis, quia si deficit qualitas, deficit etiam jurisdictio. Quando autem jurisdictio convenit sub conditione, debet prius purificari conditio, quam competat. *Glos. in Clem. 1. verb. reperierunt de offic. deleg. Cardin. in Clem. 1. n. 18. de concess. prob. Ancharan. Conf. 36. in 4. Vers. licet ex aliquo capite. Dec. conf. 603. n. 9. Gozadin. conf. 2. n. 16.* quos sequitur Rota coram Ludovisi. *decis. 1. n. 3.*

Istas verò conditiones copulative concurrissse, & hanc qualitatem *notorietatis & scandali* in prætenso (sed malè & frustra, ut constat ex hucusque præmissis) & nullò modò probato Patrum intimatorum delicto intervenissse, nec probavit, nec probabit unquam, vel ipse Illustrissimus Dominus Archiepiscopus, vel illi Theologi ejus Consilarii sapè præfati.

Quin potius ex prælibata *informatione* clarè elucet, quod Patres intimati in assertionibus suarum Thesium, publicè defendi prohibitarum, *nullos errores*, aut *scandala* disseminaverint, nihilque *sana doctrina*, *S. Scriptura*, *Concilio Tridentino* & *Patribus contrariū*, & consequenter nullum commiserint delictum, ob quod tam infami poenâ, maximam pro ipsis, & pro integra Provincia, imò & toto Ordine, confusionem, præter summam injuriam, inferente, nec citati, nec auditi, mulctandi erant.

Ex quibus iterum tam manifestè liquet, quod in Decreto Illustrissimi Domini Archiepiscopi controverso, non intervenierit *serius casus* ex exemplis per Concil. Trident. sup. ut vel ipse Illustrissimus Dominus Archiepiscopus nec posset, nec auderet hoc diffu-

teri, nisi eo ipso, proprio se, ut dicitur, gladio jugulet, palamque fateatur, se in condendo suo contrà Patres intimatos Decreto, non servasse formam sibi à Concilio ibi præscriptam, & planè incompetenter, & absque jurisditione processisse. Quod confido hucusque satis clarè & solidè probatum esse.

Ac proinde satis etiam patere, quod PP. Appellantibus ex hoc primo capite Decretum illud Illustrissimi Domini Archiepiscopi intulerit gravamen irreparabile, & consequenter subfuerit iusta ab eo ad S. Sedem appellandi ratio.

Siquidem, si extra casus exceptos fuerit ab Ordinariis quid statutum in notoriè exemptos, & appellationi & attentatorum privilegio locus erit, ut more suo doctissime Zypæus *Consultas. Canon. lib. 2. tit. de appellat. Conf. 3. n. 10. in fine.*

Ostenditur, quod simile gravamen intulerit.

Secundo: Quia Decretum istud latum fuit non servato Juris ordine, videlicet parte nec citatâ, nec auditâ, cum tamen *citatio* sit unum de substantialibus judicii, non solum jure positivo; sed etiam naturali: est enim species defensionis, quàm omnes Judices didicerunt à Domino. Clem. *Sapè. de verb. signific.* Imò prima pars judicii Instit. *de poen. temere litig. §. omnium.* nullus enim inauditus condemnandus est, secundum omnes, nullo contradicente. Bordon. *tom. 5. prax. Crimin. cap. 65. n. 5.* Unde etâ omisâ, nulla sunt acta iudicis, cum nulla res existere valeat sine sua essentia. Ita omnes cum Farinac. *q. 11. n. 37. Gisber. cap. 20. n. 9. de Bictis q. 78. n. 1.*

Nec relevat hunc defectum id, quod in utrisque respectivè PP. Thesium Præfi-

Præsidum, coràm Officiali citatorialibus de 20. Maii 1677. addidit Illustrissimus Dominus Archiepiscopus, nimirum *tempore urgente*: quasi insinuatio Decreti ita urserit, ut non superfuerit tempus illos citandi & audiendi.

Quia cum Theses illæ per totam civitatem Mechliniensem fuerint, more ibidem solito, distributæ octo circiter diebus ante diem earundem publicæ defensionis præfixam, & interea ab Ampliss. Dominis Fiscalibus Supremi ibidem Consilii in Judicio contradictorio expetita, sed parte desuper auditâ minimè impetratâ earundem Thesium publicæ defensionis prohibitio; & Decretum Illustrissimi Domini Archiepiscopi præfatum, insinuatum fuerit P. Provinciali, nonnisi unâ horâ ante Thesium istarum defensionem publicam in templo habendam; postquam scilicet jam à duabus circiter horis, ipsi Illustrissimæ Domini Archiepiscopo, vel potius ejus Theologis, innotuerat, suum conatum istâ viâ impediendi defensionem publicam istarum Thesium, per prudentissimam ejusdem Consilii ad rescriptionem Patrum intimatorum apostilam, fuisse elisum & invalidum; illud effugium non potest censerî, nisi mera & frivola excusatio in peccatis.

Cùm verò Patrum Thesium Præsidum plurimum interfuerit, ante insinuationem istius Decreti, citari & audiri, ad sese & doctrinam suam hætenus à suis prædecessoribus Lovanii, & alibi sæpius, & à multis annis nullo quidquam opponente, publicè defensam, in Scholis nostris bonâ semper fide traditam, & pro tota Provincia regulamentarem, in probatis Authoribus impressam, nullâ hætenus censurâ ab Ecclesia

aut aliis Superioribus notatam, vel ullo modo doceri prohibitam, istis Thesibus contentam, defendendum contra consilia Theologorum Illustrissimi Domini Archiepiscopi, quoad istud Decretum Consiliarium, atque etiam ut à se, actota Provincia, imò etiam à toto Ordine tempestivè propulsarent summam confusionem, incomparabilem injuriam, & infamiam notam per illud inferendum; & interea Decretum contra ipsos latum fuerit, ipsis non citatis, & inauditis, sequitur evidenter, quod etiam ex hoc capite per illud Decretum ipsis illatum fuerit irreparabile gravamen, & consequenter, quod nedum iusta, verum etiam iustissima suffuerit ratio ab eo appellandi ad S. Sedem.

Ubi negari non potest primò: quin *Patrum Thesium præsidum intimatorum plurimum interfuerit, ante insinuationem istius Decreti citari & audiri*; tunc enim sub humili correptione, potuissent dare rationem suæ doctrinæ, & mentem suam circa illam explicare, etsi non potuissent dare bonam rationem suæ doctrinæ, & mentem suam sufficienter explicare, & probare doctrinam suam esse immunem à censuris, quibus in Decreto Illustrissimi Domini Archiepiscopi præfato notatur, & ipsis probatum fuisset, eam non posse sano sensu intelligi, & publicè defendi, & eo non obstante equidem voluissent ei pertinaciter adhærere (quod certè de Viris adeò Religiosis, & inter Provinciæ primarios jure meritò reputandis, ne suspicari quidem posset sine temeritate) tunc servatis in processu Ordinariorum contra exemptos de jure servandis, salvo debito juris ordine, potuisset contra ipsos Illustrissimus Dominus Archiepiscopus

copus pro Officii sui munere procedere. Quod certè omninò sufficisset ad hoc, ut Illustrissimus D. præfatus suo muneri prudenter ac providè, & sine Patrum istorum, totius Provincia, ac totius Ordinis consensione, injuria, & infamiae nota satisfecisset.

Quinimò tantò magis Patrum The-
sium Præsidum intimorum interfuit,
ante insinuationem istius Decreti, citari
& audiri, ut potuissent Illustrissimo Do-
mino Archiepiscopo, vel istis Theologis
ejus Consiliariis exhibere allegata &
probata in supremo parlamento Mech-
liniensi, & pro sua innocentia, & pro as-
sertionum Thesium suarum ab istis cen-
suris immunitate.

Cùm enim ipsorum Theses, verifi-
milis ab illis ipsis Theologis præfatis
(uti in *informatione* suprâ insinuatum
est) delatæ fuissent ad Parlamentum
præfatum, & sugillatæ, tanquam *con-
tinentes varia sana doctrina contraria*, &c.
& obinde per Amplissimum Dominum
Fiscalem satis urgenter expostolata ea-
rundem Thesium publicæ defensionis
prohibitio, & visâ ac maturè perpensâ
rescriptione Patrum Thesium Præsi-
dum, Ornatisimum illud Parlamen-
tum nihil invenisset in ipsis aut in eo-
rum Thesisibus causæ, ob quam præten-
sam prohibitionem concederet, potuif-
sent hæc ipsa, & alia, si opus fuisset, alle-
gare etiam Illustrissimo Domino Ar-
chiepiscopo, quibus similiter visis, &
maturè perpensis, potuisset melius eo-
rum causam discernere. exemplum tam
celebris Parlamenti præferre suorum
Theologorum sinistræ informationi,
& deterri ab eo, ne cum tanta præci-
pitantia, tam præjudicabile Decretum
tulisset.

Imò cùm non sit credibile, quod Il-
lustrissimus Dominus Archiepiscopus,
vel saltem isti Theologi, ejus Consilia-
rii, ignoraverint ista inter Patres The-
sium Præsides & Amplissimum Domi-
num Fiscalem in parlamento præfato,
acta & actitata, absque eo, quod esset in
illo quidpiam ordinatum in illorum,
aut publicè suarum Thesium defensionis,
præjudicium, & eo non obstante Il-
lustrissimus D. Archiepiscopus, ex isto-
rum Theologorum judicio & suggestio-
ne, ipsis nec citatis nec auditis, viâ facti
contra ipsos processerit, & tulerit suum
Decretum publicæ dictarum Thesium
defensionis inhibitorium, & variarum
assertionum earundem censurarium,
an Illustrissimus Dominus præfatus, in
ferendo suo Decreto, vel potius isti
Theologi, quorum consilio ad illud fe-
rendum inductus fuit, possint excusari
à nimia præcipientia, & modus ille
procedendi cum dictis Patribus, fuit
secundùm Deum & bonam conscien-
tiam, secundùm Regulas iustitiæ, & cha-
ritatis Evangelicæ, & etiam secundùm
illam, quam in similibus Episcopis præ-
scribit Sacrosanctum Concilium Tri-
dentinum, æquissimo Judici *ad quem*
discernendum relinquo.

Certè si benè ponderentur verba
Conc. præfati, *sess. 13. de Reformatione*, c. 1. quibus
nonnulla statuit, quæ ad jurisdictionem
pertinent Episcoporum, & sic se habent:
*Illud primum eos admonendos censet, ut
se pastores, non percussores esse memi-
nerint, atque ita præesse sibi subditis opor-
tere, ut non in eis dominentur, sed illos
tanquam filios & fratres diligant, elabo-
rentque, ut hortando & monendo ab illicitis
deterreant, ne ubi deliquerint, debitis
eorum poenis coercere cogantur.* Quos ta-

men, si per humanam fragilitatem peccare contigerit, illa Apostoli est ab eis servanda præceptio; ut illos arguant, obsecrent, increpent in omni bonitate, & patientia: cum sæpe plus erga corrigendos agat benevolentia, quam asperitas; plus exhortatio, quam comminatio, plus charitas quam potestas. Sin autem ob delicti gravitatem virgæ opus fuerit, tum cum mansuetudine rigor, cum misericordia iudicium, cum lenitate severitas adhibenda est; ut sine asperitate disciplina populi salutaris ac necessaria consuevetur; & qui correcti fuerint, emendentur, aut si resistere noluerint, ceteri, salubri in eos animadversionis exemplo, à vitiis deterreantur: cum sit diligens & pius simul pastoris officium, morbis ovium levia primum adhibere fomenta; post, ubi morbi gravitas ita postulet, ad acriora & graviora remedia descendere. &c.

Itemque si consideretur, quod conditiones & cautelas præscribat *sess. 25. cap. 14. de Regular.* ad hoc, ut Episcopi valeant procedere contra Regulares exemptos; modus ille, quo Illustrissimus Dominus Archiepiscopus processit contra Patres intimatos, aut nullatenus, aut ægrè admodum ab excessu excusari posse videtur.

Negari etiam non potest secundò: quin per Decretum istud, ipsis Patribus intimatis, nec citatis, nec auditis, contra ipsos latum, tum ipsis, tum toti Provincia, tum etiam toti Ordini illata fuerit summa confusio, incomparabilis injuria, & infamia nota.

Imprimis summa confusio: Quia cum in Supremo Parlamento Mechliniensi (uti jam prælibatum est) nihil fuisset ordinatum in publicæ sæpè dictarum Thesium defensionis præjudicium; &

illæ jam ab octiduo in eum finem per totam civitatem Mechliniensem more solito fuissent distributæ, & dies ac hora publicæ earundem defensionis in iisdem præfixæ, jam advenissent, & Theses, more solito, toto tempore antemeridiano solemmniter fuissent appensæ ad valvas Ecclesiæ, Sedes quoque seu cathedra pro præsidentibus & defendentibus ornata & præparata, sedilia pro auditorio ex parte disposita; & ad manum collocata; imò inciperent actualiter confluere Auditores: manifestum est, quod defensio istarum Thesium, istis omnibus ad illam ita compositis, non potuerit per Decretum Illustrissimi Domini Archiepiscopi viâ facti prohiberi, & impediri, sine summa confusione.

Deindè incomparabilis injuria: non solum, quia Patres Thesium Præsides intimati, nec citati, nec auditi, per Decretum istud Illustrissimi Domini Archiepiscopi rei aguntur circa doctrinam, aliàs à se, & ab aliis quamplurimis Viris doctissimis, etiam alimæ Universitatis Lovaniensis Sacræ Theologiæ Doctoribus (uti in informatione præfertur) liberè ac sine ulla contradictione, optimâ fide traditam, & ab Ecclesiâ, aut ejus ministris, auctoritatem habentibus, non damnatam, nec publicè aut privatim defendi prohibitam hætenus, & obindè in eo taxentur & censurantur, tanquam patroni assertionum Theologicarum, sana doctrina, edificationi ac securitati salus animarum, contrariarum, nec non tanquam deprehensi in erroribus S. Scripturæ, Concilio Tridentino, & SS. Patribus contrarius, quæ ad oculum patet esse summè injuriosa.

Verùm etiam, quia, cum in iudicio contradictorio coram Supremo Parla-

mento eouſque proballent ſuam innocentiam, & Theſium ſuarum ab impoſitis cenſuris immunitatem, ut non ſolum nequidquam contra ipſos, aut contra publicam ſuarum Theſium deſenſionem actum eſſet; ſed ex ipſius Supremi Parlamenti prudenti ac providâ diſpoſitione, hæc ipſis maneret integra, libera & permiſſa: notorium eſt, quod præter privatum, quod ex ſe habebant, jam acquiſiverant publicum jus ad dictam Theſium ſuarum publicam deſenſionem præconcepto modo faciendam: à quâ faciendâ, cum nec citati, nec auditi fuerint, viâ facti prohibiti per Decretum Illuſtriſſimi Domini Archiepiſcopi; manifeſtum etiam videtur, quod per illud fuerit illata *incomparabilis injuria*.

Denique etiam *infamia nota*: quænam enim *majoris infamia nota* ferè excogitari poſſet, quàm duos optimi nominis, & integræ famæ, publicè & privatim, domi ac foris, Religioſos, Sacræ Theologiæ in ſolemniffima Univerſitate Lovanienſi per plures annos Profeſſores, imprimis reos agi, taxari, cenſurari, uti paulò ante præmiſſum eſt: deindè eoſdem in ſolemniffimo Parlamento, agente contra ipſos pro officio ſuo Ampl. Domino Fiſcali, accuſatos de aſſertionibus *ſana doctrina contrariis*, &c. tandem probatâ eouſque, ut ſuprà, ſuâ innocentia, & aſſertionum ſuarum ab impoſitis cenſuris immunitate, ideoque ſibi ipſis ac ſuo juri relictos, nec citatos, nec auditos, per unius Illuſtriſſimi Domini Archiepiſcopi, iſtorum notitiam habentis, decretum, ob nonnullorum Theologorum malam (ſub humilicorrectione) informationem, ſine ulteriori examine, & cauſe diſcuſſione,

de novo iſſidem, imò longè pejoribus cenſuris taxari, & cum publica confuſione, ſuo jure privari, & à debitâ illius executione impediri?

Ipſis quidem Patribus intimatis: uti ſatis per ſe patet ex præmiſſis.

Deindè *toti Provincia*: quia cum deſenſiones Theſium Patrum intimatorum publicæ, faciendæ forent ratione & occasione Comitiorum Provincialium iſtius Provinciæ, quæ tunc actualiter celebrabantur Mechliniæ, & quorū alteruter Theſium Præſidium, erat actualis præſes, & Commiſſarius Reverendiſſimi P. Generalis, & tota doctrina iſtis Theſibus contenta, ſit pro tota Provincia regulamentaris, & ejuſdem communi calculo, jam à multis annis approbata, & in ejuſdem Scholis inoffenſo pede tradita hætenus, omnis *confuſio, injuſtitia, & infamia nota*, Patribus intimatis per Decretum Illuſtriſſimi Domini Archiepiſcopi cauſata, non potuit non redundare in totam Provinciam, juxta commune axioma, *confuſio, injuria, infamix nota, quæ ſit Monacho, cenſetur facta Abbati, ac toto monaſterio*. *in perſonam cum ibi not. per DD. ff. de pæſtis. Paz. in epith. delict. c. 6. n. 16. Gomez. in 3. tom. var. reſol. c. 6. de injuriis n. 5. & Aloyſ. Ricc. Decif. Cur. Neapolit. part. 3. decif. 34. n. 3.*

Denique etiam *toti Ordini*: quia cum eodem ſciente & permittente tota doctrina iſtis Theſibus contenta, doceatur in tota Provincia noſtra; *tota confuſio, injuria & infamia nota* Patrum intimatorum ac totius Provinciæ; ut ſtatim vidimus, non poterat non redundare in confuſionem, injuriam, & infamix notam toti Ordini. Siquidem, ſicut *confuſio, injuria, & infamix nota facta Clerico*

rico redundat in totum Ordinem Clericalem, per text. in cap. *Si quis suadente Diabolo*. Et in cap. *Contingit interdum de sent. excomm.* Emmanuel Ferro Manriq. *Quest. moral. & vicarial. part. 1. q. 18. n. 10.* Ita confusio injuria, & infamiae nota facta Religioso, ac toti Provinciae, redundat in totum istum Ordinem Regularem. Ex quibus

Iterum liquet irreparabile gravamen multiplex, per Decretum Illustrissimi Domini Archiepiscopi, Patribus intimatis illatum; ac proinde quod subsuerit justa ratio ab eo appellandi ad S. Sedem.

Neque ibi stitit impetus istius Decreti, sed insuper Patribus intimatis intulit aliud gravamen, excedens omnem modum, sicque irreparabile, si ullum.

3. Quia latum fuit contra innocentēs, & prorsus immunes ab istis censuris, quae in Decreto praefato ipsorum assertionibus affricantur.

Etenim quam procul assertiones Thesium per Decretum publice defendi prohibitarum, distent ab istis Censuris, satis luculenter patet, tum ex brevi & succincto specimine nimiae praecipitantiæ, vel certe alicujus immoderatae Passionis istorum Theologorum, quorum judicio innixus Illustrissimus D. Archiepiscopus suum Decretum tulit, quod Patres intimati ediderunt in instrumento suae appellationis de die 1. *Junii* 1677. tum etiam ex indiculo Auctorum, & Sacrae Theologiae, etiam ipsius Universitatis Lovaniensis Magistrorum, aliorumque Professorum, qui easdem propositiones jam dudum asseruerunt, annexo simili instrumento appellationis eorundem, ultimo loco insinuat: tum denique latius & fusius ex tota informatione hic praemissa.

Disimulo hic, quod Patrum appel-

lantium Theses, post earundem publicae defensionis per Decretum Illustrissimi Domini Archiepiscopi prohibitionem, fuerint Lovanii diligenter recognitae & examinae à variis Sac. Theologiae Professoribus, & post diligense examen, in omnibus & per omnia approbatæ, tanquam nihil *sana doctrina adificationi & securitati salutis animarum* & multò minus errores *Sacra Scripturae, Concilio Tridentino, & SS. Patribus contrarios continentes*. Quorum approbationes, sub propria eorum signatura, hisce oculis egomet vidi, & exhiberi poterunt, si, ubi, & quando opus fuerit.

Quidquid sit, vel non sit, saltem hoc ex praemissis omninò confici videtur, quod Patres Thesium Praefides intimati, totam doctrinam suis Thesibus asseritam, sustinuerint bonâ fide, & sine minima suspitione vel dubio alicujus in ea *sana doctrina, adificationi, & securitati salutis animarum, Sacra Scripturae, Concilio Trid. aut SS. Patribus contrari*. ita ut, gratis supposito, & non concessio, quod in ipsorum assertionibus sublatuisset aliquid istis contrarium, id invincibiliter ignoraverint, & ignorent haecenus; & obinde non potuerint constitui rei, & consequenter non probata ipsorum nocentia, tam infamiter censurari, & à publica Thesium suarum defensione prohiberi.

Quia nullus potest constitui reus, nisi ob culpam: sub ignorantia verò invincibili praetacta, non potuit in Patribus intimatis esse culpa, cum hæc debeat committentibus esse voluntaria, qualis non potest esse sub ignorantia invincibili. Ità omnes Theologi & Canonistæ *Gl. in Cap. fin. dist. 37. v. omnis ignorantia. Cap. Apostolica. 9. de Cler. excomm.*

ibid. gl. 11. *ignorantia*. Quod pluribus juribus, rationibus, & autoritatibus, optimè deducit Bordon. *Sac. Tribunal. Cap. 41. n. 34.*

Ubi etiam *n. 35.* existis rectè insert: quod culpā non existente, pœna, & consequenter censuratio, summè pœnalis, locum habere non possit; pœna enim sequitur culpam, & illi commensuratur. *Cap. 2. de Constit. in 6.* ubi Papa non vult ignorantes probabiliter, & à fortiori invincibiliter, ligari Statutis ordinariorum. *Bart. cum aliis in l. Cunctos populos. C. de Sum. Trin. n. 20.* Afflict. *Decis. 290. n. 3.* *Jafon Conf. 184. in primo.* *Cephal. Conf. 167. n. 11.* *Giurba. Conf. 12. n. 25.*

Ethæc procedere in utroque foro, docent Sayr. *in Clavil. 1. c. 13. n. 24.* *Sanch. lib. 1. c. 10. n. 11.* *Valer. in Præjud. differ. utriusque juris.* verb. *forus*: asserens valere argumentum à foro interno ad externum, & è contrā. Quod saltem verum est, quando forum externum non innititur præsumptioni in foro interno falsæ, prout in præsentī reverà non innititur.

Insuper gratis supposito, & non concesso, quod attentā ambiguitate, aut æquivocatione terminorum, quibus Patres intimati assertiones suas in Thesibus expresserunt, poruissent aliquæ assertiones trahi in sensum alicujus *sane doctrinae, edificationi, & securitati salutis animarum, S. Scripturae, Concilio Tridentino, vel SS. Patribus contrariæ*; non idèò debebant, aut poterant Patres intimati, tum in Universitate Lovaniensi, tum in tota Provincia, optimæ famæ, & integræ reputationis hæctenus, & nunquā ab ullo, sive quod se, sive quoad doctrinam suam, in sinistram aliquam suspicionem adducti, per Decre-

tum Illustrissimi Domini Archiepiscopi tanquam rei censurari, & tam turpiter taxari.

Quia propositiones seu assertiones ambiguae aut æquivocæ, quæ plures sensus habere possunt, unum *Catholicum, sanum, edificativum, animarum salutis securum, Sacra Scriptura, Concilio Tridentino, & SS. Patribus conformem, vel saltem non contrarium, & alterum hereticum, sana doctrina, edificationi & securitati salutis animarum, vel S. Scripturae, Conc. Trid. & SS. PP. contrarium*, à iusto & æquo Judice interpretandæ sunt in bonum sensum, & in favorem ejus, qui eas posuit, nisi aliquid aliud obstet, ratione cujus debeant contra ipsum interpretari.

Tum quia non est verisimile, quod quis hujusmodi verba seu assertionum terminos posuerit secundum utrumque sensum simul, cum pugnent ad invicem, ut ipse notum est. Ergo ponens ejusmodi propositiones seu assertiones ambiguas, aut æquivocas, eas intellexerit sub uno sensu, & non sub alio, & cum delicta non præsumantur *l. merito §. 1. ff. pro socio. Cap. 2. de Regul. jur. interpretandæ sunt in bonum, Catholicum, sanum, edificativum, animarum salutis securum, Sacra Scriptura, Concilio Trident. & SS. Patribus conformem sensum, vel saltem non contrarium*; non verò econtrā in *sensum malum, hereticum, sana doctrina &c.* ut pauld ante, *contrarium*.

Tum quia in obscuris favendum est reo magis, quàm Actori, & dubia in benigniorem partem interpretanda sunt, *l. 57. ff. de Reg. jur. ubi l. 153.* dicitur, quod in re dubia benigniorem interpretationem sequi non minus justius est, quàm tutius; quia in obscuris sequi-
mur

mur quod minimum est. *Reg. 30. in 6. l. semper 9. ff. eod.* id est, quod minus nocet reo, aut ei nihil præjudicat; sed quod bonum & utile eidem esse potest: unde *l. si quis 66. ff. de judic.* dicitur. *Si quis intentione ambigua, vel oratione usus sit, id quod utilius est ei, accipiendum est.* Et verba non sunt intelligenda secundum quod sonant; sed secundum mentem proferentis. Cap. *Intelligentia 6. Cap. Propterea 8. Cap. In his 15. de verb. signific.* quia mens est potior verbis *labeo 7. in fin. ff. de supell. legat.*

Quamobrem conformiter ad hæc, assertiones Patrum intimatorum, in causa præsentis, tum ab Illustrissimo Domino Archiepiscopo; tum ab istis Theologis ejus Consiliariis, erant interpretandæ in benigniorem partem, & in sensum sanum &c. non verò in tam malum; cum nec Illustrissimo Domino præfato, nec ejus Theologis constaret de aliquo, ratione cujus debuissent contra Patres intimatos eorum assertiones interpretari.

Et consequenter nullo jure poterunt Patres intimati per Decretum Illustrissimi Domini Archiepiscopi sic censurari, & nullâ contra eos probatâ culpâ, sed constante in omnibus suâ innocentia, & integritate suæ doctrinæ, tanquam rei traduci, & tam infamiter taxari.

Ideoque etiam ex hac parte per illud Illustrissimi Domini Archiepiscopi Decretum, ipsis illatum fuit gravamen, excedens omnem modum; adeoque irreparabile, si ullum; ac proinde justissima

etque irreparabilia Patribus intimatis illata fuerint gravamina, & quod subfuerit justa ratio ab eo appellandi ad S. Sedem, & confidentia justæ suæ causæ per appellationem declinandi judicium Illustrissimi Domini Archiepiscopi, quod justè & prudenter fieri, docet S. Thomas 2. 2. q. 69. art. 3. cui subscribunt omnes Thomistæ, & Sor. *de just. & jur. l. 5. q. 6. eod. art.* & est decisum Cap. *omnis oppressus. 2. q. 6. ubi: liberè sacerdotum, si voluerit, appeller judicium, & à nullo prohibeatur.* Quod item est certum naturæ lumine; nam ratio naturalis dicat, ut unusquisque se, & sua defendat, eo modo, quo potest. Quæ maximè concludunt, dum appellatur immediate ad Papam, vel ad S. Sedem.

Nam tunc Judex à quo tenetur sub mortali huic appellationi deferre, & secus faciens, debet graviter puniri ex cap. *De Priore 31. De appellat.* Donat. Laynenf. *to. 2. part. 2. tract. 10. de appellat. q. 35. n. 4.* dummodò appellatio sit rationabiliter interposita, prout in præsentis casu, ut constat ex hucusque præmissis, quibus satisfactum manet ad *Quæsitum primum.*

RESOLUTIO AD II.

Respondetur ad 2. Quod stante dictâ appellatione, non potuerit decerni per Officiale citatio adversus Patres intimatos.

Quia, ut patet ex hucusque præmissis, totâ *Responsione ad primum*, appellatio P. P. Thesium Præsidum intimato-

copus deferre debuit: ac proinde causam Patrum appellantium ad S. Sedem, eò devolvit, & Illustrissimi Domini Archiepiscopi omnem jurisdictionem contra eosdem suspendit & annullavit omnia post illam, legitimè interpositam, facta: quâ proinde pendente, nihil potuit innovari seu attentari in præjudicium appellantium, juxta cap. *ad audientiam de appellat. in fin. ibid. Gloss. Innoc. in Cap. ex. parte 1. l. 1. de verb. signif. Sylvest. verb. appellatio. n. 4.*

Ideoque stante dictâ appellatione, non potuit decerni per Officiem citationis adversus PP. Thesium Præfides appellantes, cum hæc debuerit fieri, & re ipsâ facta fuerit, in vim & in consequentiam prioris Decreti sæpè præfati, uti per se manifestum videtur, & ad oculum patet ex ipsâ commissione Officiali præfata ab Illustrissimo Domino Archiepiscopo desuper datâ, & inter alia in præmissâ *informatione* suprâ adducta.

Nec obstat, quod Illustrissimus Dominus Archiepiscopus dictæ appellationi non detulerit: quia cum iusta & rationabilis fuerit, ut suprâ satis probatum est, & ad S. Sedem Apostolicam legitimè interposita, jura eidem detulerunt juxta l. *quoniam iudices C. de appellat. l. ei, cuius ff. de appellat. recip. ob* indèque per dictam appellationem ligatæ fuerunt manus Illustrissimi Domini Archiepiscopi, qui idcirco etiam tenebatur quiescere in causa, & iudiciū iudicij *ad quem* expectare. Donat. Laynenf. *tom. 1. part. 2. tract. 1. q. 35. n. 5.*

Tantè ampliùs, quod sit communis omnium, nemine contradicente, sententia, quod Iudex non possit in causa procedere, neque aliquem citare tanquam reum, nisi ipsi constiterit de cor-

pore delicti. Ita omnes in l. 1. ff. *ad Sylavianum*. Et licet ibi exemplum sit de homicidio, idem tamen dicendum de omnibus aliis delictis, docent communiter Doctores.

Sicut Iudex, qui omisâ corporis delicti probatione, procedit contra reum, invalidum formet processum, ex allatis à Farinac. *q. 2. ubi latè de hac re. De Bictis q. 12. Guazin. in defens. Carena part. 2. tit. 12. à n. 170. & part. 3. tit. 1. à n. 23. ab Angelis cap. 12.*

Itaque cum ex nullo pateat, quod Illustrissimo Domino Archiepiscopo, aut ejus Theologis, constiterit de corpore delicti Patrum intimatorum, & multò minùs illud probaverit, & equidem contra illos processerit, ferendo suum Decretum, & in vim, ac in illius consequentiam, curaverit ipsos citari coram suo Officiali, videtur peremptoriè concludi posse, quod totus ejus contra ipsos processus fuerit à principio omninò nullus & invalidus, & per illum Patribus intimatis illata fuerint varia irreparabilia gravamina, & consequenter, quod iustissima subsuerit ab eo, & quidquid in vim illius subsecutum fuit, ad S. Sedem appellandi ratio.

Ubi certè ægrè admodum à passione, & nimia crysi excusari posse videtur, quod Patres intimati à Domino Officiali fuerint citati, & debuerint personaliter comparere ad locum consuetæ audientiæ, & illâ ipsâ horâ, quâ ad eundem lenones, scortatores, adulteri, metretices, & similes scelerati homines citari & comparere solent; directè contra art. 4. *Statut. Ecclesiast. Provinc. Mechliniens.* qui sic habet: *Quamobrem etiam, antequam causam aliquam Ecclesiasticam contra Ecclesiasticas, aut honesti nominis*

*nominis personas in iudicio contradictorio
trahendam exhibeant, eam prius Officiali
denuntiens, ut difficiat, an ead. ad se per li-
teras clausas avocare velit, an viâ regiâ
permittere causam agi.*

Quod si voluisset Illustrissimus Do-
minus Archiepiscopus ad, pro officii sui
debito, à populo sibi commisso avertenda
pericula damnationis & scandala, de do-
ctrinâ, qua illi per Theses Patrum intima-
torum proponebatur, cognoscere, nec non
revocare deprehensos in erroribus Sacra
Scriptura, Concilio Trident. & SS. Pa-
tribus contrariis, uti in suis Decretis præ-
ferebat, potuisset, & debuisset id facere,
adhibita eâ cautelâ, quæ ibi pro Eccle-
siasticis & honestis nominis personis (qua-
les omnino erant Patres intimati) præ-
scribitur, & quam solet adhibere pro
suis Ecclesiasticis.

Item ut hoc ipsum, pro officii sui de-
bito, prudenter ac providè mandasset
executioni, non debebant Patres inti-
mati citari ad locum & consistorium
consuetæ & ordinariæ audientiæ, ubi
pro tribunali non sedet nisi unicus Ec-
clesiasticus, stipatus aliquot secularibus
assessoribus, nimirum ipse Dominus
Officialis, quantumvis regulariter bo-
nus Jurista & practicus, sæpè tamen e-


xiguus Theologus: de quo etiam in cau-
sa præsentî, Patres intimati prudenter
præsumere poterant, quod fuisset unus
ex istis Theologis, quos Illustrissimus
Dominus Archiepiscopus adhibuerat in
consilium, & consequenter ipsorum
pars; non Iudex indifferens; uti in sua
præmissa informatione rectè insinua-
runt; & obindè ab ejus Decretis ad S.
Sedem jure meritò appellarunt, ut sta-
tim videbitur.

Quid verò sibi voluerit, quod tam
crudè & tam ruditer in omnibus & per
omnia cum Patribus intimatis proces-
sum fuerit ab Illustrissimo Domino Ar-
chiepiscopo, ejusque Officiali, æquis-
simi Judicis ad quem discretionî relinquo.
Ex his, & hucusque præmissis

Sufficienter patet Responsio ad 3.
Quæsitum, quod nimirum per eosdem
Patres intimatos justè, rationabiliter,
& legitimè fuerit exceptum, & ab Offi-
cialis Decretis similiter appellatum:
cùm stante dictâ appellatione, non fue-
rint nisi mera attentata; quæ sicut se-
cum trahebant nova gravamina, prio-
ribus omnino similia, ita etiam Patri-
bus præfatis dederunt novam justam
rationem contra ea excipiendi, &
ab illis similiter appellandi.

F I N I S.

Ita, salvo meliori iudicio, sensu & censui Bruxellis 20. Ja-




APPROBATIONES.

LEgi consideratè rationes pro RR. PP. SEBASTIANO à S. PAULO. & MARCO à RESURRECTIONE DOMINI, sanè doctè & accuratè deductas, atque in ipsis circa Assertiones Theologicas, sic sentio: nihil in iis contineri, quod sanæ doctrinæ adversetur: sed probatas tot adductis Doctoribus; meritò cenferi doctrinam, in omni Schola Theologica probabilem.

Arnoldus Mylius Soc. JESU SS. Theologiae Doctor & Professor Coloniae Ordinarius, Sacrae Facultatis in Universitate Colonienfi pro temp. Decanus. M.P.

SUccessum ac Processum hujus institutæ Disputationis, sicut & Appellationis, simulque Quatuor Propositiones Theologicas sedulò examinavi; reperique dictas Propositiones non tantùm ex Sapientissimis Doctoribus, & Publicis Cathedriticis studiosè collectas, solideque probatas: verùm insuper sanam continere doctrinam sine ullâ Fidei Orthodoxæ aut bonorum morum læsione. Quare cum nec Diabolo sit neganda defensio, ut acutè ait Hostiensis in can. cum inter 5. de except. præfatarum Probabilium Propositionum Praesides legitimè ad subsidium Appellationis religiosâ cum modestiâ profugerunt: nam ulterius tacuisse, fuisset dissidentia signum, non modestiæ ratio, ex Oraculo Hilar. contra Constant. Neque Adversarii qualescunque hanc justam Regularium defensionem ægrius ferre



ferre possunt; nam *stimulati ut Apes, interdum aculeo suamella defendunt: & tanquam Columba cum hostibus, ore potius, quam dente confligunt*, idque ex præscripto S. Paciani epist. 2.

Salvo &c.

Fr. JACOBUS EMANS, Ord. Carmelitarum SS. Theologia in
Universitate Colonienſi Doctor & Professor Ordinarius, Senior

m. p.

Fr. HENRICUS HILDEN, Ord. Prædicatorum Magister, &
in Universitate Colonienſi SS. Theologiæ Professor
Ordinario-publicus, m. p.

Subscribo quoque huic Resolutioni:

F. JOANNES SCHWEITZER, Ord. Erem. S. P. Augustini
Vicarius Provincialis cis-Mosanus, SS. Theol. Doctor
& Professor Ordinarius. m. p.

*Hisce quoque à me visis & accuratè examinatis pariter
subscribo:*

Fr. HYACINTHUS CUNIBERT, Ord. Præd.
Magister, & in Universitate Colonienſi SS.
Theol. Professor Ordinarius m. p.

225 225

Et Ego FR. SYLVESTER SCHWEITZER, Ord. FF. Min. Con-
ventionalium Guardianus, SS. Theologiae Doctor & Professor Or-
dinarius. m. p.

PROPOSITIONES ab Admodum RR. PP. Carmelitis publicæ di-
sputationi Mechliniæ propositæ, atque ab Illustrissimo D.
Archiepiscopo Mechliniensi censurâ notatas accuratè perlegi,
in quibus cum nihil Orthodoxæ Fidei aut bonis moribus dis-
sentaneum repperim, sed potius tales sint, quæ doctrinam pro-
babilem, atque à plurimis Vitis doctissimis traditam & sæpius
defensam complectantur, nullâ jure censurâ perstringi posse
censeo. Coloniz 8. Martii 1678.

Ita censeo

JOANNES LOVENTHAL, S. J. SS. Theol. Doct. & Pro-
fessor Ord. in Universitate Colon. m. p.

INfrascriptus attentè perlegi, & maturè perpendi, tum Rationes pro par-
te RR. PP. in hac causâ prohibitionis publicæ defensionis quarundam The-
sum Theologicarum intimatorum, totâ eorundem præinsertâ informa-
tione deductas; tum etiam tria quæsitâ circa justitiam appellationis à
Decretis Illustrissimi ac Reverendissimi D. Archiepiscopi Mechliniensis, e-
jusdemque Officij ab eisdem interposita; nec non Resolutiones ad illa
subnexas: quibus omnibus æqua lance libratâ, sentio & censeo, imprimis
in assertionibus Thesum Patrum intimatorum nihil contineri, vel sanæ
doctrinæ, vel ædificationi, ac securitati salutis animarum, vel
Sacræ Scripturæ, Conc. Trid. SS. Patribus, vel communibus &
passim receptis aliorum Doctorum, aut Sacræ Theologiæ Pro-
fessorum sententiis contrarium: Deinde omninò justam subsuisse
ab utriusque Decretis præfatis ad S. Sedem appellandi rationem. Datum
in Carmelo nostro Bruxellensi die 24. Januarii 1678.

FR. ALEXANDER à S. THERESIA, S. Theologiæ Professor
Ordinis Carmelitarum.

Idem



Idem sentimus & censemus infra scripti :

FR. MARIUS à S. JACOBO, *Sacra Theologia Lovanii Professor Ordinarius Carmelitarum.*

FR. ELISEUS à S. CYRILLO, *S. Theologia Lovanii Professor ejusdem Ordinis.*

Actum in Carmelo nostro Lovaniensi die 27. Jan. 1678.

R A T I O N È S

Pro parte PP. SEBASTIANI à S. PAULO & MARCI à RESURRECTIONE DOMINI S. Th. Professorum, quibus ostenditur justitia Appellationis eorundem à Decretis Illustrissimi ac Reverendissimi D. Archiepiscopi Mechlin. & Domini Officialis ejusdem super causa prohibitionis certarum Thesium Mechliniæ in Capitulo Provinciali disputandarum diebus 17. & 18. Maii 1677. in cum finem distributarum; à diversis Eximiis SS. Theologiæ Doctoribus & Professoribus Ordinariis, quæ publicis, quæ privatis, attentè, curiosè & studiosè examinatae ac approbatae, nec à fide, nec bonis moribus recedunt. Coloniae die 18. Martii 1678.

FR. CASPARUS VON KOLLEN, Ord. Præd.
S. T. D. & Apostolicus Inquisitor Generalis Coloniae partesque annexas.

MENDÆ SIC EMENDANDÆ.

Paginâ 3. Columnâ 2. lineâ 17. continere lege contineri. Pag. 4. col. 2. lin. 5. eminenti, lege imminenti. Ibid. lin. 14. renouatione, lege, revocatione. Pag. 9. col. 1. lin. 13. præscriptum, lege, præscriptam. Pag. 14. col. 1. lin. 6. suum, lege sibi. Pag. 28. col. 2. lin. 11. jure, lege, in re. Pag. 33. col. 1. lin. 37. five personali, lege, five originali. Pag. 54. col. 1. lin. 28. non, lege, nos. Pag. 62. col. 1. lin. 13. explicitè, lege explicitæ. Ibid. lin. 31. auctoritatem, lege, auctoritatum. Pag. 63. col. 1. lin. penult. materix, lege, maturè. Pag. 66. col. 1. lin. 18. public, lege, publicè. Pag. 67. col. 2. lin. 7. deprehensus, lege, deprehensos. Pag. 76. col. 1. lin. 14. & 15. auditû fuerint, lege, auditû, fuerint. Ibid. col. 2. lin. 27. toto, lege, toti. Pag. 79. col. 2. Resol. ad 11. lin. 8. è Decreto, lege, à Decreto. Pag. 80. col. 1. lin. 14. Officielem, lege, Officialorn. Ibid. col. 2. lin. 6. ficut, lege, sic ut.

Reliqua relinquuntur correctioni discreti Lectoris,